



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

4850

83

φ-83

977 22/1/38



Վ 6941

#6941

ԼՈՒԴՎԻԳ ՓՈՒԼԴԵ

Հ Ե Ր Ո Ս Տ Ր Ա Տ

ՈՂԲԵՐԳՈՒԹԻՒՆ

Հ Ի Ն Գ Գ Ո Ր Շ Ո Ղ Ո Ւ Թ Ե Ա Մ Բ

Թ.Ա.Բ.Գ.Մ. ՈՒՍԵՐԷՆԻՑ
Տ. Կ.



(Արտատպած «Լուսնայ» երկամսեայ հանդիսից):

Թ Ի Ը Ի Ս
Արագածուի Ա. Զուլթաթեյլաճէի, Նիկ. 21
1904

447
838
B-83

03 AUG 2005


10 NOV 2011

ԼՈՒԿՎԻԳ ՓՈՒԼԴԵ

Հ Ե Ր Ո Ս Տ Ր Ա Տ

ՈՂԲԵՐԳՈՒԹԻՒՆ

Հ Ի Ն Գ Գ Ո Ր Ծ Ո Ղ Ո Ւ Թ Ե Ա Մ Բ



ԹԱՐԳՄ. ՌՈՒՍԵՐԷՆԻՑ
Տ. Վ.



(Արտատպած ձևով, երկամսեայ հանդիսից):



Թ Ի Ը Ղ Ի Ս
Արագատիպ Ա. Զուլթաթեղաձէի, Նիկ. 21.
1904

1009
6438

Հ.Ս.Խ.Զ. ՀԱՆՐԱՅԻՆ ԳՐԱԳՐԱՐԱՆ
Публичная Библиотека
7/11-1922
ИМЕНА, МАСНИКОВА
ՍՅԱՍԻՅԱՆԻ ԱՆՎԱՆ

Дозволено цензурою, Тифлисъ, 30-го Мая 1903 года.

ԼԻԻԴՎԻԳ ՖՈՒԼԴԱ

ՀԵՐՈՍՏՐԱՏ

Լուդվիգ Ֆուլդա (Fulda), գերմանացի յայտնի թատերագիր և բանաստեղծ, ծնուած 1862 թ. ուսումնասիրել է գերման լեզուները, գրականութիւն և փիլիսոփայութիւն Հայդելբերգի, Բերլինի և Լայպցիգի համալսարաններում: Սկզբում, երբ ապրում էր Միւնխէնում, գտնւում էր Պօլ Հայդէի աղդեցութեան տակ: Նորա հէնց առաջին թատերկը, մի գործողութեամբ, Die Aufrichtigen (Անկեղծներ) գրուած 1883 թ. մեծ յաջողութիւն ունեցաւ: 1886 թ. Բերլինում առանձին ուշադրութիւն գրաւեց Deutsches Theater-ում ներկայացնելով իւր մի գործողութեամբ Unter vier Augen.—Թատերկի յաջողութիւնն առիթ տուեց նշանաւոր դերասան Բարնային դրդել Ֆուլդային մի նոր թատերկ գրելու իւր նոր հիմնած «Բերլինի թատրոն»-ի համար: Այդ նոր երկն էր Die Wilde Jagd (1888, Վայրի որս), որ անասելի յաջողութիւն ունեցաւ: Այդ բոլոր երկերի մէջ Ֆուլդան անհատական կեանքի չըջանից դէնը չէր անցնում: Վերջին երկում մի քանի ողբերգա-գաւեշտական տեսարանների մէջ պատկերացնում է մարդկանց՝ բազմի յետեից ընկնելու անյագ ձգտումը, որ սակայն իւր հերոսների համար միշտ վերջանում է անվերջ հիասթափութեամբ: Բերլինում ծանօթանալով երիտասարդ գրողների չըջանի հետ, տարւում է հասարակական հարցերով և փորձեր է անում թատրոնական բեմ հանել հասարակութիւնը յուզող դասակարգութիւնների մաքաւման պատկերներից զանազան տեսարաններ: Das verlorene Pauradies (1890, Կորստ կորուսեալ) նիւթն առնուած է բանուորական գործադուլներից, որի մէջ նկարագրւում է գործող անձինքների ողբերգական յարաբերութիւնները: Աւելի պակաս յաջողութիւն ունե-

ցաւ 1891 թ. բեմ հանած Die Skeavin (Ստրկուհի), որի մէջ պատկերացնում է կնոջ դառն վիճակը: Վերջին երկերի պատկերացրած չոր ու ցամաք իրականութիւնն առաւելապէս արդիւնք էր այն գրական շրջանի, որի մէջ էր և Ֆուլդան, քան բուն իւր սեփական տաղանդի, որ կատարելապէս փայլեց միայն իւր վերջին ողբերգական Talisman առակի մէջ, որ մեծ ոգևորութեամբ ընդունուեցաւ «Գերմանական-թատրոնում» 1892 թ.: «Թալիսմանի» նիւթը, համարեա, նոյն է, ինչ որ Անգերսէնի «Թագաւորի նոր հանդերձը»: Չնայելով նիւթի հէքիաթական բովանդակութեան, բայց և այնպէս բոլոր գործող անձնաւորութիւնները ներկայացրած են պարզ, որոշ գոյներով և շատ տիպական են: Ֆուլդայի միւս երկերը, ինչպէս Die Kameraden (1894, Ընկերներ), Der Sohn des Chalifen (1897, Խալիֆի որդին), Թալիսմանի պէս ողբերգական նիւթ է, բայց Բերլինի հասարակութեան աւելի քիչ դուր եկաւ, քան Թալիսմանը, Jugendfreunde (1897 թ. Նրիտասարգական բարեկամներ), Schlarafenland, նոյնպէս ողբերգական առակ և Herostrat պատմական բովանդակութեամբ մի ողբերգութիւն:— Ֆուլդան ունի նաև բազմաթիւ քնարերգութիւններ, որոնք աչքի են ընկնում զգացմունքի ջերմութեամբ և անկեղծութեամբ: Ֆուլդայի երգիծարանութիւնները և վերտառութիւնները (ЭПИГРАММЫ) աչքի են ընկնում նուրբ և կծու սրամտութեամբ: Ֆուլդային քնարական երկերը հրատարակուած են Satura. Grillen und Schwänke (1884, Լայպց.) Neue jugend (1887), Sinngedichte (1888, Դրէզդ. Բ. հրատ. 1893 թ.), Gedichte (1890, Բերլին), Neue Gedichte (1900): Ֆուլդայի վէպիկները հրատարակուած են Lebensfragmente խորագրով (Բ. հրատ. 1896 Շտուտգարտ): Բացի դորանից Ֆուլդայի թարգմանութեամբ հրատարակուած են Մօլլէրի լաւագոյն երկերը (Բ. հրատ. 1895) և Ռօստանի «Ռօմանտիկներ» և «Սիրանօ-դը-Բերժըրակ» ողբերգութիւնները:— Կիւրչների Deutshe Nationalliteratur-ի մէջ հրատարակել է Die Gegner den zweiten Schlesischen schule Նրկորդ շիվիական դպրոցի հակառակորդները (Շտուգ. 1783):

ԳՈՐԾՈՂ, ԵՆԶԻՆԻ

Հերոստրատ.	Դիոն	} օտարականներ.
Տիմարիտա-նորա մայրը.	Մենիպպ	
Գեգեսիյ.	Զոյա	} քաղաքացիք
Կլիտիա-նորա թոռը.	Լիսիլլա	
Մետրօդոր խորհրդի	Փէօնիդա	
Թրասոն	Կալլիյ	
Շլպէյտ-մեծ քրմապետ	Դիօկլ	
Պրակսիտել.	Զինուոր	

Մաւահանգստի պահապան.
 Զրմեր եւ քրմհիններ, ստրուկներ.
 Ուխտաւորներ, Մաւաստիններ, Ժողովուրդ,
 Զօրականներ:

Գործողութեան տեղը՝ Նիեսուս (Յունաստանում).
 Ժամանակը՝ 356 թ. Բ. Ճ. Ա.

Ա. ԳՈՐԾՈՂՈՒԹԻՒՆ

Բաց հրապարակ Եփեսոսում: Յետևի մասը, համարեա ամբողջապէս բռնում է Արտեմիսի տաճարի թափանչում ճակատը. նորա պղնձակերտ դռների առաջ գտնուում է լայն մարմարիոնէ սանդուղիներ, սանդուղի երկու կողմը մի-մի ձողաջահ: Տաճարի յետևի մասում երևում է ժայռոտ լեռներ: Աւելի հեռու յետևի մասում երևում է նաւահանգստի մի մասը՝ խարխուս ձգած նաւերով: Աջ կողմը համեստ, ցածրիկ մի տնակ, շրջապատուած անտառակով: տնակի առաջ մի նստարան: Աջ կողմը, բոլորովին առաջին տեսարանի վրայ երևում է փոքրիկ ապառաժոտ բարձրավանդակ, վրան փորուած ոտնատեղերով որոնք գեղարներ (կուլիս) յետևը կորչող կաճանի սկիզբն են ցոյց տալիս: Ձախ կողմը, առաջի մասում, բաւական դուրս ընկած՝ երևում է Մետրոսորի տունը, երկու դռնով, մէկը ճակատի կողմից, ուղղուած հանդիսականներին, միւսը կողմնակի: Մի քիչ հեռու, ձախ կողմը Գեգեսի տունը, որ բաժանուած է Մետրոսորի տնից փողոցով, բաց սրահակով (portique), որ ծառայում է իբրև վաճառանոց. սրահակի ներսի պատերից կախիտուած է բրօնզեայ վահաններ, զէնք և ուրիշ գեղարուեստական իրեղէններ:

ՏԵՍԵՐԸ I.

Արևծագ է: Տաճարի սանդուղիների վրայ նստոտած է ժողովուրդը. նոցանից ոմանք աղօթում են: Տաճարից լուում են երաժշտութեան մեղմ ձայներ: Նաւահանգստում նաւաստիները շղթաներով ամրացնում են նաւը և բեռը դուրս տալիս. երևում է նաւի մի մասը միայն:

ՀԵՐՈՍՏԵՍ (նստած է անշարժ, աջ կողմը գտնուող տնակի առաջ եղած քարէ նստարանի վրայ, մէջքը հանդիսականներին, խորասուզուած՝ տաճարը դիտելով: Քիչ յետոյ երևում է օտարերկրացիների խումբը, որի մէջ են ԴԻՕՆ և ՄԵՆԻՊՊ: (Յետոյ) ԳԵԳԵՍԻՑ:

ՃՈՂՈՎՈՒՄԸ.—(Խմբովին, հանդիսաւոր կերպով):

Ո՛վ, մայր կենաց, սուրբ Արտեմիս,
 Լուսաթաթախ ապարանքում
 Թագաւորող հզօր, ահեղ,
 Մեծ դիցուհի, արծաթփրփուր
 Ծովով պատած Յունաստանի
 Եւ գեղեցիկ, զուարթ Յոնիոյ

Քաջարագուկ որդիներից
 Երգուած Դշխոյ, զաւակներդ
 Ա՛ն ապահով քո յարկի տակ
 Եւ սրտագեղ, առատ աջով
 Օրհնէ նոցա:

(Դիոնը, Մենիպպը և միւս օտարականները, ծանապարհ հի զգեստով, մտնում են նաւահանգստի կողմից և կանգնում են ապշած ու շլացած տաճարի տեսքով):

Երկար ուղու նպատակ կէտին
 Հասանք արդէն: Բարեկամներ,
 Լաւ դիտեցէք: Արշալոյսի
 Ծիրանագգեստ շողերի մէջ
 Մեծ դիցուհու յաւէժ, անանց
 Փառաց տաճարն, հազար-հազար
 Ազգ ու լեզուից փառարանած
 Մեհեանն՝ ահա, դիմաց կանգնած:
 Տարտարոսի աստուածներին
 Փառք, գոհութիւն մենք առաքենք,
 Որ մեր կեանքին նոր թոյլ տուին
 Եւ վեհութիւնն աչքով տեսնք:

Գեգերջանիկ, չքնան դաղաք,
 Փառքիդ չողերն ողջ աշխարհն է
 Ողբել, լցրել:

ԳԵԳԵՍԻՑ. (Դուրս գալով իւր տնից, խօսում է՝ երեսը յետ դարձրած):

Է՛յ, անպիտան
 Ծոյլ ստրուկներ, դէհ, շուտ արէք,
 Ժիր շարժուեցէք: Չէք տեսնում, որ
 Նաւերն ահա՛ շարան-շարան,
 Մրցման ելած, առաջ-կտրուկ
 Նաւահանգիստ են շտապում,
 Առատ, անթիւ ուխտաւորներ
 Քաղաք բերում, որոնց գեղուն
 Կըրօնական ջերմ գգացում
 Պիտի լայն-լայն բանայ նոցա
 Քրտակների բերանները:
 Այստեղ եկէք, հետներդ առէք,
 Այստեղ բերէք աստուածուհու

Մաքուր կաւից, փայլուն պղնձից
Հրաշակերտած արձանիկներն:

(Հետեւեալ խօսակցութեան ժամանակ ստորուկները սրա-
հակն են բերում Եփեսոսի Արտեմիսի արձանիկները, տա-
ճարի փոքրիկ յարանմանութիւնները և այլն և շարուժ
են վաճառքի հանելու համար:—
Գիտնն ու Մինիպպը բաժանուելով միւսներէց, առաջ
են դալիս: Գեգեսին բարեւում է նոցա):

Ա՛, ողջոյն ձեզ, օտար երկրից
Մեզ հիւր եկած բարեկամներ:
Գրազ կըզամ, թէ առաջին
Անդամը չէ՛, որ Եփեսի
Հողի վերայ ոտք էք դնում:

Գիտն. ձիշտ այդպէս է, ծերուկ յարգի:

Գեգեսի՛ն Ո՛ր աշխարհի ծնունդ էք դուք:

Գիտն Սիցիլիայի լի դաշտերն են
Մեզ սնուցել, իսկ Սիրակուզն
Մեզ իւր որդի՛ քաղաքացիք
է ճանաչել:

Գեգեսի՛ն Շատ էլ մօտ չէք,
Հերմէս վկայ, այն ճանապարհն,
Որ կտրեցիք, անցաք եկաք:
Բայց աւելի լաւ ժամանակ
Ընտրել երբէք չէիք կարող:
Հազիւ, ահա, նոր է սկսուած
Աստուածունուն ձօնած ամիսն:
Արամազդից մեզ պարգևած
Ամեն մի օրն՝ իրեն յատուկ
Ակնապարար հանդէսն ունի,—
Մարզանք թէ վազք՝ կառքով, ոտով
Նրզ ու պարեր՝ խենթ, յամրաքայլ,
Խնձոյք ու խինդ՝ ամեն օր կայ:
Նոյն իսկ այսօր դուք կը տեսնէք
Տաճարի մէջ մատաղ կուսից
Վառ ըղձերի շքեղ հանդէս:

Գիտն (Դառնալով դէպի տաճարը)

Ասա՛, խնդրեմ, ինչո՞վ արդեօք
Յաւերժացրեց շընորհապարտ

Հայրենիքը՝ կէս-աստըծուն:

Գեգեսի՛ն Որի՞ մասին ես հարցընում:

Գիտն Այս տաճարը կերտող, կանգնող
Մեծ վարպետի՛ Պայծնիայի:

Գեգեսի՛ն Հէնց իմ հաւս է, հօրս պապը.
Հայրս դեռ շատ լաւ յիշում էր
Մեծ ծերունի արուեստագէտին:

ՄեՆԻՊՊ Ազնիւ ցեղի շառաւիղ ես:

Գեգեսի՛ն Մեծ նախահօրս բոլոր արտովս
Շնորհապարտ եմ. աշխատանքի
Ծանր ու դժուար բեռն ու հոգսը
Իւր ուսերի վերայ տարաւ,
Իսկ ինձ թողեց փառք ու մուտքի,
Եկամուտի անհատ այս գանձ:
Կարո՞ղ կլինէր, քաղաքն արդեօք,
Սորանից էլ մեծ յարզ ցոյց տալ
Արուեստագէտի յիշատակին,
Քան արտօնել նորա զարմին
Սրբավայրի փակկալ լինել,
Վաճառք հանել նորա անդրին՝
Իւր իսկ գաւթում:

ՄեՆԻՊՊ (Յոյց տալով յետեի, խորել կողմը):
Ինչո՛ւ, ասա,

Տաճարի ծանր, պղնձակերտ
Դռներն՝ երկվիեղկ, լայն բացուեցան:

Գեգեսի՛ն Ասել է թէ, զոհարերքի
Ծէսերն, արդէն, աւարտեցին.
Եւ Եփեսի պայծառ զարմը
Դիցանոյշի շնչով սրբուած
Սուրբ թափօրի գլուխն անցած
Մեզ է դիմում:

Թափօրը դուրս դալով տաճարից, առաջ է գնում դէ-
պի աջ յետոյ նորից սանդուղակներն ելնելով մտնում է
տաճարը: Առջևից գնում են փողահարներ, որոնք երբեմն
երբեմն հնչեցնում են հանդիսական փողերը և շեփօրնե-
րը, քարոզները՝ ձեռքերին բռնած գայլսոններ. Եպէյոթը
յետևից քրմեր և քրմուհիներ՝ քաղաքի աւագները, որոնց
ձջ երևում է Մեարօդորը. յետոյ երիտասարդներ, կոյ-

սեր, որոնց մէջ և Ալիտիան ձողովուրդը բեմի խորքում,
յարգանքով տեղի է տալիս թափորին և երբ թափորը
հեռանում է, նորա յետեկց իրար հրելով տաճար են
թափւում):

ԳԵԳԵՍԻՅ

(Բացատրում է փողերի հնչումը դադարելու ընկերներն

Տեսէք, ահա:

Քայլերն ուղիղ աստուածունու

Դէպ սրբազան անտառ դարձան:

Խոնարհ ու հեռամբոխի տէր

Մեծ քրմապետն՝ քարոզների ¹⁾

Անվերջ շարքին անմիջապէս

Հետևում է վեհ քայլուածքով:

Մեծարելի ծերերն ամեն

Ձուտ տօնական պերճ հագուստով:

Նոցանից յետ՝ կրնկակոխ

Ձոյգ-զոյգ, կարգով, շարան-շարան

Նրիտասարդ, պատանիներն

Եւ ամօթխած չքնաղ կոյսերն:

Օ՛ր, բազմաթիւ սիրող սրտեր

Ամուսնութեան սուրբ կապերով

Կըմիանան Արտեմիսի

Եւ ժամերի զոյգ օրհնութեամբ:

ՄԵՆԻՊՊ

(Նկատելով Կլետային)

Ասա, դու մեզ, ծերո՛ւկ բարի,

Չքնաղ, սիրուն այս աղջիկը

Ճանաչում ես, որի հպարտ

Կեցուածքն ու զիրքն ամենքին է

Հըրապուրում: Նըջանիկ է

Ով որ նորան իւր օջախը

Կառաջնորդէ՝ իւր թեն առած:

ԳԵԳԵՍԻՅ

Թուռնուհիս է ձեր ասածը,

Իսկ անունը՝ Կլիտիա. միթէ

Չտեսաք ինչպէս ուրախ ժպտով

Խմբի միջից այս կողմ նայեց:

ՄԵՆԻՊՊ

(Կրկնում է Կիսաձայն):

Կըլիտիա, հա...

¹⁾ Մուսնետիկ.

ԳԵԳԵՍԻՅ

Ամբոխն արդէն

Տաճար մտնել է աշխատում:

ԴԻՈՆ

Մնաք բարև: Մենք էլ կ'երթանք:

ԳԵԳԵՍԻՅ

(Կանգնեցնելով նոցա):

Նրկար ինքս էլ ձեզ չեմ պահիլ:

Միայն, խնդրեմ, թեթևակի

Մի աչք ածէք և զիտեցէք

Նփեսոսի Արտեմիսի

Արձանիկներն, Վաղուց արդէն

Հուշակ ունին անդրիքս ամեն:

ՄԵՆԻՊՊ

(Յած ձայնով Գիտնին)

Հիմա մեզնից ձեռք չի քաշիլ:

ԳԵԳԵՍԻՅ

(Սրահակից բերելով մի արձան և ցոյց տալով):

Տեսէք, որքան ճարտարութեամբ

Արուեստդէտն՝ այն հինաւուրց

Հսկայ արձանն կարող ձեռքով

Մեծ հմտութեամբ, յար և նման

Կաւից կերտել, դուրս է բերել,

Լիքը կրծքով, դաժան դէմքով:

Արծաթափայլ լուսնի շրջան

Գլխի չորս դին չքնաղատես

Բակ է կազմել: Իսկ շուրջն ամեն

Պար են բռնել մեղունների

Բոյլ անհամար, եզան գլուխ,

Սֆինքս անխօս և կարճառիւծ

Քանդակուած է շուրջը բոլոր:

Միայն ճարտար մի վարպետ է,

Որ ստեղծել զիտէ տիպարն:

(Յոյց տալով Հերոստրատին):

Ահա այնտեղ, մենաւորիկ

Անշարժ նստած՝ կարծես ինքն էլ

Կաւից թափած, ձուլուած լինի:

Իրար երբէք չենք հասկանում,—

Դժուար գործ է գլուխ ելնել

Միշտ նորա հետ: Ինքահաւան

Եւ ինքնստած, յամառ մարդ է.

Նրազների աշխարհ միայն

Յագուրդ կտայ նորա տենչին:

Գործարանիս համար անգին
 Գանձ է իսպառու Իւր կոյր մօր հետ
 Ապրում է նա այն տնակում,
 Որ քաղաքը ընծայ բերեց
 Երբ մարտի մէջ հայրը մեռաւ:
 — ձաշակներիդ յարմար չէ մի,
 էժան գնով կը զիջանեմ:

ՏԵՍԵՐՆ Ի

ԱՌԱՋԻՆՆԵՐԸ ԵՒ ԿԼԻՏԻԱ:

ԿԼԻՏԻԱ

(Առաջ վազելով մտնում է աջ կողմից և յետ նայելով՝
 կօտում է),

Ո՛չ, ո՛չ, երբէք, հեռու ինձնից.
 Անհնար է, էլ դուք ինձ ձեր
 ձիրանների մէջ չէք տեսնիլ:

(Շտապով վազելով կածանով, դառնալով Գեգեսիային).

Ա՛խ, օգնիր ինձ, անուշ պապիկս:

ԳԵԳԵՍԻՅ

Ի՛նչ պատահեց քեզ, զաւակս:

ԿԼԻՏԻԱ

Սյլ ևս նորա չէն երևում:

ԳԵԳԵՍԻՅ

Ո՛ւմ մասին է:

ԿԼԻՏԻԱ

Մէկէլ տեսնեմ

Յանկարծակի սինիքորներն
 Յարձակուեցան ծածուկ վրաս,
 Երդում-կրակ ուտելով, թէ
 էլ չեմ իշխիլ ողջ տարի էլ
 Ձգձգելով նոցա խաբել:
 Թէ յերաւի փեսայ ընտրելն
 Ազատ կամքի է միշտ թողած,
 Բայց և այնպէս, պնդում էին,
 Յամառելուս պիտի վերջ տամ...

ԳԵԳԵՍԻՅ

(Պահելով Գիտնին և Մինիպպին).

Մի քիչ կեցէք, բարեկամներ...

ԳԻՈՆ

Մենք դեռ էլի քիչ մօտ կը գանք:

ԳԵԳԵՍԻՅ

Կեցէք, մի քիչ...

ՄԵՆԻՊՊ

(Տանելով Գիտնին).

Արի, երթանք,
 Այդ Կլիտիային անփորձ նայելն
 Գժուար գործ է, — տուն, տեղ ու կին
 Մի հայեացքով մոռցնել կտայ:
 (Գնում են դէպի սաճարը):

ՏԵՍԵՐՆ ԻՄ

ԳԵԳԵՍԻՅ ԵՒ ԿԼԻՏԻԱ

ԿԼԻՏԻԱ

(Շարունակելով):

Ես նոցանից հազիւ պրծայ...

ԳԵԳԵՍԻՅ

(Նեղանալով):

Չեւրբից փախցրիր գտած որսերս,
 Թոյլ չտուիր, որ ծախէի...

ԿԼԻՏԻԱ

(Գլխիցն առնելով պսակը):

Առ փոխարէնն իմ թարմ պսակս.
 Թող ծաղիկներն ու թռչուններդ
 Մխիթարեն ծերուկ սիրտդ:

ԳԵԳԵՍԻՅ

Երես առած, սիրուն թռչունուկս,
 Ինչո՞ւ վարդը մրտենու հետ
 Չես կամենում փոխել անհետ:

ԿԼԻՏԻԱ

Մեր ղիցանոյն վնաս է սիրում:
 (Առնում է նորա ձեռքից արձանիկը և դառնալով՝
 վերջինս):

ձչմարիտ չէ, ասա դու ինձ
 Ո՛վ Արտեմիս. հօ բարկութիւնդ
 Չը շարժեցի: Դու կոյսերիս՝
 Թեարկողն ես: Լոկ անարատ,
 Մաքուր կոյսը քո հովանին
 Վայելելու արժանի է:
 Նախանձաւոր սիրով նոցա
 Պահպանում ես դու յաւիտեան,
 Առատութեան ոսկեղջիւրից
 Մաքուր, անմեղ ուրախութեան
 Լի պարզեաներ չըռայելով:
 Երբէք, երբէք աղջիկներիդ
 Փայփայելով, ո՞վ մեր սուրբ մայր,

Բիրտ ու կոպիտ տըղամարդու
Գիրկ չես ձգիլ, որ ուրախ է
Նոցա մի կերպ քեզնից խելի:
Թէն շատ ենք, բայց ամենքըս
էլ հաւասար վայելում ենք
Խնամք ու սէրդ: Իսկ, տեն, պասպ
Իւր մէկուճար թոռնուհուն իսկ
Պատրաստ է տալ հէնց առաջին
Պատահածին: — Պատժիր սորան:

ԳԵԳԵՍԻՅ Առանց այն էլ պատժել է ինձ՝
Որսերս ձեռիցըս խլելով:
Ժամանակ է տուն երթալու.
Թէ չէ, գիտես, դեռ աւելի
Վընասների կը հանդիպիմ:
Ծոյլ ամբոխ է չորս բոլորըս.
Երկու աչք էլ դեռ ուրիշից
Պէտք է առնել:

(Չայն է տալիս Հերոստրատին):

Է՛յ, Հերոստրատ,

Գէ՛հ, չուտ արա, գործի կըպիր:
Հը՞, չէս լսում:

ԿԼԻՏԻԱ Թող տուր նորան:
Գիտես, որ նա լոկ մի ժամում
Շատ աւելի գործ կը շինէ,
Քան ուրիշը մի ամբողջ օր:

ԳԵԳԵՍԻՅ Է՛, զգուշի, անպէտք մարդ է:
(Երկուսն էլ տուն են գնում):

ՏԵՍԱՐԱՆ IV

ՀԵՐՈՍՏՐԱՏ ԵՒ ՏԻՄԱՐԻՏԱ

ՀԵՐՈՍՏՐԱՏ (Իւր կաշկանդուած դրուժիւնից մի քիչ սթափուելով):
Կանչում էր ինձ, արգեօք, մէկը:

ՏԻՄԱՐԻՏԱ (Երեւում տան շէմբին):
Հերոստրատ:

ՀԵՐՈՍՏՐԱՏ Այդ դ՞ն էիր,
Ինձ կանչողը, մայր իմ:

ՏԻՄԱՐԻՏԱ Այո՞,
Առաջնորդիր, որդիս, առաջ:

ՀԵՐՈՍՏՐԱՏ Արի:
(Տանելով դէպի նստարանը):

ՏԻՄԱՐԻՏԱ (Նստելով):
Տանը ես քեզ երկար
Որոնեցի: Երբ դու կանուխ
Մահճից ելնում, դուրս ես գնում,
Ո՞վ ինձ արգեօք, կասէ՛ լուսցաւ,
Թէ դեռ խաւար գիշեր է մութ:
Քո «բարի-լոյսն» արև, լուսին
Է ինձ համար:

ՀԵՐՈՍՏՐԱՏ Վաղուց արդէն
Լուսացել է:

ՏԻՄԱՐԻՏԱ Աղօթուողի
Չայնից միայն այդ իմացայ:
Ինչո՞ւ այդպէս հանդէսներից
Հեռու քաշուել՝ մընացել ես:

ՀԵՐՈՍՏՐԱՏ Աստուածուհուն օրհներգ էի
Ես մեն-մենակ կարդում, գովում.
Նոցա ժըխոր, աղմըկալի
Հանդէսները ես չեմ սիրում:

ՏԻՄԱՐԻՏԱ Քուն ու հանդէս՝ քեզ համար չեն:

ՀԵՐՈՍՏՐԱՏ Ես ինչ անեմ, փախչողն ինքն է:

ՏԻՄԱՐԻՏԱ Անգին զաւակս, ինչ, կարծում ես,
Թէ լուրթեամբ կարող կլինիս
Սըտիդ ցաւերն ինձնից ծածկել:
Կոյր աչքերիս աւելի շուտ
Մատչելի են որդուս սրտի
Ցաւեր լուրիկ, խոցերն անհուն,
Քան արևի շողեր փայլուն՝
Քո աչքերիդ:

ՀԵՐՈՍՏՐԱՏ Ինչո՞ւ ուրեմն
Հարձ ու փորձով տանջում ես ինձ:
Գիտես բոլորն:
(Յանկարծական եռանդով):
Օ՛, թէ հեռու,

Հեռու լինել այս տեղերից
 Կարենայի: Ել չեմ կարող,
 Ծնող մայր իմ, տեսնել, տանել,
 Որ իմ առաջ փայլէ այս վեհ
 Տաճարն, իսկ ես նորա դիմաց
 Իբրև անպէտք, ոչնչութիւն
 Կանգնած մնամ անփառունակ
 Շուքի նման և կեանք անցնեմ
 Անմահութեան հետ կողքէ կողք:
 Եւ կամ անյայտ, դատարկ ու սին
 Բանդագուշանք, տեսիլ դառնամ...

ՏԻՄԱՐԻՏԱ Ինչու ես քեզ դու զրպարտում
 Իզուր տեղը:

ՀԵՐՈՍՏՐԱՏ Տարիները
 Գլորւում են իսկ ես ահա...

ՏԻՄԱՐԻՏԱ Օ՛, դու քեզնում գաղտնի ոյժեր
 Ունիս պահած՝ արեւելքի
 Հրմայական բոյսի նըման,
 Որ դեռ երկար ձիգ տարիներ
 Ամուլ ու չոր մնալուց յետ էլ
 Յանկարծ գիտէ ծաղկիլ, փըթթիլ
 Փարթամ, չքեղ ծաղիկներով:

ՀԵՐՈՍՏՐԱՏ Եւ կոկոնի մէջ շատերը
 Խամրում, թռչում են ծաղկելուց
 Դեռ շատ առաջ: Յիշում ես դու
 Այն օրերը: Երբ դեռ մանուկ
 Քո գգեստի փեշից բռնած
 Մանրիկ քայլով յետեիցդ
 Թափառական շրջում էի, —
 Երբ հօրս մահուան բօթն ստացար,
 Որ մեր այս վեհ սրբավայրը
 Պաշտպանելիս՝ հոգին տուեց,
 Անվախ, կուրծքը պարսիկների
 Նետերի դէմ քաջ դէմ տալով:

ՏԻՄԱՐԻՏԱ Միթէ աչքերս չկուրացան
 Հէնց այդ օրուայ դառն յիշատակ
 Արցունքներից:

ՀԵՐՈՍՏՐԱՏ Տաճարի մօտ
 Ինձ բերեցիր, արտասուլաթոր,
 Կրծքիդ սեղմած, բէկ-բէկ ձայնով
 Դու ասացիր. — Անուշ դաւակս,
 Փառքի հասիր, արժանաւոր
 Զաւակ դարձիր արի հօրդ,
 Որ գոռ մարտի դաշտում պատուով
 Արիւն թափեց: Տես, անպատճառ
 Նորան հասնես: — Ողջակիզի
 Սուրբ սեղանի առաջ չոքած
 Աղօթք արի. — Մայր դիցանոյշ,
 Փառք եմ խնդրում, փառք թող լինի
 Բաժինս միայն այս աշխարհում:

ՏԻՄԱՐԻՏԱ Արդարադատ է դիցունհին.
 Սրտի խորքից, ջերմին բղխած
 Աղօթքներին ունկընդիր է.
 Կոյր պառաւիս աղօթքներով
 Մխիթարանք մեզ կուղարկէ
 Հօրդ կորուստը կը մեղմէ՝
 Քեզ փառք տալով, որի յոյսը
 Կեանքիս թելը դեռ կը ձգէ:

ՀԵՐՈՍՏՐԱՏ (Ողևորւած)
 Դու դեռ կապրես և կը լսես.
 Ողջ ժողովուրդն իմ գործերիս
 Փառքն ու գովքը կանէ, կանէ:

ՏԻՄԱՐԻՏԱ Գիտեմ:
 ՀԵՐՈՍՏՐԱՏ Եւ խնր, շատ խոր հեաքեր
 Պիտի թողնեն նոցա մտքի
 Յիշողութեան և սրտի մէջ:

ՏԻՄԱՐԻՏԱ Նամանաւանդ՝ մէկի սրտում:
 Յաճախ անքուն, երկար գիշերն
 Երբ փրկարար քունն աչքերիցս
 Փախչում, գնում հեռանում է,
 Քո չըթունքներդ իմ ականջիս
 Շնչում են միշտ մի անուն, —
 Կրքոտ, յուզուած...

ՀԵՐՈՍՏՐԱՏ Օ՛, մի խօսիր,
 Լռիր, լռիր...

1002
 6438



ՏԵՍԱԼՈՆՆ V

ԱՌԱՋԻՆՆԵՐԸ ԵՒ ԿԼԻՏԻԱ

ԿԼԻՏԻԱ

(Գուրս է գալիս Գեգեսիյի տնից և խօսում է Էրեսը յետ դարձրած):

Իսկոյն, իսկոյն

Կուղարկեմ նրան, անսուշ պապիկս:

ՏԻՄԱՐԻՏԱ

(Ականջ դնելով):

Այդ խօսողը Կիտիան չէր:

Արշալոյսի ճուռոզ, կարծես,

Լինի ձայնը: Եթէ նա էլ

Ձայն ունենար, անշուշտ այդպէս

Պիտի խօսէր:

ԿԼԻՏԻԱ

(Թեթևակի շառագունելով):

Խոնարհ ողջոյնս,

Մեծարելի Տիմարիտա:

Այս ծոյլ, դանդաղ մարդուն մի քիչ

Նկայ եռանդ, փոյթ ներշնչեմ...

ՀԵՐՈՍՏՐԱՏ

Որ էլ նորից կեանք մաշեցնեմ՝

Վեհն անկերպարան փոքրի՛ դարձնեմ:

ԿԼԻՏԻԱ

Փոքրի մէջ էլ վեհ ես դու միշտ:

ՀԵՐՈՍՏՐԱՏ

Իսկ վեհի մէջ՝ փոքր ու չնչին.

ՏԻՄԱՐԻՏԱ

Օ՛, Կիտիա-ջան, կասկածանքի

Մռայլ ամպը փչէ, հեռնայ

Նորա ճակտից. դա քեզ համար

Խաղ ու պար է: Արժէ միայն

Պայծառ օրուայ նման աչերդ,

Հայեացքդ նետես նորա վերայ:

(Անհաստատ քայլերով իւր տնակն է դառնում):

ՏԵՍԱԼՈՆՆ VI

ՀԵՐՈՍՏՐԱՏ ԵՒ ԿԼԻՏԻԱ

ԿԼԻՏԻԱ

(Մի քիչ լռելուց յետոյ):

Ուրեմն, կերթնա, աշխատելու:

ՀԵՐՈՍՏՐԱՏ

Ո՛չ, ո՛չ. երբէք չեմ կամենում:

ԿԼԻՏԻԱ

Ծերուկն այնպէս գնհատում է

Քո աշխատանքդ:

ՀԵՐՈՍՏՐԱՏ

Մի՛թէ. իրան:

Քանի՛ դրախմ: Անշուշտ, արդէն

Հաշուել է նա:

ԿԼԻՏԻԱ

Յանդիմանել

Նորա համար, որ իւր օգուտն

է փնտռում, արժէ մի՛թէ:

Չէ՛ որ դրանով է պահպանում

Մեզ թէ իրեն:

ՀԵՐՈՍՏՐԱՏ

(Յանկարծ բռնելով նորա ձեռքից):

Մի լաւ նայիր:

Այս վեհ տաճարն, այս հրաշալիքն

Նորա և քո մեծ նախահօր

Ձեռքի գործն է: Մի՛թէ պապդ

Շնչել, ապրել, ոսկի դիզել

Գեռ կարող է: Այս հսկայի

Շուաքն անգամ կարող չեղաւ

Նորա աչքից լոյս արեի

Վառ շողերը վարագուրել,

Այդ շողերից զրկել նորան:

Անմահ մարդու երկաթի պէս

Ծանր քայլերն նա չէ լսում.

Չի էլ զգում, որ իւր թափի

Նւ ծանրութեան ներքեւ ճմլում

Տըրորում է այդ քայլերը

Փուչ սերնդի ամբողջ ցեղը:

ԿԼԻՏԻԱ

Բայց, Հերոստրատ, գորա փոխան

Մենք չնչում ենք, ցօղաթաթախ

Օդ ենք ծծում, մեզ հրճուանք

Է պարզեում լոյս արեի

Պայծառ շողերն, եւ զեփիւռի

Անոյշ համբոյրն եւ թարմ ծփանք

Հանգիստ ծովի, Երբէք, երբէք,

Ի՛նձ հաւատա, մեծ Պայտին

Ձեմ նախանձել,—նա մեռած է,

Իսկ ես՝ կենդան:

ՀԵՐՈՍՏՐԱՏ

Մխալսում ես:

Նա է կենդան, իսկ մենք՝ մեռած:
 Ինչո՞վ արդեօք կարող կլինենք
 Մեր խեղճ կեանքի նըպատակը
 Արդարացնել: Մե՞ծ չեն ծնել
 Մեզ մեր մայրերն: Անանց, յուերժ
 Մի յուշարձան չունինք թողած:
 Եւ մենք կանցնենք, անհետ կկորչենք
 Որպէս թէ կեանք իսկ չենք ունեցել:
 Ահա ինչու մեծ հաճոյքով
 Կեանքիս վերջին օրերն անգամ
 Որպէս խղճուկ, չնչին մի որդ՝
 Ձոհ բերելուց չէի քաշուի,
 Միայն մի օր, մի օր միայն
 Ձգալ, ապրել հնար տային,
 Ինչպէս քո մեծ նախահայրդ
 Եւ ապրել է, եւ զգացել,
 Երբ ամպերի մէջ ծրարուող
 Այս տաճարի կամարակապ
 Բանլիք-բարը *) զրեց իբրև
 Անմահութեան իւր յուշարձան:

ԿԼԻՏԻԱ

Միթէ այդչափ չնչին ու քիչ
 Արժէք ունի անդիական,
 Մատաղ կեանքը և քեզ համար,
 Խելակորոյս: Հոգիների
 Աշխարհն իջիր. Հոմերոսին,
 Պայիոնիային ու Ֆիդիասին
 Դու հարցրու,—յօժարութեամբ
 Չեն տայ արդեօք մեռեալների
 Ամբողջ փառքը, միայն նորից
 Կեանք առնէին, երիտասարդ՝
 Թարմ ոյժերով անտառ, պուրակ
 Չափչըփէին, թարմ-նորփթիթ
 Ծաղիկներով զուգած-պճնած
 Բաժակները մէկ էլ նորից
 Ձեռք առնէին և ջերմ բազկով
 Սիրուն ունի մի զրկէին:

*) Замковый камень, La clé de voûte, պորտաբար:

Նոցա ձեռքի կերտուածքն անգամ
 Պարզ ասում են, որ թէ աշխարհ,
 Թէ կեանք, թէ խինդ, ջահելութիւն
 Սիրում, պաշտում էին նոքա
 Նոյն վառ սիրով, ինչպէս՝ ինքս:
 Օ՛, թէ իրաւունք, ոյժ բաշխէին
 Ինձ աշխարհս, կեանքն ու խինդը
 Ջահելութեան հետ միասին
 Մի հնարքով՝ արծաթ թելից
 Հիւսած ամուր ուռկանի մէջ
 Չզել յանկարծ և պինդ փակել,
 Այն ժամանակ, ես զիտէի...

ՀԵՐՈՍՏՐԱՍ

Ա՛, երջանիկ,

Անհոգ հոգի:

ԿԼԻՏԻԱ

Նախանձում ես

Եւ այն բանին, ինչ քեզ համար
 Մատչելի է, եթէ ցանկանս:

ՀԵՐՈՍՏՐԱՍ

(Դառնութեամբ):

Եթէ ցանկանմ, ասում ես դ՛ու:

ԿԼԻՏԻԱ

Ա՛խ, Հերոստրատ, թէ մօրդ, թէ քեզ
 Միայն բարիք եմ կամենում:
 Գիտես որչափ ծանր ու ցաւ էր
 Հէնց ինձ համար, երբ հանդիսին
 Դու թոյլ տուիր, որ ուրիշը
 Մօտս կանգնէ: Միթէ նոքա
 Քեզնից լաւ են,—թէն մի քիչ,
 Քիչ ջահել են,—ինչէր չասես
 Որ ինձ չարին, էլ ինչ խաղեր
 Գլխիս, ասես, որ չբերին,
 Մինչև որ էլ համբերելու
 ձար չմնաց և ես փախայ.
 Իսկ դու այստեղ...

ՀԵՐՈՍՏՐԱՍ

(Դառնացած ձայնով):

Հանգիստ թող ինձ:

Խղճա Կլիտիա, հանգիստ տուր ինձ:

ԿԼԻՏԻԱ

Է՛, չտո բարի, ես զնում եմ:

ՀԵՐՈՍՏՐԱՍ Չէ, չէ, մնա՛:

ԿԼԻՏԻԱ

Շուտով ահա

Կը բոլորի հանդէսների
Ամիսն և մենք ամբողջ տարի
Համբերութեամբ պիտ' սպասենք
Նորա դանդաղ գլորուելուն,
Մինչև նորից նոր հանդէսներ
Սահմանելու օրը հասնի:
Ինչո՞ւ, ասա, մեր ծէսերը
Արհամարհում, անդոսնում ես՝
Երբ հէնց նորա հոսնք են մեզ
Հրաւէր կարդում: Ուրախ պարից,
Վայելք, խաղից խուսափում ես,
Կարծես նորա քո ոխերիմ
Եւ հինաւորց թշնամիդ են:

ՀԵՐՈՍՏՐՍ Թշնամիս են:

ԿԼԻՏԻԱ

Նոցա համը

Գու չես առել, անծանօթ ես:

ՏԵՍԵՐԱՆ VII

ԱՌԱՋԻՆՆԵՐԸ ԵՒ ԳԵԳԵՍԻՑ

ԳԵԳԵՍԻՑ

(Դուրս գալով իւր տնից):

Ի՞նչ եղաւ նա. չէ՞ խոստացար
Շուտ ուղարկել, հը՞, գաւակս:

ԿԼԻՏԻԱ

Գեռ այստեղ է, իմ պապի-ջան...

ԳԵԳԵՍԻՑ

Հերմես վկայ, ես էլ զիտեմ,
Որ այդտեղ է. ես էլ այդ եմ
Հէնց հարցընում՝ ինչո՞ւ այդտեղ
Եւ ո՞չ այնտեղ, գործի կպած:

(Դառնալով Հերոստրասին):

Ծո՞յլ անօրէն, չէ՞ որ ես քեզ
Փամանակին եմ վարձ տալիս:
Եւ այն էլ ինչ սոսկալի վարձ,
Ո՞վ, աստուածներ: Թէ՞ կարծում ես,
Որ աշխարհումս հատդ էլ չկայ:

ՀԵՐՈՍՏՐՍ

Նոյն իսկ այսօր, խնդրեմ, գտնես,
Տեղս կանչես: Գու կանխեցիր
Արտայայտել իմ սեփնական

Ցանկութիւնս. ինքդ ասացիր
Վերջին խօսքը:

ԳԵԳԵՍԻՑ

Մի համբերիր,

Մի տաքանար, բարեկամս,
Սիրով կը ներեմ և այս անգամ
Թէ կը զղջաս անկեղծ, սրտանց...

ՀԵՐՈՍՏՐՍ

Այո՛, շատ խիստ, խիստ զղջում եմ:

Մարդ մտածի՛, թէ ինչպիսի
Գործի վերայ եմ ջանք թափում
Տարիներով:

ԳԵԳԵՍԻՑ

(Կլիտային):

Մի ասա՛ ինձ,

Գժուել է սա, թէ ինչ եղաւ:

ՀԵՐՈՍՏՐՍ Մնաս-բարև:

ԳԵԳԵՍԻՑ

Գեռ սպասիր,

Մի համբերիր, խենթ աստուծոյ:
Ինքս կը տամ նոյնչափ վարձ, գին,
Որչափ ուրիշն է խոստանում:

ՀԵՐՈՍՏՐՍ

Պարսկաստանի ճոխ ու անթիւ
Հարստութեան հետ չեմ փոխիլ
Ազատ, անկախ անդրէզործի
Խեղճ վիճակը...

ԳԵԳԵՍԻՑ

Մի քիչ կամաց:

Մետրօղորն է գալիս այստեղ:

(Մետրօղորն ու Եւպկտը զբողուած են խօսակցու-
թեամբ, որ քիչ առաջ դուրս էին եկել Հերոստրասի
տնակից՝ յետեի դռնից: Մետրօղորը բաժանուելով Եւ-
պկտից, որ մտնում է տաճարը, գիմում է Գեգեսին):

ՏԵՍԵՐԱՆ VIII

ԳԵԳԵՍԻՑ

(Գիմուորեւելով նորան):

Խոնարհ ողջոյն, արժանաւոր
Խորհրդական:

ՄԵՏՐՕԴՈՐ

(Թեթևակի գլուխ տալով Կլիտային և Հերոստրասին):

Ողջոյն և ձեզ:

Օր ցերեկով քեզ, Գեգեսիյ,
Որոնելով հոգիս ելաւ:

ԳԵԳԵՍԻՅ Փառք և հաճոյք է ինձ համար:

(Դառնալով ցած ձայնով Հերոստրատին):

Խեղբի արի:

(Մետրոդորին):

Պատրաստ եմ ձեզ

Ծառայելու: Ի՞նչ կամենաք:

ՄԵՏՐՕԴՈՐ Բանն էլ այն է, որ ես՝ այսօր,
Խորհրդատուս քեզնից խորհուրդ,
Դաս առնելու եմ շտապում:

ԳԵԳԵՍԻՅ Լսում եմ ձեզ:

ՄԵՏՐՕԴՈՐ

Այս բոպէիս

Մեծ քրմապետն տարօրինակ,
Յուզիչ մի լուր ինձ հաղորդեց:
Երբ տաճարի սպասուհիքն
Արտեմիսի անդրին այսօր
Իւր սրբազան հանդերձներով
Պճնում էին, յանկարծ տեսան
Դէմքի փերայ սարսափելի
Մի մեծ ճեղքուած:

ԳԵԳԵՍԻՅ

Է՛, ինչ դարձանք,

Փթած փայտը հնութիւնից
Ըսկտում է փշտուել:

ՄԵՏՐՕԴՈՐ Բայց մի մոռնար, որ ողջ եփեան
Սրբի տեղ է պաշտում նորան:
Պարտաւոր ենք ժողովրդի
Յոյզ ու խռովն հանգստացնել,
Երբ երկիւղած՝ ահ ու դողով
Սկսէ դատել նա այն մասին,
Թէ զիցուհին այս նշանով
Ի՞նչ է ուզում կամ պահանջում:

ԳԵԳԵՍԻՅ Դրանից էլ հեշտ բան կայ միթէ:

ՄԵՏՐՕԴՈՐ Կարծում ես դու...

ԳԵԳԵՍԻՅ

Ի՞նչ է ուզում

Ժողովրդից իւր զիցուհին,—
Եթէ հարցնէ ժողովուրդը,
Խօսիր նոցա, հասկացրու՛
Մեծ զիցուհին կամենում է

Դէմքի վնասն ուղղուի շուտով
Ճարտարարուեստ մի նուրբ ձեռքով:

ՄԵՏՐՕԴՈՐ Մեզ խօսք կը տաս նորից շինել
Ճեղքուած մասը արժանապէս,
Որ նախկինից ամենևին
Մազ իսկ անգամ պակաս չլինի:

ԳԵԳԵՍԻՅ

Եւ շատ շուտով:
(Յոյց տալով Հերոստրատին):
Առաջդ կանգնածն

Ճարտար, հմուտ անդրէգործ է:
Եփեսոսը քանդես, փնտռես,
Ոչ ոք այնպէս նուրբ, ճաշակով
Տուած պատուէրդ չի կատարիլ
Ինչպէս որ սա:

ՀԵՐՈՍՏՐԱՏ

(Սկզբում հազիւ ուշադրութիւն էր դարձնում խօսակցութեանն, իսկ յետոյ հետևում է հետզհետէ աւելացող հետաքրքրութեամբ):

Տես, որ հաշուիդ

Մէջ չսխալուես: Երկրորդ անգամ
Կը թողնէի և կերթայի
Ես քո մօտից, որպէս զի ես
Առ յաւիտեանս մերժէի
Այդ պատուէրը:

ԳԵԳԵՍԻՅ

Ի՞նչ ասացիր:

Էլ սորանից մեծ, փառաւոր
Նպատակ գտնել՝ դու չես կարող:
Մեր ամենքիս փառք ու պարծանք
Աստուածունհու անդրին ուղղել
Դու չես ուզում:

ՀԵՐՈՍՏՐԱՏ

Ո՛չ, ոչ և ոչ:

Թիւր մեկնութիւն էք կամենում
Աստուածային տալ նշանին:
Աստուածունհու կամքը պարզ է,
Արտեմիսը չէ կամենում
Համակ ոսկու, մարմարինի
Ճոխ բանուածքով իւր տան միջին,
Որպէս աղքատ ողորմելի
Յնցոտու մէջ փաթտուած մի կին
Դարձած լինել, կէս—նորոգած

Դիմագծերով, որ ծանակի
Նիւթ չդառնայ այն քաղաքն էլ,
Որտեղ ինքը դարեր հետէ
Թագաւորել և իշխել է:

ՄԵՏՏՐՈՒՈՐ (Ժպտաւով):

Այժմ ինձ համար էլ շատ պարզ է
Նւ քո միտքը:

ՀԵՐՈՍՏՐԱՏ Արտայայտողն

Ես ինքս չեմ: Դիցանոյշի
Յանկութիւնը՝ փթած փայտի
ձեղքուելով իշխանաբար
Ձեր երեսին պարզ ասուած է.
Բարձր ձայնով նա գոչում է,—
Վեհ տաճարին և վեհ արձան
Վայել միայն արժանի է.
Արձան, անդրի, որ աշխարհիս
Մահկանացուն դեռ չէ տեսել:

ՄԵՏՏՐՈՒՈՐ Եթէ այդպէս՝ ապա ուրեմն
Իւր տաճարի խոր անկիւնում
Ոլիմպոսի աստուածների
Հին, մաշնուկ անդրիների
Շարքում պահեն թող իրենն էլ՝
Առ ժամանակ: Այժմ պարզ է:
Նրկրպագու աղօթուորի
Ապշած աչքերն ողջակիզի
Սուրբ սեղանի վերայ հիմա
Վանզնած կը տեսնեն մի նոր արձան
Համակ ոսկուց, փղոսկրէց,
Ձուտ ոսկու մէջ պլլուած-պճնած:

ԳԵԳԵՍԻՅ (Մետրոդորին՝ անբաւական ձայնով):

Բայց բարեկամ, մեկնում ենք մենք
Խիտ կամացի՝ մէկս այսպէս,
Իսկ միւսն այնպէս, դեռ չտեսած
Նոյն իսկ անդրուն հասած վնասն:
Նկէք մէկ տեղ ամենքս երթանք
Տաճարի մէջ աչքով տեսնենք:
Պատրաստ եմ ես երգուել անվախ

Թէ քրմապետ Եւպէյտն, անշուշտ,
Ուռցըրել է մեծ մասն ինքը:

ՄԵՏՏՐՈՒՈՐ Առաջ անցիր: Ես էլ կը դամ:
(Գեգեսին գնում է տաճար):

ՄԵՏՏՐՈՒՈՐ (Հերոստրատին):

Քո առաջարկն, անշուշտ, հարուստ
Մտքերի ծով պիտ երևայ
Ծերակոյտի աչքի առաջ:
Վաղուց արդէն ես ինձ ու ինձ
Որոճացել, չափել-կշռել,
Մտքիս մէջը տուն եմ տուել
Այդքան յանդուգն մի գաղափար.
Դու լոկ միայն ձևակերպիր՝
Մարմին-արիւն դարձրու նորան.
Նոր արձանիդ նախագիծը
Ինձ տուր շուտով: Շատ լաւ գիտես,
Որ Խորհրդի մէն մի անդամ
Կը հետևի իմ ասածիս,
Ինչպէս խոնարհ ոչխարի հօտն
Իրենց հովուի ազդող ձայնին:

(Յոյց տալով իւր բնակարանը):
Ահա տունըս: Վաղն առաւօտ
Ինձ մօտ արի: Խորհուրդ կանենք,
Չափենք, կշռենք... իսկ անձնըդ:

ՀԵՐՈՍՏՐԱՏ Գեռ շատ վաղ է ինձ այդ մասին
Հարցեր տալդ: Անունս միայն
Այն ժամանակ կասեմ, երբ որ
Հաւատացած կիինեմ արդէն
Թէ քո մտքից այլ ևս երբէք
Նա չի ելնիլ:

ՄԵՏՏՐՈՒՈՐ Մնաս բարև:
Ցտեսութիւն մինչ առաւօտ:
(Գնում է տաճար):

ՏԵՍԵՐԱՆ IX

ՀԵՐՈՍՏՐՍ ԵՒ ԿԼԻՏԻԱ

ՀԵՐՈՍՏՐՍ

(Ձեռները երկնք բարձրացնելով):

Ո՛վ, դու անմահ աստուածունհի,
Շնորհապարտ եմ քո առաջ.
Աղօթքս հասաւ սուրբ գահոյքիդ:

ԿԼԻՏԻԱ

Պապիս մասին միշտ յիշելով
Քեզնից պէտք է շատ նեղանամ,
Բայց տեսնում ես, որ հէնց հիմա
Ուրախանում եմ ես քեզ հետ:

ՀԵՐՈՍՏՐՍ

Օ՛ր, վերջապէս, հասաւ, Կլիտիա,
Այժմ սրտիս ժամ ցանկալի.
Ինչ որ մանուկ, երազական
Շրջանիս մէջ ձգտում էի
Եւ հառաչում անուրջների,
Վառ ըղձերի բուռն հասակում,—
Ստեղծագործող՝ հոգի տուող
Ձեռքի համար մի բարձրագոյն,
Վեհ նպատակ,— այժմ առաջս
Մարմին առած, կանգնած է նա
Եւ խոստանում, հրապուրում է
Փառքի պարզ և իմ ճակատիս
Պինդ գրոշմել ց'յաւիտեան:

ԿԼԻՏԻԱ

Մեզ խեղճերիս՝ անյայտ, չնչին
Էականերիս կը մոռանաս,
Ի՛նչ խօսք դուրան: Չէ՞ որ ամենքս,
Առհասարակ, չուրջդ բոլոր
Կենդան դիակ ենք քեզ համար:

ՀԵՐՈՍՏՐՍ

Քեզ մոռանալ: Կլիտիա և քեզ:
Ա՛խ, մի լսի՛ր, ականջ դիր ինձ:
Այժմ միայն կը յանդգնիմ
Սիրտս բանալ, խոստովանել
Ինչի մասին նոյն իսկ այսօր
Շրթունքներս կրծում էի,
Արիւն-լուիկ դարձնում նոցա,
Որ չլինի՛ յանկարծ բացուին

Եւ գաղտնիքս աշխարհ հանեն.
Քեզ, քեզ միայն կուզեմ փառքից,
Որ ինձ չնորհէ: Դու—յաղթութեանս
Շքեղ պսակ:

ԿԼԻՏԻԱ

Եւ կարծում ես,

Ցնորքների, երազների
Աշխարհի մէջ թափառական,
Դու երազողդ, թէ կանացի
Սիրտն էլ՝ քարից կռած-կոփած
Սրտի նման ընկած կռի
Թաթի վերայ, սպասում է
Թէ կըր արդեօք ձեր գործերը
Եւ ձեր հուշակ նրժարի թին
Իրենց քաջով պիտի թեքին
Դէպի ներքև և ապա թէ
Արժանանաք դուք էլ նորան:
Եթէ այդպէս էք երազում՝
Ապա վայ ձեզ: Մեծ-մեծ գործեր,
Փառքի տենչանք է սահմանուած
Լոկ՝ ձեզ համար: Իսկ մեր սէրը—
Երբ էլ լինի, ձեռք կը բերէք:

ՀԵՐՈՍՏՐՍ

Այո՛, վայ մեզ, երբ ձեր սէրը
Մեզ բաշխելով դշխոյաբար
Ստիպում էք ոտքից ց'զուլս
Կարմիր պուտի պէս կարմրել:
Եւ դու, ասո՛ւ, կարո՞ղ էիր
Սիրել՝ առանց յարգ զգալու:
Ես չգիտեմ, թուում է ինձ,
Եւ շատ անգամ, որ ես անչուշտ
Կը յարգէի միմիայն նորան
Որին սրտով կը սիրէի:

ԿԼԻՏԻԱ

Ես չգիտեմ, թուում է ինձ,
Եւ շատ անգամ, որ ես անչուշտ
Կը յարգէի միմիայն նորան
Որին սրտով կը սիրէի:

ՀԵՐՈՍՏՐՍ

Ահա ես էլ պահանջում եմ
Քեզնից մէկտեղ եւ յարգ եւ սէր:
Ինձ էլ այժմ թուում է թէ՛
Ձեռ վրանայ չնորհել նոցա:

ԿԼԻՏԻԱ

Դեռ ոչ ոքի չեմ պատահել,
Որ ինձ համար քեզնից աւել
Անոյշ լինի և սիրելի:

ՀԵՐՈՍՏՐԱՏ (Չորում է նորա առաջ և զրկում նորա ձեկները):

Ա՛խ, իմ Կլիտիա:

ԿԼԻՏԻԱ (Շոյելով նորա ճակատը):

Դէ, շուտ արա,

Ուրախացիր բայց ճակատով:

Մենք միասին այժմ իսկ կերթանք

Երիտասարդ ու կոյսերի

Հանդէսներին մասնակցելու:

Կուզէս ~~կերթալ~~:

ՀԵՐՈՍՏՐԱՏ (Յանկարծ ոտքի ելնելով):

Ստեղծել, ստեղծել

Եմ կամենում:

ԿԼԻՏԻԱ (Հիասթափուած):

Եւ չէս ուզում

Նոյն իսկ բոլորէ զուարճանալ:

ՀԵՐՈՍՏՐԱՏ Գործի մէջն է երջանկութիւնս:

Գիշեր ցերեկ պիտի խորհեմ,

Չափեմ, կշռեմ, ստեղծագործեմ

Հետն էլ անոյշ երազներով

Ես երազեմ եւ քո մասին:

Եւ երբ պատրաստ բոլորովին

Անդրուց կընկնի հանդիսապէս

Ծածկող քօղը, այն փառաւոր

Պայծառ օրը աստուածային

Քո ոտքերի տակ կը փռեմ

Անմահութեանս գանձեր ամեն՝

Եւ դու կրկին ինձ յետ կը տաս

Փառքիս գանձեր, — սիրոյդ անչէջ

Բոցի միջից անցած, գտած՝

Ոսկու շիթեր վրան ցօղած:

(Գեպի աջ գնալով, կանչում է):

Մայրիկ, մայր իմ:

ԿԼԻՏԻԱ Ահա թէ ով

Հրճուանք կզգայ: Մայրդ միայն:

ՀԵՐՈՍՏՐԱՏ (Սիրազեղ դառնում է Կլիտիային):

Կը գնաս ինձ հետ: Երթանք մէկտեղ:

ԿԼԻՏԻԱ (Սառն կերպով):

Դու նախ գնա, գործդ աւարտիր:

(ՎԱՐԱԳՈՅՐՆ ԻՋՆՈՒՄ Է):

Բ. ԳՈՐԾՈՂՈՒԹԻՒՆ

Ա. Գործողութեան տեսարանը:

ՏԵՍԱՐԱՆ I.

ՏԻՄԱՐԻՏԱ ԵՒ ԿԼԻՏԻԱ:

ՏԻՄԱՐԻՏԱ

(Նստած քարէ նստարանի վրայ ճախարակ է մանում, ձախ ձեռքով մալաչը բռնած, որով և թեւն է ուղրում, իսկ աջով պտտում է ճախարակի շուտակը):

ԿԼԻՏԻԱ

(Դուրս գալով Գեգեսիլի տնից, նկատում է նորան):

Ամբողջ օրը մի՞թէ հանգիստ
Չունիս գործից, Տիմարիտա:
Կուզես մի քիչ օգնեմ ես քեզ:
Իլիկ մանել նոյնչափ յաջող
Կարող եմ ես, որչափ ճախարակ
Պտտել արագ, կամ թէ կուզես
Չեռքիս փաթթեմ ոստիդ մանածն
Առաջդ կանգնեմ, կծիկ անես,
Վիլա դարձնես:

ՏԻՄԱՐԻՏԱ

Չէ, չեմ ուզում.

Շնորհակալ եմ, սիրուն աղջիկս:
Քո և որդուս համար օժիտ
Պատրաստելու անուշ հոգսը
Թող, մեն-մենակ ես կատարեմ:

ԿԼԻՏԻԱ

(Մտենալով նորան):

Դեռ ժամանակ շատ կունենաս:
(Մօտը քարէ նստարանի վրայ նստելով):
Բայց սիրո՞ւմ է, արդեօք, նա ինձ.

ՏԻՄԱՐԻՏԱ

(Շարունակելով մանել):

Եւ կարո՞ղ ես, դեռ հարց տալ, հն՞:

ԿԼԻՏԻԱ Ա՛խ, կարծում ես, թէ շատ գիտեմ:
 Գիտեմ միայն՝ օրեր, չաբաթ
 Պիտի անցնի մինչև նորան
 Տեսնելու ճար, հնար գտնեմ,—
 Այդ ժամանակ անգամ այնքան
 Ցրուած, թարթափուն է լինում,
 Այնքան շտապ, վրայ տալով
 է բան ասում, նոյն իսկ երբեմն
 Խօսքը կիսատ թողնում—անցնում,
 Որ կարծես թէ նոր է գարթնել
 Խո՛ր, խոր քնից: Աչքերն յառած
 Նայում է ինձ, բայց թէ մտքով
 Որտե՛ղ ասես չէ թափառում...

ՏԻՄԱՐԻՏԱ ձիչդ հէնց այդպէս և ինձ հետ է:
 Գործը միայն...

ԿԼԻՏԻԱ Գործը միայն...
 Իւր գործն, այն: Եւ դեռ այսօր
 Պահանջում էր, որ ես սիրեմ,
 Սիրեմ միայն իւր իսկ գործը:
 Բայց, ասա ինձ, դեռ չ'աւարտած
 Եւ անկենդան գործը սիրել
 Հէշտ է միթէ: Թագըրնում է
 Եւ ինձանից: Թո՛ղ թագցնէ:

ՏԻՄԱՐԻՏԱ (Մանկը թողնելով):
 Երբ կաւարտէ յաջող կերպով
 Դու կը տեսնես: Ա՛խ, երանի
 Քո աչքերին, որ հիացած,
 Ապշած պիտի հրճուին նորա
 Գործի տեսքով: Ես չեմ կարող:

ԿԼԻՏԻԱ Հա՛, սպասել, միշտ սպասել.—
 Չինուած հանգիստ ու անխռով
 Համբերութեամբ:

ՏԻՄԱՐԻՏԱ (Նորից մտնել սկսելով):
 Անուշ դաւակս,
 Քո հասակում հանգիստ, անխռով
 Սպասելուց էլ հեշտ բան կայ:

ԿԼԻՏԻԱ Իմ ցանկութիւնս, իղձս է եղել,—
 Միշտ անթառամ, մատաղ մնալ:

ՏԻՄԱՐԻՏԱ Ա՛խ, յաւիտեանս մատաղ ես է,
 Ով որ գիտէ կանուխ մեռնել,
 Որի երիտասարդութեան
 Թարմ ծաղիկներն առաւօտեան
 Արշալոյսի ցօղ-արցունքով
 Ցօղուած-թրջուած, դեռ ծաղկում են,
 Դեռ չեն թռչնել մարդկանց սրտում,
 Այն ինչ Պարկեան անսիրտ քոյրերն
 Անքուն աչքով կեանքի թելը
 Հա մանում են ու մանում:

ԿԼԻՏԻԱ (Չգածուած):
 Ո՛չ, ծերանալ չեմ կամենում:

ՏԻՄԱՐԻՏԱ Բնութիւնը յետ է դարձնում
 Երիտասարդ անցած օրերն
 Մեզ դաւակներ պարզելով:
 Իսկ մեր կորցրած զգլխիչ ժպիտն՝
 Թռռնիկների նազ տիպարով:

ԿԼԻՏԻԱ Ա՛խ, չգիտեմ, անուշ մայրիկ,
 Ինձ ինչ եղաւ այս քանի օրս:
 Մէկ ուզում եմ փրփուր գետի
 Յորձանք լինել ու ծով դիմել,
 Մէկ էլ տեսար՝ նիզակ առած
 Սարերն ընկնել, վախկոտ էրէ՛
 Քոչ-այծերի հետեւում
 Բռուն զգացումն է ինձ տիրում:
 Մէկէլ յանկարծ այդ բոլորին
 Տեղի տուեց յաւերժհարսի,
 Լեռնանոյչի մեծ խմբի հետ
 Ուրախ, անհոգ պար բռնելու
 Բռուն տենչանք. կամ թէ այրուող
 Վառ այտերով առաջ-կարուկ
 Վազ տալ նոցա բոլորի հետ,—
 Վաղել-կարել դաշտեր, պուրակ,
 Ոտքի տակ տալ լեռներ, ձորակ:
ՏԻՄԱՐԻՏԱ է՛, դաւակս, դեռ չգիտես

Ի՞նչ ասել է Սիրոյ ոյժ, թափ:
 Բայց կհասնի և քո ժամը,—
 Չարաճճին, երևում է,
 Ձեռք է առել, ծաղրում է քեզ:
 Լեռան վայրի պուրակներից
 Թպրտացող, բարախ սրտով՝
 Ամբողջապէս կրակ կտրած
 Գլխապատառ տունն կը դառնաս:
 Վազելուց չէ, որ դու այնպէս
 Կրակ ու բոց կտրած. կլինիս,—
 Ո՛չ. դա սիրոյ և ցանկութեան
 Թէժ հրդեհն է կիզում արիւնդ.
 Խոպոպներով ծանրաբեռնուած
 Քո գանգրահեր այրուող գլուխդ
 Տեղ կը գտնէ քեզ պատկանող
 Սիրածդ մարդու կրծքի վերայ.
 Շրթունքներով նորա շրթներն
 Որոնելու ջանքեր կանես,
 Եւ երբ անուշ քունն կը պատէ
 Նորա աչերն, արթուն, անթարթ
 Աչքով նորա շնչառութեան
 Հեզ պահապան քեզ կդարձնես.
 Ե՛ւ կը փարես, եւ քնքշանք
 Ձեղուն, առատ, սիրող սրտով
 Ուժեղ թափով կձօնես, կտաս:—

ԿԼԻՏԻԱ

(Մտորմունքով):

Գու կարծո՞ւմ ես...

ՏԵՍԱՐՆԵ II

ԳԵԳԵՍԻՅ

(Գուրս է գալիս իւր անից, նկատելով Կլիտային):

Հէնց այդպէս էլ, կարծում էի,
 Արամազդի անունն վկայ:
 (Կանչում է):

Կլիտիա:

ԿԼԻՏԻԱ

Ի՞նչ է, սիրած պապիկս:

ԳԵԳԵՍԻՅ

(Կլիտային):

Խօսքերս, ասա, ոչ մի արժէք

Չունին աչքումդ: Չէ՛ ասացի,
 Հրամայեցի, թողնել անշուշտ
 Անմիտ գորով, համակրութիւնդ:

ՏԻՄԱՐԻՏԱ

(Հպարտութեամբ):

Ե՛ս չեմ կանչել նորան ինձ մօտ:

ԿԼԻՏԻԱ

Ազատ ծնուած, ազատ սնուած
 Մեծցած եմ ես: Յանկութեանդ՝
 Խոնարհ, հլու հպատակ եմ,
 Բայց հրամանիդ,—ամենևին:

ԳԵԳԵՍԻՅ

Երախտամու, դու ապերախտ:
 Խղճուկ, անտէր, որբուկ էիր՝
 Քեզ պահեցի, մեծացրի.
 Թէ հայր կասես՝ հայր եմ եղել,
 Թէ մայր կուզես՝ մայր եմ եղել
 Ես քեզ համար, իսկ դու այսօր
 Թշնամուս հետ սէր ես կապում:

ՏԻՄԱՐԻՏԱ

Քեզ թշնամի ինձ չեմ հաշուում:

ԳԵԳԵՍԻՅ

Հապա ինչո՞ւ չը դարձրիր
 Նորից ինձ մօտ անխիղճ որդուդ,
 Երբ որ երկու ամիս առաջ
 Թողեց, յանկարծ, գնաց-կորաւ:

ՏԻՄԱՐԻՏԱ

Նա էլ նոյնպէս ազատ-արձակ
 Ծնուել, սնուել ու կրթուել է:
 Իսկ միւս կողմից՝ երեխայ չէ:

ԳԵԳԵՍԻՅ

Է՛, անմիտ մայր: Չլինի՛ կարծես
 Շատ մեծ կարիք ունիմ նորան,
 Ե՛ս—մի չնչին նորելուկի,
 Որի համար իմ գործարանս
 Արդէն շատ նեղ տեղ է թւում,
 Եւ որ իրեն երազում է
 Շատ մեծ հանճար: Չարմանալի,
 Ծիծաղ բան է: Գնանք, գաւակս,
 Թո՛ղ քո անմիտ համակրութիւնդ:
 (Գնում է դէպի ձախ):

ԿԼԻՏԻԱ

(Հտապով Տիմարիտային):

Ասա, նորան, որ սովոր չեմ

Ծածկած ու փակ դռան ձեղքից,
 Ինչպէս խղճուկ, աղքատ մուրիկ,
 Գուժ սպասել: Չէ որ անդարձ,
 Անդարձ է գնում, երիտասարդ
 Մատաղ օրերն: Ես ուզում եմ
 Սիրել, սիրուել: Կամենում եմ
 Յաղթել, ընկճել եւ փառք, պարծանք,
 Ե՛ւ ստեղծող ոգի, հանճար,
 Ե՛ւ թէ՛ նոյն իսկ աստուածունեն:

(Գեղեսկի յետեւից տուն է շտապում):

ՏԵՄԵՐՆ III

ՏԻՄԱՐԻՏԱ, ՀԵՐՈՍՏՐԱՏ յետոյ ԺՈՂՈՎՈՒՐԻ:

ՀԵՐՈՍՏՐԱՏ (Հէնց որ Կլիտիան հեռանում է, դուրս է գալիս իւր տնակից):

Ապստարանքն ինքս անձամբ
 Իմ ականջովըս լսեցի:

ՏԻՄԱՐԻՏԱ Այն ժամանակ պէտք է անձամբ
 Նորան բռնել, պատասխան տալ:
 Գէ, շտապիր:

ՀԵՐՈՍՏՐԱՏ Օ՛, թէ բոպէ
 Կարող լինէի գրկիս մէջը
 Սեղմել նորան, ջերմ համբուրով
 Ծածկել չըթերն, պատասխան տալ,
 Չքնաղ լանջի վերայ մոռնալ
 Գլուխս այրող, ստեղծագործող
 Տանջող մտքերս:

ՏԻՄԱՐԻՏԱ Բայց դու նորան
 Արձձ գործդ տար և ցոյց տուր:

ՀԵՐՈՍՏՐԱՏ Յոյց տամ նորան, ինչ որ դեռ ևս
 Գլխիս մէջն է լուկ սաւառնում:

ՏԻՄԱՐԻՏԱ Գլխիդ, մտքիդ մէջն է միայն:
ՀԵՐՈՍՏՐԱՏ Այն:

ՏԻՄԱՐԻՏԱ Ինը երկար չաբաթ
 Դու շարունակ չէիր ծեփում:

ՀԵՐՈՍՏՐԱՏ Այս, ինը երկար չաբաթ

Ես շարունակ, ամեն գիշեր
 Ոչնչացնում ու փշրում եմ
 Ինչ որ ցերեկն ստեղծում եմ:

ՏԻՄԱՐԻՏԱ Ինչո՞ւ:

ՀԵՐՈՍՏՐԱՏ Ինչո՞ւ: Որովհետև
 Ծանր ձեռքս աղաւաղել
 Միայն գիտէ իմ ցնորքս,
 Դիտումներս: Դէմք եմ ստեղծում՝
 Ամենեկին աստուածունեն
 Դէմքի շնորհք չունի վերան:
 Չէ, դա չէ իմ աստուածունին,
 Նա որ դարեր, անյիշատակ
 Ժամանակից վառ աստղերին
 Իւր իսկ փայլով զուգել պճնել
 Չարդարել է, որ դեռ այսօր
 Ե՛ւ իջխում է, եւ դատում:
 Դու, անհնազանդ, վատարի ձեռք,
 Կամքիս ձայնը միայն լսիր,
 Կեանք ու մարմին տուր ցնորքիս,
 Որին յղացող մայրն է՝ միտքս,—
 Այդ բեղմնաւոր մտքիս համար
 Համբաւատար, քարոզ դարձիր:

ՏԻՄԱՐԻՏԱ Միջոցներից մէկը միայն
 Դեռ չես փորձել: Թող մի ուրիշ
 Գնքոյչ բազուկ պինդ, գիրգ փաթտուի
 Չեղուն սիրով քո աջ բազկին,—
 Վաղուց այդ աջն քեզ է մեկնած:

ՀԵՐՈՍՏՐԱՏ Սիրտ չեմ անիլ: Վախենում եմ:
 Վախենում եմ նոյն իսկ նորա
 Մօտկութիւնից, չնայելով
 Նորան տածած անհուն սիրուս.
 Վախենում եմ եւ նորանից:
 Եւ եթէ հէնց մի անգամ իսկ
 Անուշ ազդտուկ, նիրհ ինձ պատէ՝
 Ես հեշտութեան բաժկի առաջ
 Շուտով կմոռնամ իմ սուրբ պարտքս,
 Որ տիրաբար ինձ կանչում է:
 Դու լաւ գիտես, որ Աստղիկը

Շատ խանդոտ է,—չի կամենայ
Այլ զիցուհու ընկեր դառնալ
Ի չխանութեան իւր սահմանում:

ՏԻՄԱՐԻՏԱ Ա՛յ, ապերախտ, քեզ սիրում է
Աստուածունհին և նորա չափ
Չքնաղ, սիրուն կուսի սէրն ես
Դու վայելում, —հարուստ օժիտն
Աչքիդ այնքան ծանր է թւում:

ՀԵՐՈՍԻՄԱՍ Թեք, զառիվեր, փշոտ, քարոտ
Բերկրանքից զուրկ ուղին միայն
Անմահութեան է տանում մեզ:
Պարզեն ու վարձն, իբրև տեսիլ՝
Բանդագուշանք, հրապուրում
Կանչում է մեզ:

(Այդ ժամանակ նաւահանգստում հետզհետէ հաւար-
ւում է ժողովուրդը՝ դուրս գալով ձախ կողմից. ամբոխի
մէջ են—Չօյա, Լիսիլա և Ֆեօնիդա: Ամբոխի ձայնը
քանի գնում աղմկում է):

ՁԱՆԱԶԱՆ

ՁԱՅՆԵՐ.— Լսեցիք դուք:—Պահապանը
Արդէն տեսաւ:—Ի՞նչ է եղել:—
Է՛, Ֆիլիմոն, դու չես լսում:—
Մի մեծ նաւ է մեզ մօտ գալիս:—
Հարուստ դանձով ծանրաբեռնուած:—

ՏԻՄԱՐԻՏԱ (Ականջ դնելով):
Ի՞նչ աղմուկ է, որդիս, այնտեղ:
Դու տեսնում ես, ինձ էլ պատմիր:

ՀԵՐՈՍԻՄԱՍ Ոչինչ: Դատարկ, պարապ, անգործ,
Քամի կլանող մարդկաց խումբը
Ժողովուել է նաւահանգստում:

ՏԻՄԱՐԻՏԱ (Ճախարակն առած տուն է գնում):
Ժամանակ է տուն դառնալու.
Երթամ ճաշի պատրաստութիւն
Տեսնեմ քիչ-քիչ:

(Գուրս է գնում):
(Հերոստրատը նստում է քարէ նստարանի վերայ՝ ե-
րեսը դարձրած դէպի տաճարը):

ՏԵՍԵՐՆ IV

(Ահագին ամբոխ է հաւարուած նաւահանգստում):

ՁՕՅԱ, ԼԻՍԻԼԼԱ, ՖԷՕՆԻԴԱ, ԿԱԼԼԻՅ, ԴԻՕԿԼ, ՊԱՀԱՊԱՆ.

ՊԱՀԱՊԱՆ Դէ՛, ճանապարհ: ձանրայ տուէք
Խորհրդական Մետրօգորն է
Ինձ սպասում:

(Ճանապարհ բանալով իւր համոռ, առաջ է գալիս
Երեք աղջիկներն էլ հետևում են նորան քայլ առ քայլ)
(Կիթառը ձեռին):

ՁՕՅԱ Ասան, մեզ դու

Յոյն նաւ է սա:

ԼԻՍԻԼԼԱ (Կրկին-սրինգ առած ձեռքը).

Հարուստ, փարթամ

Օտար հիւրեր է բերում մեզ:

ՖԷՕՆԻԴԱ (Բաւական վեր-քշտած հագուստով, ծաղիկներով և կո-
ղովով):

Հ՛ը, կոյտքի համչափ պարից
Տարուողներից են, թէ ուրիշ:

ՁՕՅԱ Եւ կիթառի քաղցր ձայնի
Դաշնակութեամբ...

ԼԻՍԻԼԼԱ Կամ սրնգի
Անուշ, գեղ-գեղ ձայնակցութեամբ:

ՖԷՕՆԻԴԱ Իսկ վարդերից հիւսած պսակ
Չի՞ զարդարում նոցա ճակատ
Խոլ խնձոյքի թունդ ժամանակ:

ՊԱՀԱՊԱՆ (Ձուարձարանելով):
Ինչո՞ւ այդքան հարցեր տալ ինձ:
Հէնց իրենցից հարցնէք, լաւ չէ:
Արտեմիսի յաւերժհարսներ:—
Թէ որ բան է յիմար դուրս գան,
Գլխապատառ ինձ մօտ եկէք:

(Գնում է դէպի Մետրօգորի տունը, նախաբեմի գոնից):
(Նորա յետևից կանչելով):

ՁՕՅԱ Ա՛խ, վայրենի, կոպիտ գուհիկ:
Եփեսոսում ամենքն արդէն

Ժլատութեան պոչն են բռնել.
Թէ չէ, ասա, ինչ հաշիւ է,
Անծանօթի վզին փաթթուել.

ՖԷՕՆԻԴԱ (Նկատելով Հերոստրատին):

Ապո՛ւշ: Ամբողջ օրը նստած
Այստեղ դիտում է տաճարը:
Կարծես հայեացքն ուրիշ մի լաւ
Բանով կարող չէր պարարել:

(Մօտենում է նորան, միւս երկու աղջիկներն ևս հետեւում են իրեն):

Ի՛մ բարեկամ, չ'ի՛նի կինդ
Փնփնթացող արարած է.
Այն ժամանակ ինձնից առած
Ծաղիկներով պատիր նորան:

ԼԻՍԻԼԼԱ Կամ թէ քացի տուր դուրս արա:

ԶՕՅԱ Ի՛նչ սիրում էք դատարկ խօսել:
Գրազ կը գամ, թէ խաբուածի
Մէկը չէ սա:

ՖԷՕՆԻԴԱ Վէրքոտ սրտիդ

Վըայ լցնե՛մ մոռացութեան
Դեղ ու դարման:

ԼԻՍԻԼԼԱ Թէ երգերի

Ձայնով մարե՛մ քո հառաչներ:

ՀԵՐՈՍՏՐԱՏ Դատարկ խօսքով դուք առաւել

Վե՛հ ձայներ էլ խեղդել կրնաք:
Կորէք աչքիցս:

ԶՕՅԱ Վայրենի՛ արջ:

ՖԷՕՆԻԴԱ (Կարեկցութեամբ նայելով նորան):

Չէ, արևս վկայ, դու ժլատ չես:
Միայն կասե՛մ չստ ազքատ ես:
Ունեցածիս աւելցուկից
Պէտք է քեզ էլ բաժին հանեմ:
Դէ, սո՛ւ, բռնիր:

(Զգում է նորան մի վարդ):

ՏԵՍԱԼՐՆ V

ԱՌԱՋԻՆՆԵՐԸ ԵՒ ՄԵՏՏՐՕՒՈՐ.

ՄԵՏՏՐՕՒՈՐ

(Շտապով ելնում է իւր տան նախագոնից և դառնում է իրեն հետեոյ պահապանին):

Գնա՛, շուտով, քրմապետին
Ասա՛, արդէն, նաւն երևաց:
Յետոյ գնա Գեղեօյին՝
Սուրբ տաճարի փակակալին
Կանչիր այստեղ: Ողջ եփեսը
Պարտաւոր է դիմաւորել
Նորան, որին հիւր է կանչել:

(Պահապանը տաճար է գնում հետեւալ խօսակցութեան ժամանակ նորից վերադառնում է և գնում Գեօգեսիլի տունը և այնտեղից էլ ելնելով խառնում է ամբօրի հետ բեմի յետևում՝ ձախակողմը: Մետրոդորը նկատելով աղջիկներին):

Ոսկեծղի ուրախութեան
Սիրուն դստերը, — դո՛ւ Լիսիլլա,
Ճարտար, հմուտ սրնգահար,
Դուք էլ Զօյա, Ֆէօնիդա,
Կը կամենա՞ք վաղուան ճաշիս
Մեր սեղանի վարդը լինել:

ԼԻՍԻԼԼԱ

Հաճիր միայն հըրամայել:

ԶՕՅԱ

Մեր երգերի քաջ գնհատող
Բացի քեզնից ուրիշն ունի՛նք:

ՖԷՕՆԻԴԱ

Մեր պարերի արժանիքը
Գնհատելու փափուկ գործում
Կը գտնուի՛ մի ուրիշը
Որ սիրտ անէ՛ հետզ մըցէ:

ՄԵՏՏՐՕՒՈՐ

Խիստ պահանջկոտ օտար հիւրի
Առաջ վաղը ոչ մի ջանք, ձիրք
Պիտի չխնայէք եփեսոսի
Յայտնի հռչակն ու անունը
Պահպանելու. դուք ինքներդ
Ձեր արուեստից ու շնորհքից
Պիտ գարմացած, ապշած մնաք:

(Ամբողջ հետզհետե՛ առաջ է գալիս և հետաքրքրութեամբ հետևում է խօսակցութեանը):

ԿԱԼԼԻՅ (Ժողովրդին):
Հիւրի մասին է խօսակցում:

ԴԻՕԿԼ (Ժողովրդին):
Եկող նաւը խորհրդական
Մետրօդորին հիւր է բերում:

ԶՕՅԱ Նորա դատից, դատաստանից
Վախենալու տեղիք չունինք,
Թէկուզ նոյն իսկ խիստ պահանջկոտ
Մեծ Աթէնքի գաւակ լինի:

ՄԵՏՐՕԴՈՐ Հէնց Աթէնքի գաւակ էլ է:

ԼԻՍԻԼԼԱ (Խօսքը կտրելով):
Աթէնքից է նաւը գալիս:

ԿԱԼԼԻՅ (Ժողովրդին):
Եկող նաւը Աթէնքից է:

ՄԻ ՔԱՆԻ ԶԱՅՆԵՐ (Իրար հաղորդելով):
Աթէնքից է:

(Ընդհանուր շարժում: Ամենքը, աղջիկներն էլ դիմում են նաւահանգիստ):

ՀԵՐՈՍՏՐԱՏ (Ականջ դնելով):
Աթէնքից է:
(Շտապով ելնում, մտնում է Մետրօդորին):

Ո՛վ Մետրօդոր, ասա, խնդրեմ
Նաւի վերայ եկողն ո՞վ է:

ՄԵՏՐՕԴՈՐ Ուխտաւորներ:

ՀԵՐՈՍՏՐԱՏ Բայց քիչ առաջ
Չէ լսեցի, որ ասացիր
Աթէնացի է եկողը:

ՄԵՏՐՕԴՈՐ Դու իրաւ ես. ուխտաւոր չէ:

ՀԵՐՈՍՏՐԱՏ Հապա ո՞վ է:

ՄԵՏՐՕԴՈՐ Քո ախոյեանդ:

ՀԵՐՈՍՏՐԱՏ Ի՛նչ ասացիր:

ՄԵՏՐՕԴՈՐ Հա, բարեկամ,
Շիտակ նա է և առաւել
Կանուխ եկաւ, քան թէ կարծել
Կարող էի:

ՀԵՐՈՍՏՐԱՏ Իմ ախոյեանս:

ՄԵՏՐՕԴՈՐ Զարմացած ես: Չէ որ ինքզ իսկ

Հրաւիրելու միտքն յղացար:
ՀԵՐՈՍՏՐԱՏ Հրաւիրելու. ո՛ւմ, ո՛րտեղից:
ՄԵՏՐՕԴՈՐ Վերջին անգամ, երբ ծերերի
Մեծ ժողովին խիզախ մտքիս
Արդիւնքն էի, իբր ծրագիր,
Առաջարկում տաճարի մէջ
Մի նոր արձան դնելու համար,
Իմ իսկ մտքիս ողջ ծանրութիւն
Սրտիս վերայ ընկած գգացի,
Ինչպէս ծանր, դժուար մի բեռ:
Այդ մեծ գործը գլուխ բերող՝
Քեզ ցոյց տուի, քեզ, միայնակ:
Բայց քո ձեռքից ելած անթիւ
Մեծ գործերը չէին փառքիդ
Քարոզները, որ քո անյայտ
Եւ անծանօթ անունդ տուին,
Այլ դէպի քեզ իմ ունեցած,
Տաճած անկեղծ վստահութիւնս:

ՀԵՐՈՍՏՐԱՏ Կար ժամանակ, որ Ֆիդիասի
Անունն էլ էր այդպէս տրուում:

ՄԵՏՐՕԴՈՐ Սուտ չես ասում, իրաւ է այդ:
Անկեղծ հողով, բոլոր սրտով
Ցանկանում եմ, որ քո փառքի
Արձագանգը աշխարհ բռնէ,
Երկրէ երկիր հզօր ձայնով
Ե՛ւ տարածուի, եւ հուշակուի:
Բայց և այնպէս պարտք ունէի
Գէթ մի ըոպէ խորհել, ասել՝
Թէ որ բան է, յանկարծ մէկ էլ
Մեր բոլորի վառ յոյսերի
ձիշտ հակառակ նորա ձեռքից
Ելած գործը յաջող չլինի՛...
Այն ժամանակ միմիայն իմ խեղճ
Գլխի վերայ պիտի թափուին
Ամեն կողմից խիտ տեղացող
Կշտամբանքներ, թէ այդպիսի
Նըշանաւոր և մեզ համար
Խիստ կարևոր յայտնի գործն

Ու պատուէրը, առանց մի լոււ
Գիտե՛նալու ո՛ւմ յանձնելս՝
Վերցրի տուի միայն մէկին:
Չէ որ այդ միտքն ես եմ ծնել:

ՀԵՐՈՍՏՐԱՏ Սխալուում ես: Մտքի հայրը
Ես եմ միայն. այդ զաւակը
Ի՛մս է, իմս: Գառն արտասուք
Ծնեց նորան, իսկ զայեակն էր՝
Անվերջ թախիծս:

ՄԵՏՐՕԴՈՐ (Արհամարհական ժպտով):
Արժէ՛ միթէ
Վէճի բռնուիլ մէկի համար,
Երբ անթիւ են մաքիս ծնունդ՝
Զաւակներս:

ՀԵՐՈՍՏՐԱՏ Բայց այն աստ,
Ո՞վ է այն անձն, որին մրցման
Հրաւէր ու կոչ ես ուղարկել:

ՄԵՏՐՕԴՈՐ Կեֆիսոդոտ Աթենացու
Որդին է նա՝ Պրակսիտելն:

ՀԵՐՈՍՏՐԱՏ (Ապշած):
Պրակսիտելն է:
(Իսկոյն ինքն իրեն տիրապետելով, սառնասիրտ եղա-
նակով):

Հնա, լսել եմ.
Նորա անունն ինձ ծանօթ է:

ՄԵՏՐՕԴՈՐ Թէև նա շատ երիտասարդ,
Մատաղ մէկն է, բայց ասում են,
Թէ իւր գործին շատ հմուտ է:

ՀԵՐՈՍՏՐԱՏ (Դժուարութեամբ զսպելով յուզումը):
Հնա, ասում են...

ՄԵՏՐՕԴՈՐ Ուրիշ ինչո՞վ
Կարող էի քեզ ապացոյց
Տալ, թէ որչափ քո հանձարի
Գնհատող եմ, քան այդպիսի
Մի պերճախօս փաստի շնորհիւ:
Մի այդպիսի հռչակ հանած
Արձանագործ միայն պիտի
Կարող լինէր արժանապէս

Հետդ չափուիլ, մրցման ելնել:

ԿԱԼԼԻՅ (Գիտելի և ուրիշների հետ ելնելով տաճարի սան-
դուղաների վրայ ակնապիշ նայում է հեռուն):

Չէք նշմարում. առագաստներն
Արդէն հեռուում ձերմկտի կտան:

ԳԻՕԿԼ. Տեսէք, տհա, սկսեցին
Կամաց-կամաց և հաւաքել
Առագաստներն և թիակներն
Ծովն իջեցնել:

ԿԱԼԼԻՅ Գնանք, շուտով՝
Հանդիպելու, ընդունելու:
(Իջնում են սանդուղաներից և նաւահանգիստ վազում):

ՄԵՏՐՕԴՈՐ (Գիտելով Հերոստրատին):
Ինչի՞ մասին ես մտածում:

ՀԵՐՈՍՏՐԱՏ Ինչո՞ւ ինձնից այսքան երկար,
Զիդ ժամանակ գաղտնի էիր
Պահում այդ լանն:

ՄԵՏՐՕԴՈՐ Չէի ուզում
Այխատանքիդ հանդիստն աւրել:

ՀԵՐՈՍՏՐԱՏ Ինչո՞ւ նորից և կեղծում ես,
Եւ աշխատում, որ ինձ խաբես:
Ուզում էիր ցոյց տալ, թէ դու
Վստահութիւն չունիս վրաս.
Կարծում էիր թէ մրցակցից
Կը վախենամ:

ՄԵՏՐՕԴՈՐ Ես քեզ համար

Լայն ասպարէզ, փայլուն ուղի
Եմ բաց անում, որի համար
Դու երազած անգամ չէիր:

Կուռի, մրցման ես դուրս գալիս,
Ոչ թէ միայն քի սեփական
Փառքի համար, այլ և պաշտած
Հայրենիքի պատուի սիրուն:

Դու ես նորա փառքի, պատուի
Բուն մարմնացումն: Եւ թէ միայն

Կարողանաս քո ձեռագործ
Դիցարձանով օտար եկրից
Մրցման եկած արուեստագէտի

Գործը մոռցնել, նսեմացնել,
 Այն ժամանակ, երդուում եմ քեզ
 Արամազդով, որ ոչ միայն
 Հերոստրատը Պրակսիտելին
 Յաղթեց, ընկճեց, այլ և Եփեսոս—
 Գուռ Աթէնքին. և ժողովուրդն
 Ամբողջապէս քո իսկ փառքով
 Տարուած, արբած՝ ուրախ սրտով
 Յաղթանակի տօն կը տօնէ
 Այն հերոսի, որ հինաւուրց
 Փառքի ոսոխ մեր թշնամուն
 Ազատ մրցման մէջ տապալեց:

ՀԵՐՈՍՏՐՈՍ Կանչիր նորան: Մրցման հրաւերն
 Ընդունում եմ: Քեզ, Մետրոզոր
 Շնորհապարտ եմ:

ՏԵՍԵՐԿՆ VI

ԱՌԱՋԻՆՆԵՐԸ ԵՒ ԳԵԳԵՍԻՅ. յետոյ ԵՒՊԷՅՏՆ ու ՔՐՄԵՐԸ:
 Յետոյ ԿԼԻՏԻԱ:

ԳԵԳԵՍԻՅ (Հտապ դուրս է գալիս իւր տնից. Մետրոզորին):
 Ուշ եմ հասնում: Իմ տօնական
 Պատմունճանս էի հազնում:
 (Եւպէյոն քրմերի և քրմուհիների ուղեկցութեամբ
 դուրս է գալիս տաճարից. նորա կանգ են առնում սան-
 դուղտների վրայ):

ՄԵՏՐՕԴՈՐ Ահա քրմերն եկան, հասան:
 (Գեգեսիյի հետ գնում է ողջունելու Եւպէյոսին):

ՀԵՐՈՍՏՐՈՍ (Խոժոռած):
 Արքայի պէս են ընդունում
 Ամենքն:
 (Նկատելով Կլիտային):
 Եւ դո՛ւ:

ԿԼԻՏԻԱ (Շքեղ հագնուած ելնում է Գեգեսիյի տնից):
 Տանը մենակ
 Նստած հաշուում էի, քանի
 Օր է, որ դու չես երևում
 Եւ փախչում ես միշտ ինձանից,

Երբ դռնապանն եկաւ շտապով
 Հիւր է գալիս մեզ մօտ մնալու՝
 Մի արուեստագէտ:

ՀԵՐՈՍՏՐՈՍ Իմ մրցակիցս:

ԿԼԻՏԻԱ Չէ՞ որ նորան ինքն Աթէնքն է
 Մեզ ուղարկում: Ինքդ չէ՞ր
 Իմ ուսուցիչս՝ նոցա սիրել
 Եւ յարգելու արուեստի մէջ,
 Եւ կախարդիչ հէքիաթներով
 Կապուտակի հեռուից քաշում,
 Ու դուրս բերում, ինձ ցոյց տալիս:
 Է՛, տես, ահա:

ՀԵՐՈՍՏՐՈՍ (Խանդավառ):
 Ասո՛, անկեղծ.

Հաւատ ունիս դեռ դէպի ինձ,
 Անգին Կլիտիա:

ԿԼԻՏԻԱ (Չարմացած):
 Կարելի է:

ՀԵՐՈՍՏՐՈՍ Ի՛նչը:
 ԿԼԻՏԻԱ Միթէ, չի՞ս նկատում

Նոր հանդերձներս: Այս առաջին
 Անգամն է, որ ձեռք եմ տալիս,
 Հազնում սոցա: Հաւատում ես:

ՀԵՐՈՍՏՐՈՍ Օտար հիւրի համար միայն:
 ԿԼԻՏԻԱ Ո՛չ. քեզ համար: Ուզում էի
 Ես սոցանով պճնուած, զուգուած
 Արհեստնոցիդ դուռը զարկել
 Եւ հարցնել— «սիրո՞ւմ ես ինձ»:

ՀԵՐՈՍՏՐՈՍ (Ցած ձայնով):
 Կեանքիցս աւել:

ԿԼԻՏԻԱ Մտածում էի. թէ որ ասէ՛
 Միրում եմ քեզ, անշուշտ պիտի
 Ինձ նայելիս մոռնայ և իւր
 Աստուածունհին, գոնէ, գոնէ,
 Մի կէս-վայրկեան: Եւ յաղթութեանս
 Համար արդէն այդ կէս-րոպէն
 Էլ կը բաւէր:

ՉԱՅՆԵՐ

(Հեռուից, նաև հանդարտի կողմից):
Կեցցէ՛, կեցցէ՛:

ՄԵՏՐՕՏՈՐ

(Մտանալով Հերոստրատին):

Դու չէս գնայ հիւրին ընդ առաջ՝
Ողջամբ դալուստ, կեանք մաղթելու:

ՀԵՐՈՍՏՐՈՍ

Հը՛, էս: Նորան: Որ ամբոխի
Շարքերի մէջ արժանանամ
Նորա ժպտին, քանի ինձ դեռ
Չէ՛ ճանաչում ամենեկին:

ՄԵՏՐՕՏՈՐ

Բայց նա գիտէ, որ ախոյեան
Ունի այստեղ:

ՀԵՐՈՍՏՐՈՍ

Աստ, նորան՝

Պրակսիտէլին, ամեն ընդ
Երբ կամենայ ինձ տեսնելու
Արհեստնոցիս մէջ կը գտնէ:
(Գնում է դէպի իւր տունը):

ՏԵՍԵՐԸ V II

ԱՌԱՋԻՆՆԵՐԸ առանց Հերոստրատի: ՊՐԱԿՍԻՏԵԼ: ՈՒԽՏԱ-
ԻՈՐՆԵՐ: ՆԱԻԱՋՆԵՐ: ՍՏՐՈՒԿՆԵՐ:

ՉԱՅՆԵՐ

(Բեմի վերայ):
Կեցցէ՛, կեցցէ՛:

(Ամբոխը լցնում է բեմը: Նաև մտնում է նաև հանդարտի և զիստ. Թիերը գողովում են՝ ձգում են խարխուր: Տախտակամածի վերայ կանգնած է Պրակսիտելը, շրջապատում ուխտաւորներով, նաև զիններով և ստրուկներով ուրան զուարթ պատասխանում է ողջոյններին: Ֆէժեիդան և միւս աղջիկները ծաղիկ են տեղում դէպի նաև):

Ահա, ինքք:

ԿԱԼԼԻՑ

ԴԻՕԿԼ

Ի՞նչ ես կարծում, ո՞րն է արդեօք:

ԿԱԼԼԻՑ

Գեղեցկադէմ, բարձրահասակ
Կայմին թիկնած, կանգնողն է նա:

ՋՕՅԸ

Նրխտասարդ, ջա՛նկ մէկն է:

ԼԻՍԻԼԼԱ

Կարծեմ, հետը խիստ վարուելու
Իսկի պատճառ չէիր ունենայ:

ԳԵԳԵՍԻՑ

Հին Աթէնքի արուեստագէտներն,
Առհասարակ, թէ տարիքով,

Թէ լուրջ, կգօն էին լինում:

ՉԱՅՆԵՐ

(Նաևից պատասխանում են ողջոնողներին):

Կեցցէ՛, կեցցէ՛...

ՈՒԻԻՇ ՉԱՅՆԵՐ

Կեցցէ՛, կեցցէ՛:

(Նաևին սանդուղտներ են կայցնում: Պրակսիտելը թեթև ոտակներով գետին է ցատկում: Նորան հետևում են ուխտաւորները՝ քրմերը ողջոնում են նոցա, որից յետոյ նոքա ցրում են բեմում: Ամբոխը գրոհ տալով առաջ և միևնոյն ժամանակ երկուսի բաժանուելով մէջ տեղից ազատ անցք է թողնում: Կլիտիան կանգնած է աջ կողմը, նախաբեմի վրայ եղջերի մէջ: Ստրուկները նաև դատարկում են):

ՊՐԱԿՍԻՏԵԼ

(Անցնելով Ջոյայի մտից, զարկում է նորա կեթառի լարերին):

Որչափ չքնաղ են Յոնիայի

Աղջիկները:

ՄԵՏՐՕՏՈՐ

Ոտք կոխելով

Մեր ափերը՝ իմ սրտագին

Ջերմ ողջոյնս ան, ընդունէ:

ՊՐԱԿՍԻՏԵԼ

Դ՞ո՞ւ չես, արդեօք, իմ հիւրընկալ
Խորհրդական Մետրոգորը:

ՄԵՏՐՕՏՈՐ

Այո՛, Բայց ձեր մեծ Աթէնքում
Իմ անունս իմաստասէր,
Քան խորհրդի մարդ է յայտնի:

ՊՐԱԿՍԻՏԵԼ

Հաւանական է, չեմ վիճում...
Հըրաւէրիդ համար այժմէն
Շնորհակալիքս յայտնեմ, տամ քեզ:

ՄԵՏՐՕՏՈՐ

Շնորհակալիք քեզ վայել է,
Որ հրաւէրս անտես չարիր:

ՊՐԱԿՍԻՏԵԼ

Իմ ականջիս թովիչ ձայնով
Հնչեց մէկէն քո այդ հրաւէր:

ԵՒՊԷՑ

(Հանդիսաւոր եղանակով)

Քեզ, Պրակսիտել, յանուն հանուրց
Մեր մեծ Մօրը, օրհնում եմ ես
Նւ ձեռնարկիդ՝ ոյժ ու կորով
Յաջողութիւն եմ ցանկանում:

ՊՐԱԿՍԻՏԵԼ

Քո ողջոյնդ, մեծ քրմապետ,
Ամաչեցնում է ինձ իսպառ:

Այս աշխարհի զաւակ եմ ես
եւ արուեստովս միայն գիտեմ
Յարգել, պատուել աստուածներին:

ԳԵԳԵՍԻՅ

(Առաջ անցնելով)
Քեզ ողջունողն Գեգեսիյն է:
Քո մայրենի քաղաքդ վաղուց
ձանաչում եմ: Քառսուն տարի
Սորանից առաջ այցելել եմ:

ՊՐԱԿՍԻՏԵԼ

ձանաչում ես մեծ Աթէնքը
եւ դու այսքան ձիգ ժամանակ
Չես էլ եղել նորից այնտեղ:
Նորա անձուկ քեզ չէր վառում:

ԳԵԳԵՍԻՅ

Իմ հայրենի տուն-օջախս
Ամուր կապով կապուած եմ ես,
Նախ՝ առետուրս, ապա՝ յարգի
Մեծ պաշտօնս—մեծ տաճարի
Ժառանգական փակակալն եմ:

ՊՐԱԿՍԻՏԵԼ

Երջանի՛կ մարդ: Վեհագունի
Պահապան ես: Եւ թէ ինչպէս,
Տեսնում ես դու, նորա չքնաղ
Տեսքից շատ էլ յուզուած չեմ ես,
Ապա գիտցիր, այն պատճառով,
Որ շատ վաղուց հողուս ներսը
Ապրում է նա՝ պարզ ու մէկին
Իւր ողջ չէնքի ճիշդ պատկերով:
Ուրիշ կերպ իսկ չէր էլ լինի:
Նա տալիս է ինձ այն միայն
Ինչ որ վաղուց խոստացել էր:
Եւ վառ յոյսերս ամենեին
Չէ կամենում խաբել, ինչպէս
Հաւատարիմ և կատարեալ
Ազնիւ, յարգի մի բարեկամ:

ՄԵՏՐՕՒՈՐ

Մտիր տունս՝ ինչպէս քոնդ:

ՊՐԱԿՍԻՏԵԼ

Ողջունեցի՛ ես, չգիտեմ,
Ամեն-մէկին, ով որ ինձնից
Ողջոյն ունի սպասելու:
Երկրի օրէնք, սովորութիւն
Ես հեշտութեամբ չեմ կոխ տալիս:

ՄԵՏՐՕՒՈՐ Կատարել ես, ինչպէս պէտք էր:

ՊՐԱԿՍԻՏԵԼ

(Նկատում է Վլիտիային, որն առաւել լաւ գիտելու
համար բարձրացել է ժայռոտ բարձրութեան վերայ և
կանգնած է միւսներից բոլորովին առանձնակի՝ կարծես
պատուանդանի վերայ):

Օ՛, ոչ: Ես դեռ նոյն իսկ իրեն՝
Աստուածունուն չեմ ողջունել:

ՄԵՏՐՕՒՈՐ Նա իշխում է իւր տաճարում:

ՊՐԱԿՍԻՏԵԼ

(Անթարթ նայելով Վլիտիային):

Ո՛չ, իւր գահից իջել է նա
եւ իւր անհուն սիրով ընտրել,
Բնակուել է մահկանացուի
Մարմնի միջում: Խոնարհ ողջոյնս,
Մեծդ Արտիմես:

(Լսում է հեռոցհեռէ աճող զարմացման և սրտմտու-
թեան յուզում և աղմուկ):

ՄԵՏՐՕՒՈՐ

Ի՞նչ եմ լսում:

ՉԱՅՆԵՐ

Հայնոյում է աստուածունուն:

ԿԼԻՏԻԱ

(Խորապէս յուզուած և ամաչելով)

Ես՝ Վլիտիան եմ, մահկանացու
Մի խեղճ աղջիկ:

ԵՒՊԷՅՏ

(Մօտենում է Պրակսիտելին, որ յափշտակուած նայում
է Վլիտիային և ձեռքը նորա ուսին դնում):

Ուշքի արի,

Օտարական: Ոչ ոք մեզնից
Մինչ այս բոպէս դեռ չէ լսել
Մեր աշխարհում մի այդպիսի
Խիստ անմաքուր պարսաւ, դսրով
Աստուածունու մաքուր անուան:

ՊՐԱԿՍԻՏԵԼ

Ի՞նչ պարսաւանք, ո՛ւմ հասցէին,
Աօա, խօսիր, մեծ քրմապետ:

ԵՒՊԷՅՏ

Սրբութիւնը անմտութեամբ
Գու կոխ տուիր, հայնոյեցիր:

ՊՐԱԿՍԻՏԵԼ

Երկրպագել էր իմ միտքս
Այդ սրբութեան, ո՛չ պարսաւել:

ԵՒՊԷՅՏ

Մահկանացուին անուանեցիր
Այն անուանով, որ կրում է

Մեր անարկու, վրէժխնդիր
Անհաս, անեղ, կեանքի աղբիւր,
Կեանք պարզեող աստուածունին:
Օ՛, զղջա՛ գու: Ահ ու մահ է
Նորա ցասու՛, բարկութիւնը:

ՊՐԱԿՍԻՏԵԼ Ներիր անգէտ և ակամայ
Սխալանքս: Մեծարելի
Մարդկանց անեղ բարկութիւնից
Միշտ փախչում եմ: Բայց չեմ վախում
Աստուածունու բարկութիւնից.
Եթէ այս կոյսն Արամեսը
Չէ, ապա նա՛ երկրի վերայ
Աստուածունու չքնադատես
Ամօթխած քոյր Ֆէբ Արեգի
Տիպա: Ե է ճիշդ, որ զիշերուայ
Լուիկ պահուն սահում-սուրում
Ջերմ համբոյր է զբոշում գնում
Հանգիստ ննջող էնդիմիօնի
Պարզ ճակատին:

(Ամբոխը նորից յուզում է):

ԵՒՊԷՅՏ Երկրայինը
Մի շփոթիր ամենևին
Աստուածայինին:

ՊՐԱԿՍԻՏԵԼ Ոչինչ երկրում
Այն աստիճան աստուածային
Տարբ չէ կրում իւր սուրբ ծոցում,
Որչափ չքնաղ գեղեցկութիւնն:

ԵՒՊԷՅՏ Ի՞նչ նոր հաւատ ես քարոզում,
Անյուր կրօն՝ մեր ականջին,
Խիզախ, անմիտ գու պատանի:

ՊՐԱԿՍԻՏԵԼ Ուրեմն գիտցիր: Այդ հաւատը,
Անյուր կրօնը — մեր Աթէնքն է,
Իսկ ես նորա խոնարհ քուրմը:
Երբ ձեր զգաստ ականջներին
Պղծութիւն է հնչում ասածս,
Ապա թողէք ես տուն դառնամ:

Իսկ թէ ձեռքիս գործն է պէտք ձեզ՝
Ապա կասեմ, որ լոկ միայն
Իմ հաւատովս գործ կատարել
Եւ գործ յանձնել՝ ընդունակ եմ:
(Նորից դառնալով Կիտիային):
Աստուածունու չքնաղ տիպար,
Խոնարհ ողջոյնս առ, ընդունէ:
(Գնում է Մեարդորի յեակէց):

(ՎԱՐԱԳՈՅՐՆ ԻՋՆՈՒՄ Է)



Գ. ԳՈՐԾՈՂՈՒԹԻՒՆ

Բ. գործողության տեսարանը:

ՏԵՍԵՐԱՆ I

ՊՐԱԿՍԻՏԵԼ, ՄԵՏՐՕԴՈՐ և Ստրուկ:

(Գուրս են դալիս Մետրոդորի տան կողմնակի դռնից):

ՊՐԱԿՍԻՏԵԼ (Ստրուկին):

Գնան, ասան, քո ախրոջդ՝
Գեգեսիյին, որ ես այտեղ
Սպասում եմ ժամից աւել.
Ապա պայծառ բակը գուրս բեր,
Ինչ որ պէտք է գործիս համար:
Քո տէրն արդէն զիջաւ. այտեղ՝
Արհեստանոցըս պիտ լինի:

(Ստրուկը գնում է Գեգեսիյի տունը):

ՄԵՏՐՕԴՈՐ Յուսամ, գործիդ բուռն եռանդը

Չի խանդարիլ մասնակցելու
Այն խնճոյքին, որ ես այսօր
Ի պատիւ քո պիտի սարքեմ:

ՊՐԱԿՍԻՏԵԼ (ձգտուն):

Գործը երբէք ուրախութեան
Չի խանդարիլ: Կտեսնեմ արդեօք
Անդրէգործին միւս հիւրերիդ
Շարքում այսօր: Նա՛ որին դու
Անուանեցիր:

ՄԵՏՐՕԴՈՐ Նթէ այդչափ

Հաճելի է նորա լինելն...

ՊՐԱԿՍԻՏԵԼ Ախոյեաններն, ինձ հաւատա,

Ոչ թէ միայն կուռի դաշտում

Եւ մրցութեան ասպարիզում
Պիտի տեսնուին ու հանդիպին,
Այլ և փրվուր ու կայծ նետող
Գինու բաժակ ձեռներն առած:

ՄԵՏՐՕԴՈՐ Իրաւացի է ասածըդ:

Իսկոյն և եթ մարդ կուղարկեմ՝
Հրաւէր կարդայ նորան դալու:

(Գիմում է դեպի Հերոստրատի տունը):

(Գեգեսին այդ ժամանակ գուրս է դալիս իւր տնից:
Չբաղուած լինելով սարկի հետ խօսակցութեամբ՝ նա չէ
նկատում Պրակսիտելին և Մետրոդորին. ստրուկը դառ
նում է Մետրոդորի տունը, իսկ Գեգեսին անցնում է նա
խարեմը):

ՏԵՍԵՐԱՆ II

ՊՐԱԿՍԻՏԵԼ և ԳԵԳԵՍԻՅ

ԳԵԳԵՍԻՅ Տեսնել կուգես ինձ, Պրակսիտել:
Ինչո՞վ կարող եմ ծառայել:

ՊՐԱԿՍԻՏԵԼ Օ՛ր, թէ միայն ճիշդ ասացին,
Թէ այն աղջիկն, որին երէկ
Այնպէս տարուած ու հրճուանքով
Ողջունեցի,— թոռնուհիդ է...

ԳԵԳԵՍԻՅ Գիտե՞ս և այն, թէ ողջոյնդ
Որչափ վիշտ, ցաւ հասցրեց նորան:
Երբէք, երբէք, ինչպէս երէկ,
Մի օր անգամ կեանքիս մէջը
Ես չեմ տեսել նորան այդպէս,—
Աչքերն ուռած, արցունք կոխած,
Յուզուած, վհատ, գողը բռնած:
Աստուածունու սարսափելի
Վրէժխնդրութեան սպասելիս:

ՊՐԱԿՍԻՏԵԼ Հէնց երկիւղիս պատճառն այդ է:
Ուստի լացով, աղաչանքով
Խնդրում եմ քեզ՝ նորա առաջ
Խեղճիս համար միջնորդ եղիլ.
Ե՛կ, համոզիլ դու Կլիտիային,—
Կլիտիա է չէ՛ նորա անունն,—

Որ իւր ուշքը, շնորհն անհուն
Գոնէ վայրկեան ինձ նուիրէ:
Ես չեմ կարող հանգիստ առնել,
Մինչև որ նա սխալանքս
Ինձ չը ներէ:

ԳԵԳԵՍԻՑ Միթէ այդ էլ
Կարող կլինեմ քեզ մերժելու
Ոյժ ունենայ: Երբ որ դառնայ...

ՊՐԱԿՍԻՏԵԼ Հապա այժմ որտեղ է նա:

ԳԵԳԵՍԻՑ Երբեմնակի, հէնց այս ժամին
Նա գնում է Պան—Շահասլի
Սուրբ քարանձաւն:

(Նայում է հեռուն, ձեռքով աչքից արեւ լոյսը
արդիւրով, դէպի բեմի աջ կողմի գեղձի յետեւը):

Ահա հեռում

Նորա զգեստի քղանցները
Երևում են: Կամաց-կամաց,
Յուշիկ քայլով տուն է դառնում
Թաւ ձիթենու շուաքներով:

(Կանչում է նորան):

Աղջի, Կլիտիա, այստեղ արի:

ՊՐԱԿՍԻՏԵԼ Որչափ սէգ է, արքայական
Նորա քայլը: Ասես գիտէ,
Որ յետևից անխօս, անտես,
Յաւերժհարսներն նիզակ առած
Հետեում են մեզմ սուրալով:

ԳԵԳԵՍԻՑ (Նորից կանչում է նորան):

Անուշ զաւակս, դու չե՞ս լսում:
Դէ, շուտ արա, այստեղ արի:

ՊՐԱԿՍԻՏԵԼ Շտապցնելու կարիք չկայ.
Թող որ հանգիստ ու հանգարտ դայ:
Նորա հանգիստ քայլքն անխառով
Կարծես անոյշ նուագ լինի:
Մի խանգարիւր այդ ներդաշնակ
Վեհ ընթացքը, որ ակնածու
Իմ հայեացքս ազահարար
Կըլանում է: Իսկ թէ որչափ

Թաղնուած շնորհ կայ այն հազիւ
Պարանոցի թերուածքի մէջ՝
Այդ ես գիտեմ: Մի գիծ անգամ,
Չնչին մի գիծ աւել լինէր,—
Արդէն կորաւ աստուածային
Կերպարանքի ողջ վեհութիւն:

ՏԵՍԱՐԸՆ III

ԱՌԱՋԻՆՆԵՐԸ, ՊՐԱԿՍԻՏԵԼ և ԿԼԻՏԻԱ

ԿԼԻՏԻԱ (Իջնում է աջ կողմի քարաժայռի ոտնատեղերով: Գեգեսլին):
Դու ձայն տուիր, ինձ կանչեցիր:
(Նկատում է Պրակսիտելին և շառագունում):

ԳԵԳԵՍԻՑ Տես, քո առաջ Աթենացի
Մեր հիւրն անա գլուխ ծուած,
Ստըջացած և զղջացած՝
Ներողութիւնն իւր չըթերին
Քեզնից ներումն է խնդրում:
Ես նորանից չժածկեցի:
Թէ ինչպիսի ծանր անարգանք,
Վիրաւորանք է քեզ հասցրել.
Բայց դու էլ շատ էիստ չլինիս:
(Դուրս է գնում):

ՏԵՍԱՐԸՆ IV

ՊՐԱԿՍԻՏԵԼ ԵՒ ԿԼԻՏԻԱ

ՊՐԱԿՍԻՏԵԼ Խիղճս հանգիստ չէ տալիս ինձ.
Սիրտս ցաւում և տանջում է,
Որ քեզ Կլիտիա, վշտացրի
Չմտածած խօսքիս շնորհիւ:
Ինձ դատելու իրաւունքը
Քոնն է միայն: Քո ձեռքով եմ
Դատապարտուած,— միթէ ուրեմն
Կասկածել իսկ կարող կլինեմ,
Թէ քո առաջ մեղաւոր եմ:
(Կլիտիան լուռ է):

ՊՐԱԿՍԻՏԵԼ (Մի փոքր լուսնային յետոյ):
 Հայրենիքումս չքնաղ կուսին,
 Թէն լինի մահկանացու,
 Աստուածային անուամբ կնքել
 Մահացու մեղք չէ համարումս:
 Բայց այդ մասին ձեր նփեսում
 Այլ կերպ մտածել են կամենումս:

ԿԼԻՏԻԱ Անցողակի միայն տեօար
 Ինձ իմ տեղում... Բայց և այնպէս...

ՊՐԱԿՍԻՏԵԼ Բայց և այնպէս:

ԿԼԻՏԻԱ Իմ ինչիս մէջ,
 Արդեօք, գտար, այդ խարուսիկ
 Նմանութիւնը:

ՊՐԱԿՍԻՏԵԼ Քո շարժուածքի,
 Դիմագծերիդ գեղ կերտուածքի,
 Նուրբ իրանիդ, պայծառ արև՝
 Վառ աչերիդ հայեացքի մէջ:
 Ամեն բանով յիշեցնում ես
 Արծաթփքին աստուածունուն.
 Ընդունակ ես, անշուշտ, մերթ բուռն
 Կրքով վառուելի, մերթ ինքնասած՝
 Քմշտ լինել, մէկ էլ յանկարծ
 Հեղիկ, քնքոյշ, սարսուռ-երկշտ
 Եւ ահաբեկ լինել կրկին
 Ինչպէս ինքը գիշերային
 Հեզ թագուհին:

ԿԼԻՏԻԱ Ո՞վ է պատմել
 Մէկիկ-մէկիկ քեզ այդ բոլորն:

ՊՐԱԿՍԻՏԵԼ Ով է պատմել: Իմ աչքերս:
 Ասա, հիմա, թէ որ աչքերս
 Խաբել են ինձ: Բայց այդ ասել
 Դու չես կարող: Բայց և այնպէս
 Բարկացել ես խեղճիս վերայ,
 Եւ մինչև իսկ լաց էլ եղել...

ԿԼԻՏԻԱ (Աշխուժով, արագ):
 Օ՛, ոչ:

ՊՐԱԿՍԻՏԵԼ Ի՞նչպէս թէ ոչ. բայց ես գիտեմ:

ԿԼԻՏԻԱ (Հայեացք նետելով դէպի Գեղեսիի տունը):

Սուտ ու շինծու խօսք է թուցրել:

ՊՐԱԿՍԻՏԵԼ Ինչո՞ւ համար ես լաց եղել:

ԿԼԻՏԻԱ Արտեմաի աստուածային
 Երկիւղով եմ ես մեծացել...

ՊՐԱԿՍԻՏԵԼ Ուրեմն երկիւղն էր պատճառը:

ԿԼԻՏԻԱ Ի՞նչ հարցեր են:

ՊՐԱԿՍԻՏԵԼ Երկիւղը չէր:

ԿԼԻՏԻԱ Կարծելով թէ ծաղրում էիր...

ՊՐԱԿՍԻՏԵԼ Երբէք այդպէս չէիր կարծում:

ԿԼԻՏԻԱ Խոստովանիր առաջս անկեղծ,—
 Ինձնից, անշուշտ, շատ, շատ չքնաղ
 Գեղեցկուհիք ես դու տեսել
 Եւ չատերն են իրենց սէրը
 Քեզ նուիրել:

ՊՐԱԿՍԻՏԵԼ Ամենքի մէջ
 Աստուածային կայծ եմ փնտուել.
 Բայց քո առաջ տեսածներիս
 Չքնաղ տիպար, կերպարանքներն,—
 Նսեմանում ու թոշնում են:

ԿԼԻՏԻԱ Եւ ո՞վ գիտէ քանի անգամ
 Յանդգնաբար ուրիշներին
 Նոյնն ես կրկնել, երբ նայել ես
 Յաղթողի պէս՝ նոցա վերայ...

ՊՐԱԿՍԻՏԵԼ Կեանքը կորած գանձ է միայն
 Ով որ յանդուգն աչք չէ նետում
 Մեզ պատահած գեղեցկութեան
 Վերջին խօսքին:

ԿԼԻՏԻԱ Այն ըոպէին,
 Ինձ թւում էր, թէ ամօթից
 Պէտք էր, որ ես գետին անցնեմ,
 Կամ թէ գլուխ առնեմ կորչեմ...

ՊՐԱԿՍԻՏԵԼ Ապա ուրեմն երկիւղից էր,
 Հա՛, որ այդչափ սարսափ ազդող
 Նրկեցայ ես քեզ երէկ:
 Հապա հիմա:

ԿԼԻՏԻԱ Այժմ հոգիս
Խաղաղ, լուռ է:

ՊՐԱԿՍԻՏԵԼ Ի՞նչն էր ուրեմն
Խաղաղութիւն քեզ պարգևողն:

ԿԼԻՏԻԱ Արշալոյսի վառ շողերի
Հէնց առաջին փայլիլուքին՝
Հարուստ զոհեր առած հետս
Ես դիմեցի Պան-Շահապի
Սուրբ անձաւը, որ շատ հնուց,
Աւանդութեամբ, մեր՝ կոյսերիս
Սրբավայրն է:

(Նոցա հայեացքներն իրար են հանդիպում: Կլիտիան այ-
լայլուած՝ աչքերը ցած է ձգում: Մի փոքր լռութիւնից յետոյ)

Չէիք լսել:

ՊՐԱԿՍԻՏԵԼ Ո՛չ. չեմ լսել: Պատմիր, խնդրեմ:

ԿԼԻՏԻԱ Ժամանակով Պան-Շահապը
Այն մագմզուտ, թաւ աստուածը
Սիրենքս չքնաղ յաւերժարսին
Հետևում էր. և մի օր էլ
Նեղը ձգած, տարաւ հասցրեց
Ահա, այն մեծ այրի դուռը:
Յուսակաուր, անօգնական
Սիրենքս հարսը դիցանուչին
Դիմեց լալով—արգահատել,
Նեղ վիճակից փրկել իրեն:
Արտեմիսը ընկերուհու
Պաղատանքին ականջ դրեց
Եւ եղէգնի փոխակերպեց:
Պան-Շահապը կարծեց միայն,
Թէ թագնուել է իւր ձեռքից
Յաւերժարսը եղէգնի մէջ,
Ուստի սկսեց ազահ, անյագ
Համբոյր տեղալ նորա վերայ.
Իսկ եղէգնիկն միայն մեղմիկ
Հառաչներով պատասխանեց:
Շահապն իսկոյն կտրեց եղէգն
Եւ սրնգի ձեւափոխեց.

Իսկ սրինգը, ի յիշատակ
Մատաղ կուսին՝ յաւերժարսին
Այնուհետե Սիրենքս ¹⁾ կոչեց,
Եւ քարայրի մութ անկիւնում
Անձկոտ սրտով կախեց յուսրեկ:
Այն օրից դէս միայն աղջիկ,
Կոյս՝ անարատ անձաւն երթալ
Լոկ կարող են. իսկ թէ կոյս չէ,
Այլ կին երթայ, իսկոյն սրինգն
Լալահառաչ ձայն է հանում,
Գետին ընկնում:—Ինչո՞ւ անխօս,
Լուռ կանգնել ես:

ՊՐԱԿՍԻՏԵԼ Ի՞նչ ասացիր:

ԿԼԻՏԻԱ Անուշադիր, թարթափուն ²⁾ ես:

ՊՐԱԿՍԻՏԵԼ Ես հիացած դիտում էի
Եւ հետևում ձեռքիդ քմշոտ,
Նուրբ շարժումին. Ինչպէս ազատ,
Անբռնազրօս նա իւր ձեւերն
Փոփոխում էր, նոր ձև առնում՝
Մէկը միւսից նուրբ, յաղթական,
Իւր ձիւնափայլ գեղ, հոլ բազկին
Ամեն անգամ նոր փայլ տալով:
Թէ որ նորա հարիւրաւոր
Մէկը միւսից նուրբ, զգլխիչ
Շարժումներէց գոնէ մէկը
Գլոցցովս խլել, անմահացնել
Կարենայի... (Բռնում է նորա ձեռքը):

Իսկ այս ձեռքը
Խիստ անողորմ է պատժում ինձ՝
Իմ յանդուգն մեղքիս համար,
Ինձ ցոյց տալով, թէ մինչև այժմ
Ոգևորուած արուեստագէտ
Նրբէք, երբէք ես չեմ եղած,
Այլ հասարակ մի գործաւոր:

1) Սիրենքս յունարէն նշանակում է—սրինգ:
2) Ցրուած, distrait.

ԳԼԻՏԻԱ

(Չեռքը զգուշութեամբ ազատելով):

Այժմ այլ ևս չեմ բարկանում,
Պրակտիտել: Աստուածուհին
Թող պահապան լինի գլխիդ:

(Կամենում է գնալ):

ՊՐԱԿՍԻՏԵԼ Մի, մի գնայ: Աղաչում եմ:

ԳԼԻՏԻԱ

Չէ որ հիմա հէնց լսեցիր,
Որ ասացի, թէ այլ ևս
Չեմ բարկանում: Էլ ի՞նչ կուզես:

ՊՐԱԿՍԻՏԵԼ Մի բան միայն: Մի՞նչ կ գնալ,

Հեռանալդ, եկ որոշիր:

(Ցոյց տալով դէպի նաւահանգիստը)

Հէնց այսօր իսկ արագաթև
Նաւա խարիսխ կառնէ, կելնէ
Գէպի Աթէնք չուելու համար:
Ինձ էլ, արդեօք, կառնէ հետը:

ԳԼԻՏԻԱ

Ի՞նչ, ուզում ես վերադառնալ:

ԳՐԱԿՍԻՏԵԼ Դո՛ւ, դու միայն կարող կլինիս

Լուծել հարցը և վճիռ տալ:
Ես չեմ կարող աստուածուհու
Անդրին ստեղծել, արձանացնել
Առանց քո ջերմ մասնակցութեան:

ԳԼԻՏԻԱ

Որչ՛ափ սխալ կարծիք ունիս:
Ես սովոր եմ զնդակ նետել,
Իրիկ մանել և քրնարի
Վերայ ածել: Իսկ քո գործի,
Արուեստի մէջ ինչո՞վ պիտի
Ես օգտակար հանդիսանամ:

ՊՐԱԿՍԻՏԵԼ Միայն նորան մարմին տալով:

ԳԼԻՏԻԱ

Ի՞նչ... ի՞նչ ասացիր:

ՊՐԱԿՍԻՏԵԼ

Լսիր, ասեմ:

Կլիտիա անունն ու Արտեմիս՝
Երկուսն ևս համահաւասար
Արժէք ունեն և ինձ համար
Նոյն բաներն են:

ԳԼԻՏԻԱ

Կամենում ես...

ՊՐԱԿՍԻՏԵԼ Խնդրում եմ քեզ՝ իբրև շնորհ

Արտօնես ինձ, — հլու բազկով
Քո հրաշալի դիմագծերդ
Եւ ողջ մարմինդ կերպարանեմ,
Մարմարիոնի ժեռ ու կոպտար
Քարին յանձնեմ, որ պահպանէ
Դարուց ի դար, մինչ յաւիտեան:

ԳԼԻՏԻԱ

Ո՛չ, ոչ, երբէք: Անկարելի
Բան ես խնդրում:
Թէ կմերժես՝

ՊՐԱԿՍԻՏԵԼ Ես արձանի համար շինած

Անդրուց զրկուած պատուանդանի
Վերան միայն կը փորփրեմ՝
«Անկարելի բան եմ խնդրում»:
Ապա կրկին իմ հայրենի
Աթէնքս կերթամ և ձեռք կառնեմ
Կիսատ թողած խեղճ Կիպրիդս:

ԳԼԻՏԻԱ

(Անվճարաբար):

Նորա համար նոյնպէս գտար
Մահկանացուի չքնաղ տիպո՞ր:

ՊՐԱԿՍԻՏԵԼ Ուրիշ ի՞նչ կերպ կարող եմ ես

Արձան կերտել, ստեղծագործել:

ԳԼԻՏԻԱ

Գեղեցիկ է գտած ուհիդ:

ՊՐԱԿՍԻՏԵԼ Դա ի՞նչ խօսք է: Կասկածել իսկ

Ձի կարելի:

ԳԼԻՏԻԱ

(Ամօթից շառագունելով):
Օ՛, ամօթից

Կը մեռնէի: Չէի կարող:

ՊՐԱԿՍԻՏԵԼ Այժմ՝ այսօր ես չեմ ուզում

Պատասխանես: Ո՛չ: Դու հանգիստ
Ու անխռով ասածներս
Լաւ որոճայ, կչաղատէ:
Ես կը սպասեմ. թէև անգործ,
Պարապ կեանքը, անյայտութեան
Հետ միացած, ինձ կսպանեն.
Բայց և այնպէս՝ ես կսպասեմ:

ԳԼԻՏԻԱ

Այժմ թող ինձ, որ ես երթամ:

ՊՐԱԿՍԻՏԵԼ Բայց իմացիր, որ քո մերժումդ
 Պիտ ստիպէ, որ ես թողնեմ
 Իմ աշխատանքս, տուած խոստումս
 Եւ հեռանամ: Դորա հետ էլ
 Եւ քեզանից, Կլիտիա, պիտի
 Ընդ միշտ բաժնուիմ: Եւ չգիտեմ
 Թէ դոցանից ո՞րն ինձ համար
 Մանր կորուստ պիտի հաշուեմ:

ԿԼԻՏԻԱ Ես... Ուզում եմ... Պրակսիտել...

ՊՐԱԿՍԻՏԵԼ Ի՞նչ պատահեց: Դու դալկահար...
 Ուշաթափուում... անդոր... Կլիտիա...

(Առնում է իւր գրկի մջ և արագ համբուրում շքր-
 թունընկերը):

ԿԼԻՏԻԱ (Գողալով, կամաց ձայնով):

Թող ինձ հանգիստ... Ինդրում եմ քեզ...

ՊՐԱԿՍԻՏԵԼ Ուրեմն երբ կարող եմ ես
 «Այո» լսել քո բերանից:

ԿԼԻՏԻԱ Ինքս էլ դեռ ոչինչ չգիտեմ:
 (Գնում է Գեզեսիլի տունը):

ՏԵՍԱԼՈՒՆ V

ՊՐԱԿՍԻՏԵԼ (Յետոյ) ՄԵՏՐՕԴՈՐ և ՀԵՐՈՍՏՐԱՏ:

ՊՐԱԿՍԻՏԵԼ (Միայնակ):

Օ՛, մեղրածոր, քաղցր չրթունք,
 Դուք ինձ, անշուշտ, կը դարձնէք
 Այն բոլորը, ինչ որ այսօր
 Ձեզ յանձնեցի և ստացար:

(Մետրոդորն ու Հերոստրատն երևում են վերջին տան
 շէմքից):

ՄԵՏՐՕԴՈՐ (Հերոստրատին):

Ահա ինքը: Թող հէնց անձամբ
 Ասածներս քեզ հաւաստէ
 Քանի որ դու չես հաւատում:

(Գնում է դէպի իւր տունը՝ նախադռնից):

ՏԵՍԱԼՈՒՆ VI

ՊՐԱԿՍԻՏԵԼ ԵՒ ՀԵՐՈՍՏՐԱՏ: (Քիչ յետոյ) ԶՅՅԱ, ԼԻՍԻԼԼԱ
 ԵՒ ՖԷՕՆԻԳՍ:

ՊՐԱԿՍԻՏԵԼ (Մտենալով Հերոստրատին):

Կտեսնեմ թէ ոչ՝ քեզ խնճոյքում,—
 Բայց ընկերոջ եմ ձեռք մեկնում
 Պինդ սղմելու և թոթուելու:

ՀԵՐՈՍՏՐԱՏ Մենք դեռ իրար ծանօթ էլ չենք:

ՊՐԱԿՍԻՏԵԼ Հմուտ ձեռքիդ ու արուեստիդ
 Գործերն վաղուց ինձ ծանօթ են.
 Մենք օտար չենք:

ՀԵՐՈՍՏՐԱՏ Թագաւորներն
 Շատ հեշտութեամբ համեստութեան
 Տէրն են դառնում:

ՊՐԱԿՍԻՏԵԼ Օ՛, մի ասիլ,

Թագաւոր չեմ:

ՀԵՐՈՍՏՐԱՏ Դորա փոխան

Պրակսիտել ես:

ՊՐԱԿՍԻՏԵԼ Դու—Հերօֆանտ:

ՀԵՐՈՍՏՐԱՏ Եւ դեռ յամառ հաւակնութեամբ
 Ուզում էլ ես ինձ համոզել,
 Թէ իմ անունս նոյնչափ գիտես,
 Որչափ ես քոնն:

ՊՐԱԿՍԻՏԵԼ Այո՛, կասեմ,

Հերօֆանտն ես:

ՀԵՐՈՍՏՐԱՏ Իմ անունս

Հերոստրատ է:

ՊՐԱԿՍԻՏԵԼ (Թեթևակի շփոթուելով):

ձիշդ հէնց նոյնը

Ասել կուզեմ: Սխալանքս

Խնդրեմ ներել:

ՀԵՐՈՍՏՐԱՏ Հէնց այդքանը

Ապացոյց է, թէ ինչպիսի

Սար ու ձորեր ու անդունդներ

Բաժանում են մեզ իրարից:

ՊՐԱԿՍԻՏԵԼ Ո՛չ, սխալ ես: Ասա, խնդրեմ,
 Ի՞նչ կարող է մեզ արգելիլ
 Կամ խանգարել բարի կապեր
 Պահպանելու: Մրցութիւնը՝
 Թշնամանք չէ: Նոյն բանակի
 Զինուոր ենք մենք: Միևնոյն չէ,
 Թէ մեզանից, որի կառքը
 Շուտ կհասնի որոշ կէտին:
 Երկուսս էլ մի անբաժան
 Նպատակի ծառայող ենք,—
 Սուրբ արուեստի ստրուկներ ենք:

(Նկատում է աղջիկներին, որոնք ձախ կողմից՝ Մետրոպոլի տնից են անցնում):

Տես, ինչ չքնաղ ծաղկէփունջ է:
 Առաջ բարի, ¹⁾ զեղեցկուհիք:

ԶՅԱ. Մետրոպոլի տունն ենք զնում:

ԼԻՍԻԼԼԱ. Մենք հարկիքի ողջ ժամանակ
 Պիտի պարենք, լորուստ ²⁾ երգենք...

ՖԷՕՆԻԿՍ. Եւ թէ շոյենք ու պարարենք
 Քմահաճոյ, բաղդի զաւակ
 Աթէնքի ճետ հիւրի ականջ
 Ու աչքերը:

ՊՐԱԿՍԻՏԵԼ Փառք և պատիւ
 Հիւրընկալող տանտիրոջը:

(Աղջիկներն ուրախ ըրբիջով գնում են Մետրոպոլի տունը՝ նախադռնից):

ՀԵՐՈՍՏՐՍ Զարմանում եմ, որ դու այդպէս
 Թէ անհոգ ես և թէ ուրախ:

ՊՐԱԿՍԻՏԵԼ Բայց ինչո՞ւ ես ուրախ չլինեմ:

ՀԵՐՈՍՏՐՍ Երէկ միայն դեռ նոր տեսար
 Աստուածունու մեծ մեհեանք:

ՊՐԱԿՍԻՏԵԼ Այո՛, յետոյ:

ՀԵՐՈՍՏՐՍ Եւ նա հոգիդ
 Զընկճեց, ճնշեց:

¹⁾ Առաջ բարի— ո՛ւր էք գնում:
²⁾ Լորուստ— Թեթեւ ըովանդակութեամբ, բաց երգեր:

ՊՐԱԿՍԻՏԵԼ Ամենևին:
ՀԵՐՈՍՏՐՍ Դու չես խորհել, մտմտացել
 Գործի մասին, որի համար
 Քեզ կանչել են:

ՊՐԱԿՍԻՏԵԼ Այն գործն արդէն
 Կազմ, պատրաստ է:

ՀԵՐՈՍՏՐՍ Ի՞նչ ես ասում...
 Ինչպէս թէ կազմ ու պատրաստ է:

ՊՐԱԿՍԻՏԵԼ Իրար մի քիչ լաւ հասկանանք:
 Կազմ, պատրաստ է գաղափարը:
 Դու լաւ գիտես,— ինչ խօսք դորան,—
 Որ ամեն բան, ինչ որ կերտում,
 Ստեղծում ենք՝ շնորհում է
 Մեզ մուսայից մի վայրկենում
 Եւ կամ երբէք:

ՀԵՐՈՍՏՐՍ Մեր տաճարը
 Հարիւրաւոր տարիներում
 Հազիւ-հազ է շինուել, պրծել:

ՊՐԱԿՍԻՏԵԼ Հարիւրաւոր տարիներ են
 Անցել, սահել, որովհետեւ
 Ծանր, կոպտար, յամառ քարեր
 Պէտք էր տաշել ու յարդարել
 Եւ թէ երկինք, տանել-հասցնել.
 Բայց հէնց նորա՛ այդ տաճարի
 Հսկայական անդամների
 Խիստ վեհազանձ ու կատարեալ
 Ազատ, անշեղ օրէնքի խօսք
 Ամբողջութիւնն մեզ՝ ամենքիս
 Համար շատ պարզ ապացոյց է,
 Թէ մեծ վարպետ՝ արուեստագէտի
 Ճարտար զլիւում ձեռ տաճարի
 Նախատիպար գաղափարը
 Մի վայրկեանում է յղացել,
 Ծնունդ առել:— Կասկածո՞ւմ ես:

ՀԵՐՈՍՏՐՍ Ե՛ս... ո՛չ, երբէք:
 Եւ դու նոյնպէս մի կասկածիր,—

Այժմ շատ պարզ հասկանում եմ
Խաղցած խաղդ:

ՊՐԱԿՍԻՏԵԼ Խնդր... իմ կողմից:
ՀԵՐՈՍՏՐՈՍ Դեռ այս գլխից խնջոյքների
Թունդ հրաւէր, համակրութեան
Մեծ-մեծ խօսքեր, այնուհետեւ
Կեղծ ու պատիր անդորրութիւն,
Ուրախ, անհոգ արտաքին տեսք,
Իբրև թէ այն վսեմ գործը,
Խաղ ու պար է լոկ քեզ համար,—
Թեթև ջանքով հիւսած պսակ
Որի համար չարժէ նոյն իսկ
Նւ ձեռք մեկնել: Այդ բոլորն էլ
Այն պատճառով, որ ցոյց տաս թէ
Հուշակ հանած արուեստագէտ ես
Նւ մրցակցից երկիւղ կրելու
Տեղիք չունիս. իսկ յաղթութիւն
Վաստակելու՝ վաղուց արդէն
Հաւատացած ու վստահ ես,—
Կասկած չունիս:

ՊՐԱԿՍԻՏԵԼ Ես անարդար
Կասկածներից վիրաւորուել
Չեմ էլ կարող: Նրէկ արդէն
Նկատեցի, որ չկայիր
Դիմաւորող ժողովրդի
Շարքերի մէջ. բայց որպէս զի
Դու էլ, իրաւ, տեղեակ լինես
Այն պատճառին, որն ստիպեց
Ինձ հաւատալ, թէ յաղթութիւնն
Այս գործի մէջ քոնն է միայն...

ՀԵՐՈՍՏՐՈՍ Հնարաւոր բան է միթէ...
Նւ դու ինքդ...քո բերանով...

ՊՐԱԿՍԻՏԵԼ Դու հայրենի հողի վերայ
Ամուր կտնգնած և քո ազգի
Հաւատալիք — աւանդութեան
Քաջ հմուտ ես. ուստի և նա
Ճարտար ձեռքիդ ու արուեստիդ

Հմուտ գործը իւր խոհերի,
Զգացմունքի արտայայտող
Ճշգրիտ պատկեր պիտ համարէ:
Իսկ ես իսկոյն քո Նփեսացոյ
Աչքի առաջ դադարեմքս բացի,
Թէ իւր պաշտած աստուածունհին՝
Ինձ օտար է, նա իմա չէ:

ՀԵՐՈՍՏՐՈՍ (Շնչասպառ):
Նորան, անշուշտ, կը ցանկայիր
Շատ առաւել բարձր ու անեղ
Արձանացնել:

ՊՐԱԿՍԻՏԵԼ Ընդհակառակն՝
Շատ առաւել փոքր չափով,
Ոչ էլ այնքան անեղ տեսքով:

ՀԵՐՈՍՏՐՈՍ Հասկանում եմ,— փղոսկր, ոսկի
Յետ ձգելու վարպետ միջոց:

ՊՐԱԿՍԻՏԵԼ Պարզ մարմարինն է ընտրածս:

ՀԵՐՈՍՏՐՈՍ (Աւելի ու աւելի ցոյց տալով իւր հաճելի հիասթափութիւնը):
Աստուածունհու անդրու համար:

ՊՐԱԿՍԻՏԵԼ Գեղեցկութեան տիպար կնոջ
Մարմնի համար:

ՀԵՐՈՍՏՐՈՍ Հանաք է, հա՛:
Աստուածունհին մի գեղեցիկ
Կնոջ նման. Նւ սրբապիղծ
Մտքերդ արդէն խիզախեցիր
Արտայայտել ժողովրդի
Աչքի առաջ:

ՊՐԱԿՍԻՏԵԼ Դեռ աւելին:
Նոցա նոյն իսկ իմ հրաշալի
Դիցանոյշի չքնաղ տիպարն
Ինքս անձամբ ես ցոյց տուի:

ՀԵՐՈՍՏՐՈՍ Կին արարած:

ՊՐԱԿՍԻՏԵԼ Այո՛, մի կին,
Մի չքնաղ կոյս:

ՀԵՐՈՍՏՐՈՍ Նւ ժողովուրդն
Ու քրմերը — լուռ, անխռով

Այդ լսեցին:

ՊՐԱԿՍԻՏԵԼ

Ո՛չ. վրդովուած:—

Բայց ինձ ներքը: Շուտով արդէն
Մեզ խնճոյքի կը հրաւիրեն
Իսկ ես պսակ ե տօնական
Զգեստ անգամ չունեմ վրաս:

ՀԵՐՈՍՏՐՈՍ

Դ՛ն էս ասում քո բերանով,—

Վրդովմունքով քեզ լսեցին
Եւ դեռ դարձեալ դու ուզում ես
Աստուածունհուն արձանացնել
Այնպէս, ինչպէս դ՛ն էս մտածել:

ՊՐԱԿՍԻՏԵԼ

Հապա ուրիշ կերպ կարո՞ղ եմ:

(Գնում է Մետրոպոլի տունը՝ նախագահից):

ՏԵԱՆՐԱՆ, VԱ

ՀԵՐՈՍՏՐՈՍ. Յետոյ ԿԼԻՏԻԱ

ՀԵՐՈՍՏՐՈՍ

(Մխայնակ մի փոքր լռութիւնից յետոյ, ոգևորութեամբ):

Լսածներս երազ չէին...
Թէ ես սխալ, թիւր հասկացայ...
Այստեղ, այստեղ կանգնած էր նա
Եւ խօսում էր... Օ՛, աստուածներ:
Նորից սիրտս յուսով լցրիք:
Ե՛ւ յաղթանակ, ե՛ւ փառք, ե՛ւ սէր...
Սէր, սէր անվերջ:

(Արագ քայլերով մտնում է Գեգեսիի տունն ու կանչում է):

Է՛յ, դռնապան:

Շուտով գնա, Կլիտիային,
Այստեղ կանչիր: Ասա, նորան
Ուրախ լուրերն դռան առաջ
Սանձակոտոր ու անհամբեր
Զի ու նման իւր շէմքերն են
Դոփում, զարկում:

(Դառնալով դէպի Մետրոպոլի տունը):

Դէ, շտապիր,

Պրակսիտել, խնճոյք գնա,
Ծաղիկներով քեզ զարդարիր:
Իսկ իմ խնճոյքս մի քիչ յետոյ
Կը կատարեմ շատ առաւել
ձոխ ու չքեղ, քան կերազես:

(Տնից ելնելով, հիասթափ և այլայլուած նորա տեսքից):

ԿԼԻՏԻԱ

Հերոստրամ... Դ՛ն էս միթէ...

ՀԵՏՈՍՏՐՈՍ

(Շտապելով դէպի նա):

Այո՛, Կլիտիա, Հերոստրամդ է:
Բայց ոչ այն ժանդ ու կասկածոտ,
Յօնքեր կիտած Հերոստրատը,
Որին սովոր ես միշտ տեսնել,—
Այլ ապահարկ կապանքներից,
Ազատ սրտով, վստահ հոգով,
Այժմ անա թէ ո՞վ եմ ես,—
Եւ ինչպէս եմ դէպ քեզ դիմում:

(Յետոյեա բաշուկելով):

ԿԼԻՏԻԱ

Քեզ ինչ եղաւ, բան պատահեց:

ՀԵՐՈՍՏՐՈՍ

Տես, լայն բացած բազուկներով
Քեզ եմ դիմում, գրկել խնդրում
Եւ պահանջում, ինչ որ վաղուց
Իմն է եղել իրաւունքով:
Մի ժամ միայն, ժամ երջանիկ...
Ստիպիր ինձ, որ ես մոռնամ
Աստուածունհիս... այժմ արդէն
Դու կարող ես, այդ ոյժն ունես:

(Հեգնելով):

ԿԼԻՏԻԱ

Կարո՞ղ եմ ես...

ՀԵՐՈՍՏՐՈՍ

Պարտաւոր ես:

ԿԼԻՏԻԱ

Բայց դիցանոյշդ կը թողնի՞ այդ:

ՀԵՐՈՍՏՐՈՍ

Այո՛, Կլիտիա, համոզուած եմ,
Քաղցր աչքով պիտի նայէ:

ԿԼԻՏԻԱ

Բայց ինչն, արդեօք, նորա բարի,
Քաղցր հայեացքն ու հանութիւն
Քեզ պարզեց:

ՀԵՐՈՍՏՐՈՍ

Օ՛, լսիր ինձ:

Նրէկ՝ երկար տանջանքներից
 Յետոյ միայն կարող եղայ
 Գտնել այն ձևն, որ արժան է
 Նորա անեղ, աստուածային
 Կերպարանքին: Իսկ պարծենկոտ
 Աթենացի արուեստագէտը,
 Գիտէս ինչպէս կը կամենար
 Պատկերացնել աստուածունուն՝
 Ողջ աշխարհի վեհ թագունուն:
 Ինչպէս չքնադ, գեղեցկատիպ
 Մի կոյս, մի կին... այդչափ միայն:

ԿԼԻՏԻԱ

Ես...

(Սաստիկ յուզուած ու այլայլուած):

ՀԵՐՈՍՏՐՈՍ

Գու, այն, զարմացած ես:

Մի մտածիր, մարմարիոնից
 Կերտած տիկնիկ՝ մի խաղալիկ,
 Նդժանելի ու վաղանցուկ
 Գեղեցկութեան նմանութիւն՝
 Նիքսոսի Արտեմիսի
 Ոսկի գահի վերայ բազմած:

(Կլիտիան քնացել է շփոթուած, չիմանալով ինչ պատասխանէ):

Ա՛, դու լմու ես,—դա մօտալուտ
 Բաղդ ու յոյսի նախազգացումն
 Է շնչում քո ականջին.
 Գու զգում ես, որ ականապիշ
 Երկար ատեն իմ սպասած
 Ուրախութեան ժամն է զարկում:
 Արի, երթանք մենք թևանցուկ
 Հզօր ու սուրբ աստուածունու
 Ողջակիզի բեմի առաջ.

(Կամենալով գրկել նորան):

Գնանք, գնանք:

ՏԵՍԵՐՆ VIII

ԱՌԱՋԻՆՆԵՐԸ ԵՒ ՊՐԱԿՍԻՏԵԼ

ՊՐԱԿՍԻՏԵԼ

(Տօնական զգեստով, գլխին պսակ, դուրս է գալիս Մետրօդորի տան առաջին դռնից և նկատելով Կլիտիային, ուրախ զարմանքով):

Ի՞նչ եմ տեսնում:—Չուր տեղն երբէք
 Ներքին ձայնիս ես չեմ լսել:
 Ո՛չ, մի օր իսկ չէի կարող
 Ես կեանք տնցնել և կամ ուրախ
 Խնձոքի մէջ թինկ-տալ, պառկել,
 Մինչև որ քեզ կրկին անգամ
 Չը տեսնէի:

ՀԵՐՈՍՏՐՈՍ

(Պրակսիտելին):

Ճանաչում ես,

Ուրեմն, սորան:

ՊՐԱԿՍԻՏԵԼ

Եւ կարող ես

Ինձ այդ մասին դեռ ևս հարց տալ:

ԿԼԻՏԻԱ

(Աղերսագին ձայնով Պրակսիտելին):

Լռիր: Նա դեռ չէ կասկածում:

ՊՐԱԿՍԻՏԵԼ

Ա՛... Ինչպէս թէ... նա չգիտէ

Սյն, ինչ որ ես բարձր ձայնով
 Ժողովրդին պարզ յայտնեցի:

ՀԵՐՈՍՏՐՈՍ

Սա ի՞նչ բան է, ասա, Կլիտիա:

ՊՐԱԿՍԻՏԵԼ

Թէ՛ գուցէ նա պիտի լսէ

Ուրիշներէց և մտածէ,

Թէ՛ վատաբար թագցրել եմ

Միայն իրնից:

ԿԼԻՏԻԱ

(Վճռաբար):

Ո՛չ, պարզ ասա,

Ասա բոլորն, պատմիր իրեն

Եւ մի թագցնիր:

ՀԵՐՈՍՏՐՈՍ

(Կլիտիային):

Գ՛ն... այդ դ՞... ես,

Կլիտիա, խօսիր:

ՊՐԱԿՍԻՏԵԼ

Բայց կարելի

Բան է միթէ: Այսօր, —ինչ խօսք,—
 Դու առաջին անգամը չէ,
 Որ տեսնում ես Կլիտիային,
 Եւ քեզ ու քեզ գլխի չընկած,
 Գոնէ այժմ, թէ ինչ կոյսի
 Մէջ եմ գտել աստուածունհիս:
 Սորա նման կամ հաւասար
 Շատերն ունես Եփեսոսում:

ՀԵՐՈՍՏՐՈՍ Անլուր ամօթ և նախատինք:
 Եւ դու երես դեռ ունեցար
 Ժողովրդի ողջ բազմութեան
 Առաջն ասել... Ասել սորա
 Հէնց երեսին...

(Կլիտիային):

Նրէկ նորան

Ականջ դրիր, այսօր անգամ
 Դու լսում ես,—և բարկութեան
 Այնքան պաշար մէջդ չեղան,
 Անօրէնի երեսն ի վեր
 Բարձր ձայնով դու գոռայիր,
 Որ նա այդպէս լպիրչ կերպով
 Ոտքով կոխեց սրբութիւնը:
 Ո՛չ, Հերոստրատ...

ԿԼԻՏԻԱ

ՀԵՐՈՍՏՐՈՍ

Օ...

ԿԼԻՏԻԱ

Ամենեին

Նա սրբապիղծ բան չէ արել:

ՀԵՐՈՍՏՐՈՍ Թշուառական, ուշքի արի:

ԿԼԻՏԻԱ

Ականջ դիր ինձ: Խելայեղ չեմ,
 Գիտեմ հաստատ, համոզուած եմ,
 Որ նա բնաւ անհաւատ չէ,
 Ի՞նչ սրբութիւն ոտքով կախող,
 Այլ հաւատուոր. ջերմ հաւատն է,
 Որ խօսում է այդպէս վառուած:
 Բոլոր հոգովս ես զգում եմ,
 Իւր բոց խօսքով, հուր շրթունքով,
 Նրբէք, երբէք ոչ մի արատ
 Ու նախատինք իմ անուանս

Ու իմ պատուիս չէ հասցրել.
 Ընդհակառակն մեր առօրեայ
 Նեղ չըջանից, մեզ շուրջ պատող
 Գծուծ երկրի իմ քոյրերից
 Առել-տարել, բարձրացրել է,
 Նթեր հանել:

ՊՐԱԿՍԻՏԵԼ

(Ոգևորուած հրուա նայուածքով դիտելով Կլիտիային):

Ազատ, վստահ,

Թեթև-թեով դու իմ յոյսերս
 Առար, տարար, երկինք հասցրիր:
 Աչքերս, իրաւ, չը խաբեցին:
 Ինչ որ քո մէջ տեսայ, զգացի,
 Այդ ամենը և աւելին
 Մէջդ պահած, ծրարած ունիս:
 Ինձ լիովին ըմբռնել ես:
 Այժմ ինդիրս դու չես լսիլ:
 Գեռ իմ նաւս խարխիս ձգած
 Սպասում է: Կ'արտօնես ինձ...

ՀԵՐՈՍՏՐՈՍ

Լուր, Իզուր մի հրապուրիր,
 Գլխից հանիր: Եթէ նոյն խակ
 Համաձայնէ՞ աղաչանքիդ
 Ձայնին լսէ, ես կարգիլեմ:

ՊՐԱԿՍԻՏԵԼ

Ո՛վ քեզ, արդեօք, այդպիսի լայն
 Իրաւունքներ բաշխեց, տուեց:

ՀԵՐՈՍՏՐՈՍ

Կլիտիա, սա դեռ հարցնում է
 Թէ ո՞վ, արդեօք, ինձ այդպիսի
 Իրաւունքներ տուեց, շնորհեց:
 Նա իմն է, իմս, գիտես:
 Նորան վնդուց, շատ վաղուց է
 Սիրում եմ ես. սիրելի, տանջուել,
 Եւ լուել եմ. սրտիս խորքում,
 Խոր անկիւնում կիրքս ծածկել:
 Տարիների դառն տանջանք,
 Տանջուած սրտի լեզի վշտեր
 Չարչարել են մեզ միասին:
 Նա իմն է: Իսկ դու հազիւ
 Իրէկ միայն դեռ ոտք դրիր

Մեր ամերին և հէնց այսօր
Հարցնում ես, որ օրէնքով,
Իրաւունքով կարող եմ ես
Արգելք դնել...

ԿԼԻՏԻԱ

Եւ ոչ մի բան

Դու արգելել ինձ չես կարող:

ՀԵՐՈՍՏՐՈՍ

(Գոռաւով):

Եւ դ՞ու, Կլիտիա:

ԿԼԻՏԻԱ

Ազատ Յօնիոյ

Ես զաւակ եմ. ոչ մի երգում,
Ոչ մի շղթայ ինձ չեն կապում:
Ահա արդէն ամիսներ են
Անցել-գնացել այն օրից դէս,
Երբ առաջին անգամ քեզնից
Սիրուդ մասին խոստովանանք
Ես լսեցի: Եթէ միայն
Լող մի վայրկեան մոռանայիր
Այն ըոպէին սիրուս համար
Փառքիդ տենչանք աստուածունուդ,—
Վաղուց արդէն ես քոնն էի:
Բայց դու անսիրտ յետ մղեցիր,
Եւ մերժեցիր ձօնած ընծաս:
Անցան ժամեր, օրեր, շաբաթ
Եւ ամիսներ,— և միշտ միայն
Արտեմիսիդ համար հարուստ,
Առատ էիր, իսկ ինձ համար՝
Միշտ կուչ եկած, կծկուած բազուկ,
Աղքատ էիր: Ազատութիւնս
Չը կապտելով, այժմ գլխիս
Տէր դառնալու, հրաման տալու
Դու կամք ունիս: Քեզնից ոչինչ
Չեմ ստացել: Եւ չ'տուածդ
Տօկօսներով առնել կուզես:

(Կայում է Կլիտիային անթարթ աչքերով. Հերոստրատին):

ՊՐԱԿՍԻՏԵՆ

Օ՛, ասա, ինձ: Քանի-քանի
Գործերիդ մէջ անմահացրիր,
Արձաններից որի մէջը

Մարմնացրիր սորա նրբին,
Աստուածային մարմնի ձևեր:
Դու լռում ես: Դու չ'ես խօսում:
Եւ ոչ մի տեղ: Չեմ հաւատում:
Բայց թէ ստիպուած ես հաւատամ,
Ապա նորից պիտի հարց տամ,—
Ո՞վ քեզ տուեց այդ իրաւունքն,
Որ ամենքից թագցընէիր
Այս արմաղան, անգին գանձը,
Որին այնքան երկար ատեն
Տէր լինելով՝ չօգտուեցար
Ոչ մի բանով:

(Կամենալով տանել Կլիտիային):

ՀԵՐՈՍՏՐՈՍ

Գնանք, գնանք,

Կլիտիա, դէ՛հ: Քեզ պատասխան
Ուրախութեամբ տալ պատրաստ եմ,
Բայց պրտկերես այս եկուորին՝
Ամենևին, որը արբած
Իւր արփաթե փառքի փայլից
Եւ իւր բոլոր կիրք-ցանկութեան
Գլխից հանած սանձ ու կապանք,
Քո առաջդ բոցբոբբ յոյզերն
Անուշ խօսքի կեղծ հանդերձանք
Հագցրած՝ կուզէ խելքդ առնել:
Միայն ուզիր և պահանջիր՝
Եւ ես սիրով ոտքերիդ տակ
Կը տարածեմ սրտիդ ուզածն...
Եւ կխլես նորա ընծան:

(Յուսահատ):

ԿԼԻՏԻԱ

ՀԵՏՈՍՏՐՈՍ

Օ՛, եկ, գնանք:

ԿԼԻՏԻԱ

Ի՞նչ յուսարժարծ

Ընծաներով դու միտք ունիս
Ինձ հրապուրել, մղօնել-տանել:
Քո ապագայ փառք ու պատճով:
Բայց ինձ ինչ նա: Ես կին եմ, կին:
Դու հեհեհ, վռազ շտապ
Երազական փառք ես փնտռում,

Այն էլ միայն լող քեզ համար.
Իսկ նա բացեց և իմ առաջ
Անմահութեան տանող դռներն,
Եւ դորա հետ խոստանում է
Մատաղ կեանքի անանց հրապոյր:

ՀԵՐՈՍՏՐՈՍ Ինքս էլ աղքատ չեմ այդ կողմից:
Կարծում ես թէ՛ սրտի ալքից
Ժայթքած արիւնն արժան բան է:
Համակշիռ, ծանր չե՞ն գայ
Իմ ջերմ սէրս, անձիս ձօնը,
Եփուն յուսով ողջ էութիւնս
Բերած զոհս, քան շողոքորթ
Եւ հնհնուք սորա խօսքերն:
(Պրակտիկին):

Օ՛, թող սորան: Թո՛ղ, հեռացիր:
Աստուածները քեզ հետ հաշիւ
Պիտ ունենան: Եւ մի՛ ձգտիր
Թեթև ձեռքով, խաղ ու պարով
Մանզղել, ինչ որ ուրիշներին
է պատկանում: Թող տուր սորան:
(Կլիտիային):

ՊՐԱԿՍԻՏԵԼ
Ազատ կամքով ընտրիր, Կլիտիա:
Եթէ սրտիցս արմատաքի
Քանցես, հանես ծաղկափթիթ
Այն յոյսերը, որ քո ձեռքով
Սընուցել ես, — ապա գիտցիր,
Որ իմ բերնից և այդ պահուն
Կշտամբանքի խօսք չես լսի:
Ինքդ վճռիր: Գեռ արեը
Մայր չմտած իմ նաւս արդէն
Ազատ ծովին յանձնուած կլինի...

ԿԼԻՏԻԱ Բայց առանց քեզ:

ՊՐԱԿՍԻՏԵԼ *(Ձեռները նորան մեկնելով):*

Վճռեցիր դու:
(Կատաղած):

ՀԵՐՈՍՏՐՈՍ

Խարուած, առակ-նշաւակի
Նիւթ եմ եղած, ոտքի կոխան
Մարդ եմ դարձած: Մռայլ դժոխք,

Քեզ եմ դիմում, դու օգնիր ինձ...

(Վազում է դէպի Գեդեսիյի տան որահակը և Պրակ- սիտելից ու Կլիտիայից ծածուկ, խլում է պատից կախած վաճառ հանած դաշոյններից մէկը):

ՊՐԱԿՍԻՏԵԼ Ուրեմն այդպէս. ես կը մնամ:
Այստեղ մի նոր Աթէնք գտայ:

ՀԵՐՈՍՏՐՈՍ *(Վերադառնալով բեկ-բեկ ձայնով):*

Մոռցիր, վատթար, ամօթալի
Առաջարկիդ լպլրը խօսքեր:

ՊՐԱԿՍԻՏԵԼ Երբէք ինձնից այդ չես լսի:

ՀԵՐՈՍՏՐՈՍ *(Յարձակում է է նորա վերայ մերկացրած դաշոյնով):*

Մեռիր ուրեմն:

ԿԼԻՏԻԱ

(Ընկնում է նոցա երկուսի մէջ պաշտպանելով իրենով Պրակտիկին):

Ո՛չ... Ի՛նձ առաջ...

ՀԵՐՈՍՏՐՈՍ

(Օրորուելով յետոյեա է գնում):

Ուրեմն նորան դու սիրում ես...

(Ինքն իրեն կորցրած):

Որ նա ապրէ ու անդադար

Ծաղր ու ծանակ ինձ դարձնէ:

Ո՛չ. լսում ես:

(Նորեց կամենում է յարձակուել Պրակտիկի վրայ):

ՊՐԱԿՍԻՏԵԼ

(Առաջ անցնելով):

Առաջդ կանգնած,

Կեցած եմ ես, Հերոստրատ:

Եթէ այդ է ուզած փառքդ,—

Զննի, սպանիր և թո՛ղ տկար

Ոյժիդ համբաւ ողջ Հելլադան

Առուահոսէ: Ամեն բերան

Կաղաղակէ, որ ինձ մեռցրիք,

Որովհետև քո գրոցով

Ինձ յաղթելու ոյժ չունեցար:

ՀԵՐՈՍՏՐՈՍ *(Բռնորովին ամօթահար և ոչնչացած):*

Օ՛...

(Գաշոյնն ընկնում է նորա ձեռքից. նա կանգ- նած է քարացած):

ՊՐԱԿՍԻՏԵԼ

(Քնքշութեամբ գրկած պահում է դողացող

Կլիտիային և ուղեկցում է նորան մինչև իրենց տան դուռը):

Նորան այժմ թող տուր մենակ.
Իսկ ինձ համար՝ մի վախենալ.
Այժմ արդէն զինաթափ է:

ԿԼԻՏԻԱ. (Դռան առաջ, վրդովմունքով):
Բայց և այնպէս...

ՊՐԱԿՍԻՏԵԼ. (Հեշտելով):
Վանդն ուրեմն:

ԿԼԻՏԻԱ. (Մեղմով):
Այո՛, վաղը:
(Մտնում է տուն: Մետրոպոլի սնկից լաւում են կիթառի և սրնդի ձայներ, որ շարունակուում է մինչև դործողութեան վերջը):

ՊՐԱԿՍԻՏԵԼ. (Վերադառնալով առաջ է անցնում):
Ուրախ, փայլուն
Խնձոյքն արդէն սկսուել է:—
(Հերոսորատին):

Անմիտ, արի դու ինձ լսիր
Եւ երգերի ձայների մէջ
Թեթևութիւն, հանգիստ փնտուիր:
Կեանքը, կասեմ, կարծածիդ չափ
Դառնահամ չէ: Սիրտդ միայն
Դու յաւիտեան ուճիններից
Մէկին չտաս... Սիրելի գիտցիր
Միմիայն կեանքը, կեանքը միայն,
Եւ հաւատայ ասած խօսքիս,
Երբէք կեանքը մեզ չի խաբիր:
Ճակտիդ վրայի կնճիռները,
Թող յուսարծարծ ժպտի փոխուին՝
Կիտած նոթերդ՝ հրուտ նայուածք,
Դանգուրներդ բոյր պսակով
Դու զարգարիւր: Անոյշ նեքտար,
Հրնետ ցայլքով պլլուած գինի
Առ ձեռքդ, եղբայր: Հայեացքներս
Դեղեցկուհու, պար-կաքաւով
Պարարելով, մենք միասին
Ոյժ կունենանք փառքն ու հուշակ

Այսպանելու:

ՀԵՐՈՍՏՐՈՍ

(Մարած, յուսակտուր ձայնով):

Փառքը ծաղրել
Կարող է նա, որի ափում
Սղմուած է նա:
(Ձեռքի հրամայական շարժումով)
Գնա՛:

(Պրակտիկայի ուսերը թօթուելով գնում է Մետրոպոլի տունը՝ նախադռնից):

ՏԵՍԵՐԸ IX

ՀԵՐՈՍՏՐՈՍ (մենակ):

ՀԵՐՈՍՏՐՈՍ

(Ձեռները վեր է բարձրացնում՝ աղօթողի պէս):

Ո՛վ Արտեմիս, հզօր աստուած,
Շող ու լոյսի աղբիւր, կենդրոն,
Դու կատարիր ինձ խոստացածդ,—
Փոփոխամիտ ու յեղյեղուկ
Կին չես, անշուշտ: Վրէժխնդիր
Եղիր դէմս լաւած խարդախ
Նենգժտութեան: Գո՛ւ իսկ պատուի
Վրէժխնդիր եղիր նոցա:
Շնորհիր ինձ ոյժ, կարողութիւն՝
Երկինք հանել քո մեծութիւն,
Պատուհասել ուխտագանցին
Ինձ փառք շնորհիր, փառք ապարադդ:
Քեզնից շնորհած կեանքս հանիր
Այս աշխարհի վէս հիւրերից
Շատ վեր, շատ վեր:

ՎԱՐԱԳՈՅՐՆ ԻՋՆՈՒՄ Է

Գ. ԳՈՐԾՈՂՈՒԹԻՒՆ

Նոյն տեսարանը:

Մետրոգորի տան կողմնակի դուռը ծածկուած է վարագուրով: Նորա առաջ թափթփուած են մարմարինն խոշոր կտորներ: Նոցանից մէկի վերայ դանւած է զանազան գործիքներ, մուրճ և այլն:

ՏԵՍԱՐԱՆ I

ԵՒՊԷՅՑ ԵՒ ՀԵՐՈՍՏՐՈՍ (Դուռն են գալիս վերջինս տնից):

ԵՒՊԷՅՑ Դ՛ն Հերոստրատ, իմ սրբազան Պատերազմի մեծ դաշնակից, ձիշտն եմ ասում, ես առաւել Նախամեծար կը համարեմ, թէ որ այժմ ինձ ցոյց տուած Կաւից թրծած նախատիպար Անդրու փոխան՝ ես դիտէի Համակ ոսկուց և թանգագին Ազնիւ, Հնդիկ փրզոսկրից Կազմ ու պատրաստ՝ աստուածունու վեհ արձանը:

ՀԵՐՈՍՏՐՈՍ Մեծ բրմապետ, Շատ հեռու չէ և այդ օրը:

ԵՒՊԷՅՑ Զանք ու եռանդդ ես գովում եմ. վերջին անգամ այս առաւօտ Արշայոյսին թեթևոյիկ Աթենացին իւր արձանի վրայից անցրեց գրոցի լեզուն:

ՀԵՐՈՍՏՐՈՍ Անկարելի բան ես պատմում:

ՀԵՐՈՍՏՐՈՍ Անկարելի բան ես պատմում:
ԵՒՊԷՅՑ Ազնիւ խօսքս քեզ երաշխէք:
ՀԵՐՈՍՏՐՈՍ (Ծաղրական եղանակով)

Աւելի վատ: Ստրուկն յանկարծ Բերնից թուցրեց:—Անդրին ամբողջ Կազմ, պատրաստ է և փայլում է Իւր մերկութեամբ: Իսկ քոնը դեռ Սկսուած էլ չէ: Հէնց սկզբից Խուժան ամբոխն հետաքրքիր Իւր հայեացքին յազուրդ կտայ, Աչքի առաջ պարզ տեսնելով, Ինչ որ քնքոյշ գեղեցկութիւնն Ձգայնական քիմքն է շոյում:

ՀԵՐՈՍՏՐՈՍ Ամեն մի իր, անձ ու անհատ Որ պատած է Արտեմիսի Քող, չղարշով՝ անպարտ, անյաղթ Միշտ կմնայ. իմ հաւատը, Իմ յոյսն է այդ:

ԵՒՊԷՅՑ Աստուածունու յոյսն էլ դ՛ն ես: Դժուար բան չէ նորա համար Անօրէնի կերտած անդրին Կայծակ-նետով ջարդել, փշրել, Հետք ու փետուր անհետ անել. Բայց և յաճախ մահկանացուի Չնչին բազուկն իւր բարկութեան Ձէնք ու գործիք է դարձրել:

ՀԵՐՈՍՏՐՈՍ Ասելդ ինչ է:
ԵՒՊԷՅՑ Եթէ այսօր, Պատահարար, եկուոր հիւրի Մարմարինը ջարդ ու փշուր Դարձած գտնուի՝ շատ հեշտութեամբ Ես երկիւղած խուժ ամբոխին կը համոզեմ, թէ երկնքից Ինքն իր ձեռքով է ուղարկել Աստուածունին իւր բարկութեան Շանթ ու կայծակն:

ՀԵՐՈՍՏՐՈՍ (Չափաւով նորան ոտքից-գլուխ):

Խելօք խօսք է:

Աստուածունհին ինձ առաւել
Մեծ յաղթութիւն կը պարգևէ
Մի այլ զէնքով:

ԵՒՊԷՅՅ

Ոչինչ չունիմ.

Քո ասածիդ պէս թող լինի՝
Բայց չմոռնաս, որ մրցակիցդ
Վտանգաւոր ախոյեան է:
Դու էլ զիտէս՝ աստուածների
Պահած գառը գայլ չի ուտիլ:
Ով ինքըն է իւր գործի տէր,
Աստուածները նորան էլ միշտ
Օգնական են: Յարմարագոյն
Ժուկ-ժամանակ դու չես գտնիլ,—
Արևն արդէն խոնարհուում
Դէպի իւր մուտքն. աղմուկ, ժխոր
Վաղուց հետէ դադարել է,
Եւ սրբազան մեր մեհնանի
Շուրջը բոլոր հէնց այս ժամին
Անդորրութիւն է լոկ իշխում:—
Ահա որտեղ դու կգտնես
Քո թշնամու ձեռքի արգիւնք:

ՀԵՐՈՍՏՐՈՍ Մի փորձիր ինձ, մի հրապուրիր:

ԵՒՊԷՅՅ

Միայն բարակ վարագուրով
Քողարկուած է իւր վարպետի
Անհոգ ձեռքով: Այստեղ նայիր.
Տես ինչպիսի անհոգութեամբ
Գրոց, դուրիկ և ծանր մուրճն
Ընկած են վայր, ոտքի տակի:

(Առնելով մուրճը ձեռքը ծանր ու թեթև է անում):

ՀԵՐՈՍՏՐՈՍ Ինձ փորձութեան մի տանիր դու:

ԵՒՊԷՅՅ

Այժմ հեռնւ, շատ հեռու է:
Ես սրբազան անտառի մէջ
Հանդիպեցի նորան՝ ուրախ
Անհոգ, փայլուն ու վառ զէմքով
Զբօսնում էր նա թևանցուկ
Այն կնոջ հետ...

ՀԵՐՈՍՏՐՈՍ (Բացականչում է):

Հ՞ը, նորա հետ...

ԵՒՊԷՅՅ

Ընտրելուհու հետ միասին,
Որը նորան ի տրիտուր
Իրեն անմահ դիցանուշին
Համհաւասար բաղդատութեան
Դնելու համար, հէնց այժմենից
Երկրիս վերայ իւր սիրելուն
Արքայութիւն է պարգևում:

ՀԵՐՈՍՏՐՈՍ Օ՛, տուր ինձ այդ ծանր մուրճը:

ԵՒՊԷՅՅ

(Թեթև կերպով թողնում է, որ մուրճը ձեռքից ելէ):
Ազնիւ, արգար բարկութեամբ ես
Լցուել, վառուում: Գնա՛, փչրիբ
Եւ խորտակիր զեղեցկութեան
Արքայութիւնն: Եւ տապալիր
Յափշտակած, խլած գահից.
Ես քաղաքում ուրախառիթ
Այդ համբաւին եմ սպասում:
(Դուրս է գնում ձախ կողմից):

ՏԵՍԵՐԸ II.

ՀԵՐՈՍՏՐՈՍ. Յետոյ ՏԵՄԱՐԻՏԱ.

ՀԵՐՈՍՏՐՈՍ (Միայնակ):

Այժմ արդէն վրէժխնդիր

Ես կը լինեմ:

(Բարձրացրած մուրճով վազում է դէպի ծածկուած ար-
ձանը և քողը բարձրացնում, պոկում: Մի առ ժամանակ
նա կանգնած է, որպէս քարացած՝ տեսածի տպաւորու-
թեան տակ: Այդպէս նա կանգնած է մի փոքր ժամանա
էլ անշարժ, առաջուայ պէս անթարթ նայելով արձա-
նին, ինչպէս մի երկնային տեսիլի կակազելով յուզումից
Ես... ես... այնտեղ...)

(Դողում է ամբողջ մարմնով: Վերջապէս դժուարու-
թեամբ շնչելով, դուրսը դարձնում է, կարծես ինքն-իրեն
տոկոկելով իրական աշխարհ դառնալ և նկատում է Տիս
մարիտիային, որ նոր էր դուրս եկել անից իւր անհաստա
բայլերով: Մուրճը ձեռքից շլթողնելով, օրորելով
գիմաւորում է նորան և բացականչում է յուսահատու-
թեամբ):

Մայր իմ...

ՏԻՄԱՐԻՏԱ Որդիս, դու այստեղ ես:
ՀԵՐՈՍՏՐՍ (Զղաձգաբար սղմում է նորա ձեռքը):

Նա այլ ես ինձ չէ սիրում:
ՏԻՄԱՐԻՏԱ Ժամանակ է. կարծեմ, որդիս,
Մոռնալ, ձգել սիրադրժին:

ՀԵՐՈՍՏՐՍ Աստուածուհին նոյնպէս, մայր իմ,
Աստուածուհին նոյնպէս նորան
Առաւել է սիրում, քան ինձ:

ՏԻՄԱՐԻՏԱ Ի՞նչ ես ասում:

ՀԵՐՈՍՏՐՍ Ահա այնտեղ
Դրուած է նա՛ նորա արձանն..
Դա Կլիտիայի արձանացրած
Տիպ ու պատկերն է իսկապէս,—
Ի՞նչ եմ ասում. շատ առաւել
Վեհ, քան Կլիտիան: Թէ սր տեսնե
Կարենայի՛ր: Ա՛խ, թէ ես էլ
Կոյր լինէի, ինչպէս դո՛ւ ես:
Այդ արձանը ես փչրելու
Էի եկել. բայց, մայր, ասեմ,
Որ արձանը ինքն ինձ փչրեց
Ու տապալեց...

ՏԻՄԱՐԻՏ Գե՛լն ես տալիս:

ՀԵՐՈՍՏՐՍ Չէ, ես կուզեմ ինքս ինձ խաբել,
Թէ չեմ տեսել այդ արձանը:
(Արագ մտնելով ծածկուած արձանին):

Հեռու, հեռու, բանդագուշանք:

(Անուամ, ձգում է ծածկոցը):

Բայց ե այնպէս՝ ես տեսնում եմ:
Առաջս կանգնած, կեցած է նա.
Նւ յաւիտեան՝ հուր-յաւիտեան
Պիտի կանգնած մնայ նա միշտ:
Ոչինչ, ոչինչ է իմ ձեռքի,
Մտքի ծնունդ, արտադրութիւն:

ՏԻՄԱՐԻՏԱ Ի՞նքզի ես ձգտում, դու թուլամորթ,
Ստորացնել, քեզ վայր ձգել:

¹⁾ Զառանցում ես:

Քո կոյր մօրդ ականջ արա,—
Ահա մօտ է փառքիդ ժամը,
Վեհ, ուղղամիտ է քո գործը:
ՀԵՐՈՍՏՐՍ Հնա, հնա, հնա, հնա... Ձեռքիս գործ՝
Անվերջ ջանքի ու տանջանքի
Միայն պտուղ, իմ գեղեցիկ,
Անանց ու վեհ արտադրութիւն,
Ահա քեզ մօտ եմ շտապում:

(Մութը ձեռքին վազում է դէպի իւր սունը):

(Այս տեսարանի ժամանակ մթնշաղն արդէն ընկել է:
Տաճարից դուրս են գալիս երկու սարուկ, ձեռքերին մի-
մի վառ ջահ, դնում են ջահողների վրայ և դնում Գե-
ղեսիպի սունը):

ՏԵՍԵՐԵՆ III.

ՏԻՄԱՐԻՏԱ յետոյ ՊՐԱԿՍԻՏԵԼ և ԿԼԻՏԻԱ.

ՏԻՄԱՐԻՏԱ (Կարծելով թէ դեռ ևս Հերոստրասի հետ է խօսում
որի հեռանալը չէր նկատել):

Այն վեհ գործը քեզ աւելի
Կլինի, անշուշտ, մխիթարող,
Քան թոյլ խօսքերս:

(Վերադառնում է իւր սունը, Պրակսիտելն ու Կլի-
տիան երևում են աջ կողմից):

ԿԼԻՏԻԱ Գիշերն արդէն

Վրայ հասաւ:

(Իջնում է նեղ շաւղի):

Ահա այսպէս

Քեզ հետ միասին առաջ երթամ
Անյայտ հեռուն. ոչ գիշերուայ
Խաւարն ու մութ, ոչ անախորժ
Վատ եղանակ, ոչ փրփրադէպ
Ծովի ալիք, ոչ սաստկաշունչ
Ահեղ մրրիկ, և դոցանից
Նւ ոչ մէկը ինձ փոյթ էլ չեն:

(Մութն աւելի ու աւելի է ընկնում ամպերի յեռակից
երևում է լուսինը):

ՊՐԱԿՍԻՏԵԼ Այնտեղ, ահա, որտեղ հեռուում,
Մայր-մտոցի հրաժեշտ տուող

ձառագայթը ոսկէ շողեր
Սփռած շերտով զիկ է բռնել՝
Այնտեղ չքնաղ իմ Աթէնքն է:

ԿԼԻՏԻԱ

(Նորա գրուելը բռնելով և իրեն դարձնելով):

Օ՛, սփ. երբէք քո հայեացքը
Պիտի չիշխէ հեռուն փախչել
Եւ թափառել: Ինձ, ինձ միայն
Այդ հայեացքի վառ, փայլ շողեր
Պիտի գուգեն: Տեն, տես ահա
Արտեմիսն էլ իւր սրարչաւ
Կառքի վերայ սուրում-սահում
Եւ գաղտ աչքով, աչքի-պոչով
Մութ սաղարթի ցանցի միջեց
Մարմարիօնէ իւր սեփական
Տիպ արձանին աչք է նետում:

(Մի փոքր բարձրացնում է արձանի ծածկոցն, այնպէս որ լուսինը լուսաւորում է):

Մի լաւ նայիր, ով դիցանոյշ,
Արուեստագէտի գործը, արդեօք,
Քեզ գահացում չէ՞ պատճառում:

ՊՐԱԿՍԻՏԵԼ

(Նստելով մարմարիտեի կողտար կտորի վերայ)

Մի բաց անիլ: Ինչ որ այնտեղ՝
Մթնշողում, քողով ծածկուած
Ու պահուած է—վերջացած է,
Բայց դորա հետ այս օրուանից
Է՛լ կորած է:

ԿԼԻՏԻԱ

Քո արձանը

Այս օրուանից միայն սկսած
Կեանք է բուրում,—նա ապրում է:

ՊՐԱԿՍԻՏԵԼ

Այն միայն ուրիշների
Աչքի համար: Իսկ ինձ համար՝
Արդէն մեռաւ, անկենդան է:

ԿԼԻՏԻԱ

Երբ նուաճած ազգ ու ու լեզու,
Իբրև մըրիկ իւր թափի հետ
Առած կտանէ յաղթանակով
Նոյնպէս նոցա, որ սկզբում
Ոտք դէմ դրած նորա առաջ

Կանգնած էին, երբ դըրդող
Օրհներգութեան ձայների հետ
Իւր նոր տունը՝ դռներն արձակ
Լայն բաց արած տաճարի մէջ
Ոտք կը դնէ...

ՊՐԱԿՍԻՏԵԼ

Օ՛, լուռ կեցիր:

Այդ բոլորը թոյլ արձագանգ
Կլինէր միայն այն նուագի,
Որ հնչում էր հոգուս խորքում,
Մինչ դեռ նորան կերտում էի:
Թող հիւրընկալս բոլորովին
Կազմ ու պատրաստ ձեռքիս պտուղն
Իւր տաճարի շքեղ, հարուստ
Ձեղնայարկի տակը տանէ,
Խուսկ ու կնդրուկ, ողջակիզի
Հոգսերն ամեն վրան առնէ:
Ես շատ կանուխ լիքն ըմպանակ՝
Բաղտի բաժկից բաժինս առի:—
Տականքները ես չեմ սիրում:

(Կողքէ-կողք նստում է Պրակսիտեի հետ և սեղմում նորան):

ԿԼԻՏԻԱ

Այսպէս երբէք դու չես եղել:
Երկիւղ, սարսափ է տիրում ինձ,
Պրակսիտել: Այս երեկոյ
Յոյս ունէի տեսնել հպարտ,
Հրճուող, ուրախ...

ՊՐԱԿՍԻՏԵԼ

Գիտե՞ս, Կլիտիա,

Անջատումի ամեն շիթից
Վիշտ է ժայթքում, ցաւ է ծորում...

ԿԼԻՏԻԱ

Անջատումի: Ի՞նչ անջատում...

ՊՐԱԿՍԻՏԵԼ

Անջատուցի իմ աւարտած
Մտքիս զաւակ, ձեռքիս գործից:
Հըրաժեշտիս ողջոյն առի:
Նորա շքեղ հանգէսների
Մէկ էլ մարող այն արեւը
Որ ծովն իջաւ, կծագի նորից
Երբ ես այնտեղ... հեռուում կլինիմ:

ԿԼԻՏԻԱ

Ասա, խօսիր, Պրակսիտել,

Ի՞նչ ես փնտռում, նորից խուզում
Ամպով պլլուած հորիզոնի
Գաղանարանում:

ՊՐԱԿՍԻՏԵԼ Իմ Աթէնքս:

ԿԼԻՏԻԱ Բայց յիշում ես, որ ասացիր,—
«Այստեղ մի նոր Աթէնք գտայ»:

ՊՐԱԿՍԻՏԵԼ Օ՛, թէ գոնէ՛ լոկ մի անգամ
Տեսած լինէիր:

ԿԼԻՏԻԱ Այդչափ չքնաղ,
Գեղեցիկ է:

ՊՐԱԿՍԻՏԵԼ Մի ժամն ինչ է-

Մի ժամ անգամ հեռու լինելն
Կորած բան է. ամբողջ աշխարհս
Պարփակում է իւր մէջ միայն:
Նորա գոնից ոտք դուրս դնելն՝
Աքսորանքի ցուպ առնել է:

Նորա օդը, օդը անգամ
Ողջ հմայք է տեղն ու տեղը:
Այնտեղ գեղը, հաճ ժպիտով
Ողջունելով ծնունդ մանկան,
Այնուհետև ամեն քայլում
Գարանակալ հետևում է
Այդ ծնուածին մինչ գերեզման:

ԿԼԻՏԻԱ Օ՛, թէ քեզ հետ այնտեղ լինեմ...

ՊՐԱԿՍԻՏԵԼ (Հարունակելով):

Սաղարթախիտ լուռ պարտիզում,
Լեռան լաջին կանգնած է մի
Պարզ, հասարակ, բարձրահայեաց
Պայծառ, ուրախ տուն՝ մենաւոր.
Նուրբ, սիւնազարդ անդաստակով ¹⁾,
Որ երեսի վերայ ձգուած
Որբ է մնացել. թէ չէ՛ ուրախ
Մուրճի զարկերն կեանք կտային
Կ'աղմկէին են բոլոր տունը:
Դա — իմ տունս է: Եւ նիրհում է
Այնտեղ ընկած անձև, կոպտար

¹⁾ Portique

Մարմարիոնը: Նա եմ կոչին
Ականջ սրած սպասում է
Նոր կերպարանք ստանալու,
Ա՛խ, թախիծը... թախիծն օձի
Նման փաթթուել, սիրտս կրծում
Ու մաշում է՝ իմ մոռացուած,
Լքուած, թողած աստուածներին
Սրտմաշուքով: Ա՛խ, այդ թախիծն...

(Արագ)

ԿԼԻՏԻԱ

Գո Աստղկան խիստ կարօտով:
ՊՐԱԿՍԻՏԵԼ Նամանաւանդ նորա կարօտն...
ԿԼԻՏԻԱ (Տեղից վեր թռչելով):

Գո սիրում ես, հա՛, դեռ նորան:
ՊՐԱԿՍԻՏԵԼ (Նշնելով տեղից):

Միշտ սիրել եմ, պաշտել նորան:
Իսկ դո՛ւ, ասա, դո՛ւ չես սիրում
Փրփուր-ծնունդ Կիպրոսուհուն:
ԿԼԻՏԻԱ (Յուզմունքով):

Նրա երկրաւոր նախատիպար
Կինը... արդէն սպասում է
Քեզ անհամբեր:

ՊՐԱԿՍԻՏԵԼ Այն կինը, ինձ:

ԿԼԻՏԻԱ Նորա կարօտն է քեզ մաշում:

ՊՐԱԿՍԻՏԵԼ (Հանարով):

Ախ, դու խենդիւ՛կ:
ԿԼԻՏԻԱ Խոստովանիր:

Ի դէմս նորա աստուածունուն
Ես դու սիրում, ինչպէս իմ մէջ
Մի քիչ առաջ սիրում էիր
Արտեմիսին, որի հետ էլ
Անհետ կորայ ես քեզ համար:
Գու ինձ համար ամեն ինչ էիր,
Եւ քեզ ամեն ինչ ձօնեցի
Ան՝ դոցա և կեանքս էլ:
Թպրտացող իմ խեղճ սիրտս
Տար գիր նորա ողջակիզի
Բագնի վերայ, իբրև նոր գոհ:
ՊՐԱԿՍԻՏԵԼ Եւ ասողը Կիտիան է, հա՛.

Ազատական ընկերուհիս,
 Որը գիտէր իմ նպատակս
 Եւ համակուած էր ինձ օրրոյ
 Վառ հաւատով: Լճու ես ուզում
 Գնել վրաս. խանդոտ օղակ,
 Շղթաներով՝ գործի սիրով
 Բորբոք ձեռներս կապել կուզես,
 Եւ իմ առաջ ընդ միշտ փակել
 Գեղեցկութեան շուրճարձուներում
 Իւր բունն հիւսած յարկի դունդն:

Ա՛խ, սփ. ներքի, ներքի ինձ դու:
 Ներքի անմիտ զառանցանքներս:
 Էլ միւս անգամ դու չես կրկնիլ
 Քո հարցերդ: Իմ սէրն երբէք
 Քեզ կաշկանդող չղթայի դեր
 Չի կատարի: Ստեղծագործող
 Բազուկդ երբէք ես չեմ խլիլ
 Ժողովրդից: Ինձ դու միայն
 Հէնց այն չնչին հանգամարով
 Ուրիշներից շատ վեր, շատ վեր
 Տարար, հասցրիր, որ ողջ սիրտդ
 Ի՛նձ ձօնեցիր: Ես լաւ գետեմ
 Դու այն մէկին չես էլ կարող
 Սիրել այնպէս, ինչպէս որ ինձ:
 Եւ քո սրտի գաղտնարանի
 Բանալիքը չես հաւատայ
 Նորան երբէք: Թ՛ող նա ինձնից
 Շատ գեղեցիկ, չքնաղ լինի.
 Եւ թէ նոյն իսկ աստուածների
 Մեզ պարգևած ամեն մի օրն
 Դու շարունակ աստուածունհու
 Գիմազներն առնես, կերտես
 Նորա դէմքից, ապա գիտցիր,
 Չեմ նախանձիլ ամենակին
 Նորան երբէք: Միայն թէ ես
 Հետդ մէկտեղ կարող լինիմ
 Ծծել չուրջդ պատող օդը,
 Եւ մթնշող երեկոյին

ԿԼԻՏԻԱ

Յոգնած գլուխդ առնեմ գիրկս...
 Քո յետից քաշ վալ, ուր որ
 Քայլերդ կուղղես, ուր որ երթաս՝
 Ինչպէս սարուկ հաւատարիմ:

ՊՐԱԿՍԻՏԵԼ Կամենում ես...

ԿԼԻՏԻԱ

Ուր որ լինես,

Ուր էլ չերթաս՝ իմ հայրենիքս
 Էլ այնտեղ է: Տար ինձ Աթէնքդ:
 Թ՛ող կապտին տայ հեռում սրտիս,
 Հոգուս հատոր, իմ անձկալի
 Եփեսոսի անուշ ափերն,
 Բայց ես գլուխս չեմ էլ թեքիլ
 Նորա կողմը, չեմ էլ նայիլ:

ՊՐԱԿՍԻՏԵԼ Լաւ մտածիր որոշումդ:

ԿԼԻՏԻԱ

Չափել, կշռել, մտածել եմ:

ՊՐԱԿՍԻՏԵԼ Նաւահանդիստ իսկոյն և եթ

Կ'իջնեմ այժմ, — պահապանը
 Դեռ քնած չէ, — ես կիմանամ՝
 Գուցէ վաղը, նաւս ուռցնել
 Կարողանայ առագաստներն, —
 Մեզ Ատտիկէ հասցնելու:

ԿԼԻՏԻԱ

Ի՞նչ: Հէնց վաղը:

ՊՐԱԿՍԻՏԵԼ

Գողում ես դու,

ԿԼԻՏԻԱ

Օ՛, սփ. ոչինչ:

ՊՐԱԿՍԻՏԵԼ

Լաւ մտածիր.

Օտար երկրում սիրած բոլոր
 Ծաղիկներդ իսկ չեն բուսնում:
 Քո բնական հողդ սա է.
 Եւ ինչ էլ ճոխ, փարթամ ծաղիկ,
 Բացուել ես դու: Դու նորա հետ
 Կապուած, կպած ես արմատով, —
 Թէև նորա քո աչքերից
 Անտես լինեն, — արժէ միայն
 Դանակ քաշել այդ արմատին
 Եւ խեղճ ծաղիկն՝ անհետ կորու:

ԿԼԻՏԻԱ

Ո՛չ, սփ.

ՊՐԱԿՍԻՏԵԼ

Ինչո՞ւ ուրեմն այդպէս

ԳԼԻՏԻԱ

Դող ու սարսուռ է քեզ պատել:
 Պատճառն այն չէ, որ իմ սրտիս
 Ցաւ ու կսկիծ է, որ յանկարծ
 Հայրենիքից պիտի բաժնուիմ,
 Այլ այն միայն, որ դու այստեղ
 Իմս էիր, ամբողջապէս,
 Իմս միայն, իսկ, ա՛հ, այնտեղ
 Էլ իմս չես:

ՊՐԱԿՍԻՏԵԼ

Օ՛հ, սիրելիս:
 Ես պարտք ունիմ, պարտք անվճար
 Խղճիս, ինչպէս և քո առաջդ:
 Ի՞նչ կանէի Նփեսոսը
 Եւ առանց քեզ: Դ՛ու, դու դարձիլը
 Նորան կեանքիս գագաթնակէտ:
 Ինչո՞ւ արդեօք վառ արևի
 Հապճէպ ընթացքն ես չեմ կարող
 Կանգնեցնել և կամ ասել,
 Հրամայել, որ թանգազին
 Փամանակի բոպէները
 Էլ չը շարժուին: Արդէն ահա
 Վաղուայ օրը դարբասի մօտ
 Կանգնած, ծեծում և բարձրաձայն
 Պահանջում է արքայական
 Իւր իրաւունքն: Ի՞նչ է բերում
 Նա մեզ համար իւր թիկնոցի
 Տակ թագցրած: Մենք չգիտենք:
 Սիրով նայենք մեր անցեալին:
 Ինչպէս որ իմ ստեղծագործած
 Անդրին գարեւր պիտ հոլովէ,
 Այնպէս մեր միտքն անցեալ բաղդի
 Օրերն ամուր կը պահպանէ
 Իւր սուրբ ծոցում:—Ես վայր կիջնեմ
 Նաւահանգիստ, տեսնեմ ի՞նչ կայ:

ԳԼԻՏԻԱ

ՊՐԱԿՍԻՏԵԼ

ԳԼԻՏԻԱ

Շուտով կը գամ:
 Քո լուր տալուն
 Կսպասեմ ես: Հէնց որ կանչես,—
 Պատրաստ կլինեմ հետդ մեկնել:

ՊՐԱԿՍԻՏԵԼ Ե՛կ, մի անգամ էլ համբուրիր:
 ԳԼԻՏԻԱ Հազար անգամ:

(Գրկախառնում և համբուրում են: Պրակտիկան ա-
 բարգ ազատում է նորա գրկից և շտապով նաւահան-
 գիստ իջնում):

ՏԵՍԱՐՆ IV

ԳԼԻՏԻԱ: Յետոյ ՀԵՐՈՍՏՐԱՏ:

ԳԼԻՏԻԱ

(Մենակ. նորից նստում է մարմարեան կտորի վրայ):
 Ջեփիւն, դու արի, այտերս հովցուր,
 Բայց իմ խեղճ սրտիս՝ իսկի ձեռք չտաս,—
 Նորան հաճելի է կիրք ու բոցեր:
 Թէ իմ մաղերիս հետ լսողաս, կասեմ,—
 Սիրելուս մատներն են շոյում նոցա:
 Հնձեր, դուք եկէք այտերս համբուրէք,
 Թող ձեր ամեն մի հով շունչ հոսանքում
 Ջգամ ես նորա ցերմ շունչ, գուրգուրանք.
 Այդ շունչ, գուրգուրանք իմս են բոլոր:
 Անտես լարերից օրհներգ էք հնչում
 Ի պատիւ նորա. ձեր մեղմ հպումով
 Ակացիոյ թուփը, արև-շողերի
 Շամանդ փոշիներն, հուժկու ծովերի
 Գանգուր ալիքներն,— իմ շուրջս բոլոր,
 Բոլոր տարերքը նորան են երգում,
 Իմ խեղճ սկանջիս նորան շնջում:

ՀԵՐՈՍՏՐԱՏ

(Աւայլուած և բուրբոլին այլակերպ դեմքով, ծանր-
 շունչ քաշելով, դուրս է գալիս իւր սնկից՝ մուրճը ձեռ-
 քին: Նա անհաստատ քայլերով առաջ է գալիս):

ԳԼԻՏԻԱ

(Նկատելով նորան, սարսափում և) տեղից վեր է
 թռչում):

Ո՞վ է այնտեղ:

(Ճանաչելով):

Ի՞նչ ես ուզում:

ՀԵՐՈՍՏՐԱՏ

Հ՛ը, այդ դու ես, հա՛, դաւանան,
 Պահապանն ես դարձել այստեղ:

ԳԼԻՏԻԱ

(Չարհուրած նորա տեսից)

Օ՛հ...

ՀԵՐՈՍՏՐԱՏ

Նորից դողում, սարսուռում ես

Քո պաշտելի անձի համար,
Մի վախենար: Միայն կուզեմ
Գարձնել նորան ինչ որ իրեն
է պատկանում: Յետ տուր իրեն:
(Մեկնելով նորան մուրճը):

ԿԼԻՏԻԱ Սա ինչ բան է... ինչի՞ նշան...
Այս մուրճն ինչ գործ ունի ձեռքումդ...

ՀԵՐՈՍՏՐԱՏ Պրակտիկոսի մուրճովն ահա,—
Հէնց այս մուրճով,— ջարդ ու փշուր
Արի իմ գործս, աշխատանքս:
(Հարտում է մուրճը):

ԿԼԻՏԻԱ Դո՛ւ, քո՛ ձեռքով...
ՀԵՐՈՍՏՐԱՏ Հարիւր կտոր
Դարձրի նորան:

ԿԼԻՏԻԱ Բայց... բայց ինչո՞ւ:
ՀԵՐՈՍՏՐԱՏ Ինչպէս էլ շուտ էր կատարում,
Ուրքան ուրախ, թեթե սրտով:
Նըպատակիս արդէն հասայ:
Չէ որ արժէր ջանք գործ դնել:
Հ՞ը, ճշմարիտ, չարժէր միթէ
Ձանք գործ դնել:

ԿԼԻՏԻԱ Օ՛, անմահներ:
ՀԵՐՈՍՏՐԱՏ Նպատակիս շատ թանգ գնով

Նս չհասայ: Իզուր չէր, որ
Դեռ իմ քնքոյչ մանկութեանս
Հէնց առաջին իսկ օրերից
Ուտիչ մի միտք ճնշում էր ինձ.
Իզուր չէր, որ ամբողջապէս
Նորան մատնուած, տարուէտարի
Տանջւում էի ես անընդհատ
Ցաւերի մէջ և յուսահատ
Հծծում էի. իզուր չէր, որ
Երիտասարդ աարիներս
Նս զոհ բերի իմ ճիւղին,
Ուրախութիւն և հրճուանք
Խիստ մտրակով ինձնից հեռու
Նս քչեցի. իզուր չէր, որ
Բաղդը ժպտուն չեմքիցս դուրս

Վաճառեցի: Եւ այդ բոլորն
Այն պատճառով, որ գիտեմ
Թէ ով եմ ես,— մի խեղճ դաճաճ,
Անճար թզուկ, խուրդների
Ջարմ ու զաւակ, ուրիշ ոչինչ:
Թէև փոքրն ու չնչինը
Ատում էի բոլոր հոգւովս,—
Բայց և մեծին անընդունակ
Մարդ էի ես. մի խեղճ ճիճու
Փոչու, ցեխի մէջ սողացող,
Ողորմելի որդ ապիկար,
Որ արծուի թև ու թռիչք
էր երազում: Մեծ հսկայի
Գարշապարը կոխեց, ջնջեց
Խեղճ գոյութիւնս և ես ինքս
Ծաղր ու ծանակ ինձ դարձրի:

ԿԼԻՏԻԱ Որչափ հիւանդ ու ընկճուած ես,
Թէ որ հնարք ունենայի
Քեզ այդ ցաւից բժշկէի...
Եթէ վատ բան կամ չարութիւն
Քեզ արեցի, իմացիր, որ
Դիտմամբ եղած չէր արածս:
Քո անողոք վատ թշնամիդ
Հէնց քո մէջդ է բնակում:
Ինձ հաւատա, Հերոստրատ,
Երբ որ սրտիցդ հանես, ձգես
Սև նախանձը, որ գչրի պէս
Սիրտդ փորում ու ծակում է,
Նորից ուրախ, անհոգ օրերդ,
Երիտասարդ ոյժերդ կը գան:
ՀԵՐՈՍՏՐԱՏ Եւ եթէ ես կարող լինեմ
Այդ կատարել...

ԿԼԻՏԻԱ Կարողացիր:
ՀԵՐՈՍՏՐԱՏ Նորան կը տամ անմահութիւնն
Յաղթութեան հետ, խոնարհութեամբ
Գլուխ կը ծռեմ ունայն, չնչին
Ու վաղանցուկ կեանքի լծին:
Ա՛խ, անաստուած, իմս եղիր,

Դու միայնակ: Քեզ սիրում եմ:
 Բայց սիրում եմ խելառի պէս,
 Չար նախանձով, զգուանքով լի:
 Ի՛մս եղիր: Թո՛ղ քո ջերմին,
 Հրուռ կրծքիդ անցրած ըսպէս
 Անանց հաշուեմ: Ի՛մս եղիր:
 Թող ես մոռնամ, յափշտակուեմ
 Կրքոտ հեշտանք փափկութեան մէջ
 Իմ գոյութիւնս. սիրոյ անանց,
 Շքեղ, պայծառ խնճոյք տար ինձ:
 Բայց, մէկ ասէ՛ն,— յիմար, անմիտ,
 Ի՞նչ անազան հիւրի նման
 Դուռ ես ծեծում...:

ԿԼԻՏԻԱ (Յետոյետ է բաշուում, դանդաղութեամբ գլուխը շարժելով):

Ես չեմ կարող:

ՀԵՐՈՍՏՐՍ Ա՛յժմ դարձար հաւատարիմ:
 Կոյր-աչիկայ, դու կարծում ես,
 Արժէք ու գին կը տայ սիրուդ:
 Երբ և իցէ նա կը սիրէ
 Ինչպէս ես եմ սիրել՝ խելառ:
 Դու ինձ համար եւ կեանք էիր,
 Ե՛ւ փրկութեանս ամուր խարիսխ,
 Ե՛ւ լոյս անշէղ, եւ կարևոր
 Քան սեփական սրտիս բարախ:
 Միակ կինը երկրիս վերայ:
 Նորա համար... Ձո՛ն կը բերէ
 Իւր ապագայ փառք ու համբաւ
 Սիրուդ համար. կը մոռանայ
 Իւր արուեստը լոկ քեզ համար:

ԿԼԻՏԻԱ Ո՛չ:

ՀԵՐՈՍՏՐՍ Եւ դարձեալ...

ԿԼԻՏԻԱ Սիրում եմ ես,

Սիրում նորան:

ՀԵՐՈՍՏՐՍ Թէև դորա

Փոխարէն քեզ արհամարհէր...

ԿԼԻՏԻԱ Սիրում եմ, սիրում նորան:...

ՀԵՐՈՍՏՐՍ Թէև լքէր, դէն շարտէր...

ԿԼԻՏԻԱ Սիրում եմ, սիրում նորան:
ՀԵՐՈՍՏՐՍ Կին դու, բաւ է, ինձ մի տանջիր:
 Գոնէ յոյսի մի չնչին կայծ
 Շնորհիր, աուր ինձ, որ ես նորա
 Մութ շողերով խղճուկ օրերս
 Քաշ տամ անցնեմ: Մի մտածիր,
 Պաշտած կուռքդ կերթայ շուտով
 Եւ կմնաս դու մէն-ւեհնակ.
 Նորա հմայքից կամաց-կամաց
 Աչք կը բանաս և մի ուրիշ
 Ներող սիրոյ ձեռք կը մեկնես...:

ԿԼԻՏԻԱ Ես նորա հետ Աթէնք կերթամ:
ՀԵՐՈՍՏՐՍ (Բացականշուով):

Ո՛չ. չես գնայ:

ԿԼԻՏԻԱ

Բոլոր սրտովս

Խղճում եմ ես անբաղդ վիճակդ,
 Բայց չեմ կարող մեղմել նորան:
 Արհամարհիր, առի՛ր դու ինձ:
 Չեմ էլ կարող այլ բան սպասել,
 Արարքս միայն դրան է արժան:
 Բայց ես պէտք է նրան հետևեմ,
 Հետը մեկնեմ: Պարտաւոր եմ:

ՀԵՐՈՍՏՐՍ (Ծիծաղելով):

Ձարմանալի՛ արար-աշխարհ:
 Ողջ աշխարհս մէկի համար
 Իսկ ինձ համար— և ո՛չ մի բան,
 Ո՛չ սեղանի փշրանք չնչին,
 Ո՛չ մի թերթիկ չքեղ փնջից:
 Այդպէս բաշխել միայն գիտէ
 Վեհ դիցանոյն իւր պարգևներ:
 Եւ դեռ, ապուշս, սիրում էի
 Հաւտալ նորա արգարութեան:
 Այդ դեռ քիչ է— պաշտում էի:
 Այո, հարիւր անգամ աւել
 Ձերմ, բոց սիրով էի սիրում,
 Պաշտում նորան, քան ինքն ինձ:
 Ճիշդ քեզ նման մի խորամանկ,
 Նենդ ու խարդախ կին է միայն...
 Թո՛ղ անիծուի նորա անունն:

ԿԼԻՏԻԱ Լուիբ, անմիտ, խելակիրոյս:
ՀԵՐՈՍՏՐԱՏ Արդարացի բաժինս՝ կուզեմ:
 Այդ տուր, գոնէ, ո՛վ դիցանոյ՝
 Բայց այլ ևս ոչինչ, ոչինչ
 Ես այդ մասին չեմ էլ խնդրում:
 Ի՛նքս կարող կլինեմ բանալ
 Կծկուած ձեռքդ: Թէ կարծում ես,
 Որ անգոր եմ՝ ոյժ, գորութիւն
 Ինձ չապօղղու Գու կարծում ես
 Հուշակաւոր ձեղնայարկդ՝
 Քո տաճարը քեզ կը փրկէ,
 Կը պահպանէ՞... Ով չի կարող
 Ստեղծագործել՝ քանդել, աւրել
 Միշտ կարող է:

ԿԼԻՏԻԱ Ի՞նչ եմ լսում,
 Սարսափելի բան ես ասում:
ՀԵՐՈՍՏՐԱՏ Եւ սարսափով ողջ մարդկութիւն
 Կուզեմ կապել ու կաշկանդել,—
 Ահա թէ փառք: Կեանք ունենալ
 Եւ ազգերի սրտի խորքում
 Գող ու սարսափ միայն ազգել
 Եւ այն էլ միշտ, հուր-յաւերտեան,—
 Ահա որն է կեանք ասածդ:
 Մի գիշերում ստեղծագործող
 Վարպետի մէջ ողջ աշխարհի
 Հրաշակերտի միտքը ծնեց:
 Մի գիշերում ստեղծագործած
 Հրաշակերտը բոց-կրակի
 Փայփուկով կը զարդարեմ:
 Լսում ես թէ, խուլ ես դեռ ևս,
 Սուտ, խարերայ, աստուածունհի:
 Թո՛ղ վառ ջահից սփռող բոցը
 Թո՛ղ կեղծ փայլդ իբրև վառուող
 Անչէջ մի ջահ՝ իմ անունս
 Դարեր անանց անմահացնէ,
 Եւ միշտ յիշուի:

ԿԼԻՏԻԱ (Նորա առաջը կտրելով):
 Կանգնիր, անմիտ:

ՀԵՐՈՍՏՐԱՏ Թո՛ղ ինձ, թող տուր:
ԿԼԻՏԻԱ (Աշխատելով դռով պահել):
 Օ՛, օգնութիւն...
ՀԵՐՈՍՏՐԱՏ Դէ՛ն, դէ՛ն գնա: Մի խանդարիր:
 Այժմ միայն ճանաչեցի
 Անմահութեան ճանապարհը:
 (Արագ դիմում է դէպի բեմի խորքը, պոկում է ձողա-
 ջահի վրայից վառուող կերոնը և, ձեռքին բռնած, սան՝
 դուղտներով վազելով բարձրանում, մտնում է տաճարը և
 դուռը փակում իւր յետեկց):

ՏԵՍԱՐԱՆ V

ԿԼԻՏԻԱ Յետոյ խելոյն ՏԻՄԱՐԻՏԱ, քիչ յետոյ ԿԱԼԼԻՅ,
ԴԻՕԿԼ: Քաղաքացիք՝ ժողովուրդ, ՄԵՏՐՕԴՈՐ, ԳԵԳԵՍԻՅ,
 ԵԻՊԷՅՏ:

ԿԼԻՏԻԱ (Ինքն իրեն կորցրած, փաղում է դէպի ձախ բարձրաձայն):
 Օ՛, օգնութիւն... օգնութիւն, վայ...
 Օ՛, մայր իմ, մայր Տիմարիտա:
 Սարսափելի ճակատագիր:
 Ա՛խ, շուտ հասիր, կանչիր նորան:
ՏԻՄԱՐԻՏԱ (Գուրս դառնալ իւր անկց):
 Ո՞վ էր ինձ մայր կանչողն հիմա:
ԿԼԻՏԻԱ (Շնչապառ):
 Հարցներու ժամանակ չէ:
 Կանչիր նորան:

ՏԻՄԱՐԻՏԱ Ուրեմն դո՞ւ ես:
 Եւ դեռ ևս վատահացա՞ր...

ԿԼԻՏԻԱ Որդիդ... որդիդ խելքն է թուցրել...
 Ինքը իրեն չէ ճանաչում...

ՏԻՄԱՐԻՏԱ Ի՞նչ գործ ունիս դու որդուս հետ:
 Դէ, հեռացիր, գնա, կորիր:

ԿԼԻՏԻԱ Դո՛ւ, գու միայն նորան փրկել
 Դեռ կարող ես: Մի վայրկեանի
 Գործ է միայն... Դէ, շտապիր:

ՏԻՄԱՐԻՏԱ Բայց ո՛ւր գնամ:
ԿԼԻՏԻԱ Դէպի տաճար...

Խելագարը կամենում է

Անհետ կորցնել ողջ տաճարը:

ՏԻՄԱՐԻՏԱ Գնա՛, կորի՛ր, իմ շէմքիցս:

(Բեմի խորքում ձախ կողմից երևում են քաղաքացիք. հո-
ցա մէջ և կապի ու Գիօկի):

ԿԱԼԼԻՅ Բարդ-բարդ ծուխ է քլքլում:

(Բոցը տաճարի առաստաղի տակից դուրս է ժայթքում):

ԿԼԻՏԻԱ

(Նկատելով այդ բանը):

Սարսափելի բան պատահեց:

Այժմ արդէն, էլ շատ ուշ է:

ԶԱՆԱԶԱՆ

(Աղաղակելով և իրար ընդհատելով):

ԶԱՅՆԵՐ Տաճարն է... Վայ մեր տաճարն է

Այրոււմ-վառում:—Տաճարն է, ախ...
ՏԻՄԱՐԻՏԱ Կէս գիշերին ինչ են այսպէս

Գոռում գոչում բարձրացրել:

ԿԼԻՏԻԱ Մեծ տաճարն է բոցավառուել:

ՏԻՄԱՐԻՏԱ Սուտ են ասում...
ԿԼԻՏԻԱ Որդի՛դ, որդի՛դ

Հրդեհ ձգեց:

ՏԻՄԱՐԻՏԱ Սո՛ւտ ես ասում,
Որ այդպիսով կորցնես նորան:

ԿԼԻՏԻԱ Թշուառական, ես քեզ միայն

Հաւատացի և գաղտնիքը

Քեզ ասացի,—ուրիշ ոչ ոք

Չի իմանայ:

(Կրակը հեռահեռէ բորբոքում է. շուտով ամբողջ ձե-
ղունը կորչում է բոցերի մէջ):

Չի իմանայ:

Չի իմանայ:

(Կրակը հեռահեռէ բորբոքում է. շուտով ամբողջ ձե-
ղունը կորչում է բոցերի մէջ):

ԱՄԲՈՒԸ

Հրդեհն անցրէք:—

Մեծ տաճարը փրկելու ճար,

Հնար գտէք:— է՛յ, օգնութիւն:—

Դէ՛, շուտ հասէք:—Ա՛յս կողմն եկէք...

(Տաճարի սանդուղտներից վեր բարձրանալով, հրում
են դռները):

ՈՒՐԻՇ ԶԱՅ Գոռներն ամուր, պինդ փակուած են:—

ՆԵՐ Ներսից սողնակ է անցրած:—

Զարդ ու փշուր արէք շուտով:

ՏԻՄԱՐԻՏԱ

(Հանգիստ ու անխռով):

Այդ անողը իմ որդին չէ:

ԶԱՅՆԵՐ Դժբաղտութի՛ւն....

(Ամբոխը արագ աճում է, վերջը ամբողջ բեմը բուրբո-
վին ցնում: Շատերը իրար յետևից դալիս են՝ Եւպեյ-
տը նախարեմի դռնից, ձախ կողմից Գեդեակյ և Մեարո-
զոր՝ իրենց տնից: Ընդհանուր իրարանցում. ամենքը դէս
ու դէն են վազում, յուսահատութիւնից ձեռներ-մատները
ջարգելով):

ԱՄԲՈՒԸ Կացին տուէք, սանդուղտ բերէք:

ՅԻՊԷՅՏ Սրբավայրը բոցերի մէջ

Անհետ կորաւ: Փո՛ղ փչեցէք,

Շեփորները հնչել տուէք:

ԳԻԳԵՍԻՅ Ի՞նչ, աշխարհիս վերջն է հասել:

ԿԼԻՏԻԱ Ո՛ւր է, արդեօք, Պրակսիտելն:

(Ճղում. անցնում է ամբոխը և անհետանում բեմի խոր-
քում):

ՄԵՏՐՕԴՈՐ Օ՛, սարսափի անանց գիշեր:

Արիւնագոյն բոցերի մէջ

Սրբավայրն է անհետ կորչում.

Մի սրբավայր, որի հատը,

Հաւասարը չունի աշխարհս:

(Բեմի յետևից լսում է փողերի անընդհատ ձայներ):

ԺՈՂՈՎՈՒՐԻ Ե՛ր, չար, նենգ բաղդ... Դժբաղդութիւն:

Մենք կորած ենք:—Վայ մեր գլխին:

Նրկնքիցն է թափւում հուրը—

Աստուածների բարկութիւնն է:

ՄԵՏՐՕԴՈՐ

(Չայնը բարձրացնելով):

Բողորովին իզուր է ձեր

Ողբ, աղաղակ: Աստուածների

Ցասումը չէ խառնուած այնտեղ,—

Դա մի մարդու անլուր, ստոր

Մեծ չարութեան, ձեռքի գործ է:

Անողն, անշուշտ, նփեսոսի

Թշնամին է, մեր մեծութեան

Չար նախանձորդ: Որոնեցէք,

Դտէք նորան:

ԺՈՂՈՎՈՒՐԻ

(Կատաղած)
Որոնեցէք.

Դտէք շուտով: Մահ, մահ նորան:

Հազարաւոր կտոր արէք

Պիղծ մարմինը:

(Անընդհատ կացնի հարուածներն ասկ տաճարի երկ-
փեղկ դռները բացուում են երկուան էլ Շէմբի վրայ ե-
րևում է Հերոստրատը, վառուող ջահը բարձր բռնած,
դէմքը կորած մուրի մէջ, մազերը դգգողած: Ամբողջ առ-
բույն գարհուրած նորա տեսքից յետ յետ է քաշում):

ՀԵՐՈՍՏՐԱՏ

(Վազելով իջնում է սանդուխտներից, վայրենի ուրա-
խութեամբ շարժելով ձեռքի ջահը):

Մեղաւորին էք որոնում:
Գիտցէք, ուրեմն, լաւ իմացէք
Յ'ս եմ, ~~էս այդ~~, Եփեսացի
Հերոստրատս, — ձեր մտքերում
Թող պլինդ դրոշմուի, արձանանայ
Իմ անունս, որ յաւիտեանս
Էլ չմոռնար:—Յ'ս եմ արել,
Յս՝ Հերոստրատս: Եւ՝ արածովս
Պարծենում եմ:

(Ընդհանուր զայրոյթի և սարսափի աղմուկ Մի ակն-
թարթում կատարած ամբողջ շրջապատում և կալանա-
ւորում է նորան: Տիմարիտան, որ մինչ այդ հպարտ
ուղիղ կանգնած էր նախարեմի վրայ, այդ խօսքերը լսե-
լիս, առանց ձայն հանելու, ինչպէս կայծակնաձայն, գե-
տին է գլորում: Տաճարի առաստաղը ահագին աղ-
մուկով փուլ է գալիս):

(ՎԱՐԱԳՈՅՐՆ ԻՋՆՈՒՄ Է)

Ե. ԳՈՐԾՈՂՈՒԹԻՒՆ

Ոչ շատ մեծ դահլիճ: Չախ կողմը՝ առաջամասում մի դուռ, աջ կողմը՝ առա-
ջամասում մի ուրիշ անելի փոքր դուռ: Բեմի խորքում երկար սիւնաշար, սիւ-
ների մէջը լայն անցքերով, ոչ շատ բարձր ծովեզր, որտեղից բացուում է տե-
սարան դէպի ծովը: Նաւերի առանձին-առանձին երկացող կայմերի կատար-
ներէց նկատելի է, որ շինութիւնը կառուցուած է հէնց ծովափին՝ նաւահանգստի
մօտ: Յետևի մասում, դեռ ևս երևում է ճխացող և արևի շողերով լուսաւորուած
տաճարի կողմնակի ճակատի աներակները: Չախ կողմը բարձրավանդակի վրայ,
առանձին տեղ դատաւորների համար: Աջ կողմը փայտե նստարան:

ՏԵՍԵՐԸՆ I

ՀԵՐՈՍՏՐԱՏ (Շղթայակապ, գլուխը նստա-
րանին յեց, քնած է յատակի վերայ: Երբեմն-երբեմն ձախ
կողմից լուում է դուրսն աղմուկ ամբողջ խուլ ձայնը:
Չախ դրան դրսի կողմից դղրոցով բացուում է դրան
ձանր սողնակը):

ՄԵՏՐՕԳՈՐ (մտնում է գինուորի ուղե կցու
թեամբ):

ՄԵՏՐՕԳՈՐ

(Դիտելով Հերոստրատին):

Քնած է, հո՛:

ՋԻՆՈՒՈՐ

Հէնց որ այստեղ

Բերինք նորան և ամբողջի
Չայրոյթ-վրէժից ազատեցինք,
Իսկոյն քնեց մահանման
Խորունկ քնով:

ՄԵՏՐՕԳՈՐ

Բայց չփորձեց

Փախուստ տալու:

ՋԻՆՈՒՈՐ

Առաջներս

Ընկած կգար, կարծէք, հարսնիք
Կամ հրաւէր գնալիս լինէր:

ՄԵՏՐՕԳՈՐ

Օտարոտի բան ես ասում:
Մի գուցէ թէ՛ ձեր աչալուրջ

Հակողութեան գլխին անուշ,
Քաղցր երազ բերել կուզէր...

ՋԻՆՈՒՈՐ Իզուր. անմիտ փորձ կլինէր:

(Յոյս տալով բեմի խորքը):

Խոր, անյատակ զահավէժ է
Սյնտեղ՝ ներքե...

ՄԵՏՐՕԴՈՐ (Ներքև նայելով և յետոյ ցոյց տալով աջակողմի դուռը):

Իսկ այս դժուար:

ՋԻՆՈՒՈՐ Արթուն հակող պահապան կայ
Եւ խիստ ամուր կողպէք ունի:

ՀԵՐՈՍՏՐԱՏ (Քնի մէջ):

Մինչ յաւիտեան... հաւատարիմ...

ՄԵՏՐՕԴՈՐ Զառանցում է:

(Լսում են ամբոյնի աղմուկի ձայներ):

Ամբոյն հազիւ

Կարող լինենք զսպած պահել:

Իրաւացի պահանջ էլ է,—

Շուտ դատաստան կարել, պրծնել:

Բայց բանն այն է, որ դորա հետ

Ազատ մուտք չեն տալիս գալու

Դատողներին:—Դուք ճանապարհ

Բացէք եկող դատողներին:—

Ես կը մնամ առ այժմ այստեղ:

ՋԻՆՈՒՈՐ Այս բոպէիս:

(Դուրս է գնում ձախ կողմից):

ՄԵՏՐՕԴՈՐ Զարթիւր: Վեր կաց:

Արդէն լոյս է: Առաւօտ է:

ՀԵՐՈՍՏՐԱՏ (Փակ աչքերով):

Առաւօտ է...

ՄԵՏՐՕԴՈՐ Ե՛լ, ել. զարթիւր:

ՀԵՐՈՍՏՐԱՏ (Աչքերը բանալով):

Ո՞վ էր ասում առաւօտ է:

Դ՞ո՞ւն էիք, հմ:

(Ախորժանքով ձգուելով):

Օ՛, շատ վաղուց,

Վաղուց էր, որ այսպէս հանգիստ

Չէի քնել: Ի՞նչ կազդուրիչ

Անուշ քուն էր:—Սա առաջին

Անգամն է, որ երկար, անթիւ

Դառն օրերից յետոյ միայն
Այսպէս հանգիստ քնում եմ ես,
Վաղուան տանջող յաջողութեան
Հոգսից ազատ: Արժէ, անշուշտ,
Որ մարդ հանգիստ, անդորր առնէ
Իւր կատարած գործից յետոյ:

ՄԵՏՐՕԴՈՐ Դու դեռ ևս կառանցում ես:

ՀԵՐՈՍՏՐԱՏ (Կես բարձրացած, նայում, դիտում է տաճարը):

Ա՛խ, ոչ: Միայն դեռ նոր ծագող

Արեգակի շող ու լուսով

Հազիւ կարող եղայ զգալ

Իմ անկաշառ հայեացքովս

Արած գործիս ողջ մեծութիւն:

Գոհ եմ, գոհ շատ. արած գործս

Կատարեալ է:

ՄԵՏՐՕԴՈՐ Մի ահանջ դի՛ր,

Խելքի-պտուկ: Ժողովուրդը

Մի ընդհանուր բերան դարձած

Անէծքով է արտասանում

Քո անունդ:

ՀԵՐՈՍՏՐԱՏ (Հրացայտ աչքերով):

Իմ անճնս:

Այն էլ ամբողջ ժողովուրդը:

Օ՛, գիտէի, ըզգում էի:

ՄԵՏՐՕԴՈՐ Այս բոպէիս դատաստանի

Առաջ պիտի ելնես, գիտե՛ս:

ՀԵՐՈՍՏՐԱՏ Եւ անվրդով սպասում եմ.

ՄԵՏՐՕԴՈՐ Չէիլ ուզիլ սրտիդ բեռը

Մի փոքր ինչ թեթեւեղ:

ՀԵՐՈՍՏՐԱՏ Հը՛մ... քո առանջ: Չե՛ս ըմբռնիլ:

ՄԵՏՐՕԴՈՐ Մի մոռանար, Մետրոդորն եմ,

Որ ամենից խոստովանած

Խելք-հանճարով դժուարագոյն

Առեղծուածներ եմ բաց արել:

ՀԵՐՈՍՏՐԱՏ Խղճում եմ քեզ բոլոր հոգովս:

Միայն ինքդ ես քո հոգածուն

Ու գնհատողդ: Քո յիշատակդ

Կանցնի շուտով, կանցնի նոյնպէս

Իմաստութիւնդ: Հպարտացիր,
Քանի դեռ ևս մոռացութեան
Անլոյս, խաւար, անհոգ ովկիան
Չէ կուլ տուել տարիներդ:

ՄԵՏՐՕԳՈՐ Չէ որ, դժբաղդ, ես էլ նոյնպէս
Գատողներիդ թուի մէջ եմ:
ՀԵՐՈՍՏՐԱՏ Չէի ուզիլ մեր դերերը
Լոկ մի բոլոր փոխուած տեսնել:

ՏԵՍԵՐԱՆ Ի

ՀԵՐՈՍՏՐԱՏ, ՄԵՏՐՕԳՈՐ, ԹՐԱՍՈՆ, (և ուրիշ երեք
հոգի ել վեհ, յամբարայլ մտնում են ձախ կողմից):—**ԵՐԿՈՒ**
ՋԻՆՈՒՈՐ. (մտնում են նոցա յետևից և կանգնում դռան
երկու կողմը):

ՄԵՏՐՕԳՈՐ Գատաւորներդ եկան արդէն:
(Գատաւորները լուռ նստում են իրենց տեղերը: ԹՐԱ-
ՍՈՆԸ նստում է միջ տեղը. առաջին նստարանը մնում է:
Մետրոգորի համար):

ՄԵՏՐՕԳՈՐ (Գիմելով դէպի իւր աթոռը):

Մեծարելի Թրասոնին
Ողջոյն յաւէտ:

ԹՐԱՍՈՆ (Գլխի շարժումով շնորհակալութիւն յայտնելով):

Երբէք դեռ ևս
Այսչափ թախիծ, վիշտ ու մորմոր
Չենք զգացել մենք սրբազան
Գատաստանին ձեռք զարկելիս:
Գեռ մեր միտքը չէ կամենում
Հաշտուել, տեսնել,— թէ նոյն իսկ իւր՝
Եփեսոսի ծնունդ զաւակ,
Մեր իսկ արիւնն այդ անաստուած
Գործի տէրն է: Երբ մեզանից
Ամէն մէկս վստահօրէն
Կարող էինք չը հաւատալ
Այդ ամենին: Բայց դու ինքդ,
Քո բերանով քեզ մեղաւոր
ձանաչեցիր ու յայտնեցիր:

ՀԵՐՈՍՏՐԱՏ Եւ նորից նոր, կրկին անգամ

Գատողներին առաջ կասեմ
Բարձր ձայնով.— Ես արեցի,
Չեմ թագնում այդ ամենը:

ԹՐԱՍՈՆ Քեզ սիլ զրդեց:
ՀԵՐՈՍՏՐԱՏ Եւ սիլ մէկը:

ԹՐԱՍՈՆ Բացի քեզնից ուրիշ ոչ ոք
Տեղեկութիւն անգամ չունէր
Քո չարամիտ գործի մասին:

ՀԵՐՈՍՏՐԱՏ Ո՛չ ոք: Միայն ես գիտէի
Գիտում ու գործս. և արեցի.
Չեմ էլ զղջում դորա համար:

ԹՐԱՍՈՆ Ասա, դու մեզ, ի՞նչ պատճառով,
Ի՞նչ գիտումով անվիրջ, յաւէտ
Անէծքի տակ դրիր զլուսիդ:

ՀԵՐՈՍՏՐԱՏ Միենոյն չէ ձեզ համար, թէ
Ի՞նչ գիտումով կամ պատճառով,—
Ահա հէնց այժմ իմ իսկ զլիսովս
Յանցանքս քաւել պատրաստ եմ ես:

Երկար հարցեր էլ չ'տաք ինձ:
Առէք կեանքս և այդ գնով
Փրկանք տուէք այն ամենին

Ինչ որ արի, կատարեցի:
ԹՐԱՍՈՆ Այդպէս, անշուշտ, չէիր խօսիլ,
Թէ որ անձդ արդարցնելու
Հնար ու ճար ունենայիր:

ՀԵՐՈՍՏՐԱՏ Ի՛նքս եմ ինձ արդարացնողն:
ԹՐԱՍՈՆ Բայց սեմ առաջ, եթէ ոչ քո
Առաջդ նստած դատողներիդ:

(Աչքերը երկինք դարձնելով):
ՀԵՐՈՍՏՐԱՏ Աստուածունու աչքի առաջ:

ԹՐԱՍՈՆ Հը՛մ, նորանով, որ անսահման
Անարգանքի ենթարկեցիր:

ՀԵՐՈՍՏՐԱՏ Դորա փոխան և անսահման
Սիրում էի, պաշտում նորան.

ԹՐԱՍՈՆ Գեռ հայհոյել, սրբապղծել
Գու կարճդ ես նորա անունն:
Բայց մեզ պատճառն, պատճառն արա
Քո նենգամիտ չար խորհրդի:

ՀԵՐՈՍՏՐՈՍ Մահուան դիմաց կանգնած ընկն
Խոր լուռութեամբ սքողելն, անշուշտ,
Շատ առաւել արժանի է:

(Թրասոնը նշան է տալիս զինուորներին, որոնք բաց են
անում դուռը: Հէմքի վրայ երևում է Տիմարիտան, որին
զինուորներից մէկն առաջնորդում է դատաւորների մօտ):

ՏԵՍԵՐՆ, III.

ԱՌԱՋԻՆՆԵՐԸ և ՏԻՄԱՐԻՏԱ

ՀԵՐՈՍՏՐՈՍ (Ցնցւում է մօրը տեսնելիս):
Օ՛...

ԹՐԱՍՈՆ Ճանաչում եո դու այս կնոջն:

ՀԵՐՈՍՏՐՈՍ Իմ մայրս է, մայրս է դա:

ՏԻՄԱՐԻՏԱ (Բոլորովին գունատուած, բայց կամքի յժով ծածկում
է իւր յուզումը, հանգիստ ձայնով):
Նորա մայրն եմ:

ԹՐԱՍՈՆ Գիտե՞ս, ինչո՞ւ,

Տիմարիտա, այստեղ ես դու:

ՏԻՄԱՐԻՏԱ Գիտեմ, այո:

ԹՐԱՍՈՆ Դու չե՞ս կարող

Նորա արած սարսափելի
Գործի պատճառն մեր ամենքիս
Մտքի առաջ պարզել, մեկնել:

ՏԻՄԱՐԻՏԱ Ո՛վ անաչառ, դատաւորներ,
Մի հաւատաք նորա խօսքին:
Իզուր տեղը ցնորք-տապից
Խեղքը կորցրած, սուտ է ասել,
Մատնել իրեն ու զրպարտել:

ԹՐԱՍՈՆ Ինչո՞վ, արդեօք, կարող ես դու
Ասած խօսքերդ ապացուցել:

ՏԻՄԱՐԻՏԱ Ինչնից նորան ժառանգութեան
Անցած շիտակ, անշեղ ոգովս
Այն առաջին իրն, առարկան,
Որ գրաւեց իւր մանկական
Եւ առաջին անմեղ հայեացքն՝
Սուրբ տաճարն էր: Եւ ես նորա
Օրօրոցը օրօրելիս

Երգել եմ միշտ աստուածունուն,
Նորա լոյսի, չքնաղ կայան:
Եւ երբ արևն արշալոյսին
Իւր վարգամատ փայլ շողերով
Դիցանոյշի սուրբ տաճարի
Եռանկիւնի դրուագաւոր
Բարձր ճակատն ալ ծիրանի
Երանգներով զուգում, պճնում,
Զարդարում էր, իւր մանկական
Մանրիկ թաթերն ամեն անգամ
Նոր հրճուանքով դէպի նա էր
Պարզում, մէկնում և ծափ զարկում:
Իմ աչքերս հանգան անյետ
Եւ մարեցին, որ նոր ի նոր,
Կրկին անգամ վառուին, փայլին
Նորա պայծառ աչերի մէջ:
Եւ ինչպէս որ խիստ հոգատար
Պարտիզպանը իւր մարգերի,
Ածուների ծաղիկներից
Բոլորի մէջ մէկը միայն՝
Հագուագիւտը գգւում, պահում,
Պահպանում է, այնպէս էլ ես
Իւր հոգու մէջ միակ ձգտում,
Իդձ եմ դրել, սնել, մեծցրել,—
Իւր անունը փառաւորէ,
Մեծ սրբութեան անուան հետ յար
Կապէ, ձուլէ հուր յաւիտեան:

Այժմ ասան, անգին զաւակս,
Դ՞ո՞ւ ես արել այն ամենը:

ՀԵՐՈՍՏՐՈՍ Ե՛ս եմ արել, անուշ մայրիկս:
ՏԻՄԱՐԻՏԱ (Գռաւով):
Սո՛ւտ եո ասում:

ՀԵՐՈՍՏՐՈՍ Ե՛ս եմ արել,
Ես միայնակ: Եւ դ՞ո՞ւ միայն
Կարող կլինիս ինձ հասկանալ:

(Զինուորներից մէկը արագ մտնում է կամենում է
վայր ընկնող Տիմարիտային բռնել):

ՏԻՄԱՐԻՏԱ (Հեռացնելով նորան):

Թողէք ինձ դուք: Դեռ կարող եմ
 Թոյլ ոտքերիս վերայ կանգնել:
ՀԵՐՈՍՏՐՍ Ինչ երազում, ըղձում էի,
 Այժմ արդէն կատարուած է:
 Հրճուիր, մայր իմ: Յոյսերդ ամեն
 Կատարուեցան: «Փառք տուր ինձ, փառք,
 Ինձ փառք շնորհիր, աստուածունհի»
 Այդպէս էիր փոքրիկ մանկանդ
 Սովորեցնում աստուածունհուն
 Աղօթելիս: Այժմ արդէն
 Աստուածունհին պարգևել է
 Ինձ այդ փառքը: Թէև զօռով,
 Ակամայից՝ բայց տուել է.
 Իմ անունս այսուհետև
 Իւր տաճարի յիշատակի
 Եւ անուան հետ կապուած է միշտ,
 Միշտ անբաժան: Դու կը լսես,
 Թէ ինչպէս նա՝ իմ անունս
 Բերնէ-բերան կանցնի շուտով:
 Դեռ ծխացող աւեր-բեկոր
 Մնացորդներից նա թե կառնի,
 Կը սաւաննի աշխարհ բոլոր,
 Կը տարածուի և յաւիտեան
 Մարդկանց մտքում բուն կը դնի:
ԹՐԱՍՈՆ Ուրեմն այդ է զբղել քեզ, հմ:
 Յիմար, անմիտ, սխալուել ես:
 Անհետ կանցնի քո չար գործի
 Վատ համբաւը և ծխացող
 Այս մեհեանի բեկորների
 Վերայ նորից մի նոր տաճար
 Կկանգի շուտով:
ՀԵՐՈՍՏՐՍ Բայց մի համեստ,
 Ինչպէս և դուք, խղճուկ մի բան
 Քարից կերտած չքեղ մի տուն—
 Կնոջ համար: Բայց ոչ այն վեհ,
 Հուժկու, անեղ սրբազան վայր,
 Հսկայ նախնեաց հսկայ և գործ,
 Որ խղճալի ձեր սերնդին
 Եւ կուրացնում եւ ճնշում է:

ԹՐԱՍՈՆ Մենք կփշրենք, անհետ կանենք
 Քո ըղձերդ, երազներդ:
ՀԵՐՈՍՏՐՍ Անկարող էք:
ԹՐԱՍՈՆ Թող քո անունդ
 Մարդկանց մտքից անհետ կորչի:
ՀԵՐՈՍՏՐՍ Չ'երազէք իսկ...
ԹՐԱՍՈՆ Օրէնք, պատուէր
 Մենք, կը հանենք — ծանր պատիժ
 Կատանայ նա, ով այսուհետ
 Քո անունդ արտասանէ:
ՄԻԻՍ ԴԱ-
ՏԱՒՈՐՆԵՐԸ Մահուան պատիժ թող սահմանուի:
ՀԵՐՈՍՏՐՍ Ապարդիւն ջանք, դուր աշխատանք:
 Նախ փորձեցէք շղթայ զարկել
 Քամիներին, ծովի ալիքն
 Ամուր կապով կաշկանդեցէք,
 Սկիւթայի է՛ն ծայրերից
 Մինչև սիւներն Հերկուլեսեան
 Ստիպեցէք, որ ձեր օրէնքն
 Ամենքն յարգեն, հնազանդուեն...
 Ապա յետոյ անունս անհետ
 Կորցնելու միջոց գտէք:
 Ինձ սպանել դուք կարող էք,—
 Բայց իմ անունս մինչ յաւիտեան
 Կապրի անվերջ. ես այդ անունն
 Բոց տառերով եմ քանդակել
 Որձաքարի ժայռի վերայ:
 Երբ ձեր կորած, մամուլ պատած
 Գերեզմանն իսկ չի էլ պատմի
 Թէ աշխարհումս գուք եղել էք,
 Երբ ձեր հողին հաւասարուած
 Քաղաքն անհետ կորած կլինի,
 Այն ժամանակ անգամ ամենքն
 Դեռ կը յիշեն արած գործս,
 Հերոսարատիս անունը դեռ
 Կը յեղյեղուի մարդկանց բերնում:
ՄԵՏՐՕՒՈՐ Բայց անէճքով ու վզուանքով:
ՀԵՐՈՍՏՐՍ Չէս պարծենում, մայր, քո որդովդ:
ՏԻՄԱՐԻՏԱ Որդիս չէս դու,— եթէ հայրդ

Անհիւրընկալ մռայլ Ստինքսի
Ափերից իսկ վերադառնար,
Անշուշտ նա էլ քեզ կմերժէր՝
Ճիշդ ինչ նման: Սրտիցս ահա
Ես հանում եմ դէպի քեզ իմ
Տածած սէրս, ինչպէս անպէտք
Մի մոլեխոտ, դէն շարտում:

ՀԵՐՈՍՏՐՈՍ Մա՛յր:

ՏԻՄԱՐԻՏԱ Եթէ դորա համար էր, որ
Կուց-կուց թափած աղի արցունք,
Անվերջ հոգսեր, պահած-պաշտած,
Անուշ դաւակս պիտի մեծնար,
Հասակ առնէր և մարդ դառնար
Ազա, կասեմ, թո՛ղ անիծուէր,—
Այն օրն ու ժամ, որ քեզ ծնայ:

ՀԵՐՈՍՏՐՈՍ Քեզ հետ մէկտեղ ես էլ կասեմ՝
Թո՛ղ անեծուի այն օրն ու ժամ:
Ինչո՞ւ մէջս զարթեցրիր
Մեծ գործերի ծարաւ, փափագ.
Ինչո՞ւ սրտումս դու վառեցիր
Ամպերի մէջ սաւառնելու
Անչէջ ձգտում, եթէ պիտի
Ինչ չտայիր և թռչելու
Թևեր, ասա՛: Օ՛, թէ դու ինչ
Պարզև չտայիր այս դառնութեամբ
Լցուած կեանքի տանջանք, ցաւերն...
Այն ժամանակ ես ստիպուած
Չէի լինիլ մօրս անէծքն
Առած զլիսիս, ոտքով հրել,
Հեռու քչել այդ կեանքն ինձնից,
Ինչպէս ծանր մի բեռն ու լուծ:

ՏԻՄԱՐԻՏԱ (Դառնալով դատաւորներին):

Ազա ուրեմն ես էլ պատժի,
Պատուհասի արժանի եմ:
Ինչ էլ տարէք կառափնատեղ:
Դուք լսեցի՞ք, որ ես ևս
Մեղսակից եմ նորա գործում,—
Երբէք ներման արժանանալ
Ես չեմ կարող:

ԹՐԱՍՈՆ (Յուզուած): Խաղաղութեամբ

Տունդ դարձիր: ՀԵՐՈՍՏՐՈՍ Ներիր, մայր իմ,

Ներիր որդուդ: ՏԻՄԱՐԻՏԱ Մահուան ժամիս

Գուցէ փորձեմ: ՀԵՐՈՍՏՐՈՍ Ներիր, մա՛յր իմ:

ՏԻՄԱՐԻՏԱ Իմ արի՛ւնս, անո՛ւշ դաւակս...
(Մի քայլ է անում դէպի նա: Հերոստրասն ընկնուր
է նորա սոները: Մայրը ձեռքը դնում է նորա դէմին):

ԹՐԱՍՈՆ Տարէք սորան: ՏԻՄԱՐԻՏԱ Թող ոչ մէկը

Ինչ չուղեկցէ: Այսուհետև
Իմ ճանապարհս ես մեն մենակ
Խաւարի մէջ պիտի գտնեմ:
(Յամբարայլ ուղղում է դէպի դուռը):

ՏԵՍԵՐՆ IV

ԱՌԱՋԻՆՆԵՐԸ (առանց Տիմարիտայի):

ԹՐԱՍՈՆ Այժմ արդէն, երբ մեր առաջ
Գործած ոճրիկ բուն շարժառիթն
Պարզ յայտնի է, մեզ մնում է
Միայն ցաւել ազնիւ ձիրքի
Եւ ոյժերի այսչափ դառն
Անկման վերայ: Ինքդ արդէն
Քո իսկ բերնով խիստ անողոր
Դատաւճիռ գլխիդ վերայ
Պարզ կարգացիր: Մենք այս դէպքում
Միայն նորա գործադրող
Ոյժն ենք կազմում: Այժմ դառնանք
Վճռահատին:

(Զինուորի տուած նշանի վրայ մտնում են երկու սարուկ:
Մէկը բերում է մտաղիայ մի բուէտուփ (արձ), որ դնում
է Թրասոնի առաջ միւսը բաժանում է դատաւորներին
մի-մի սև և սպիտակ քուէ: Յետոյ սարուկները դուրս
են գնում: Թրասոնն ելնում է տեղից):

Տէր դատաւորք,

Ձեր ձայները:



(Առաջինն ինքն է ձգում իւր քուէն տուփի մէջ: Միւսները հետևում են նորան. յետոյ կրկին նստում են իրենց տեղերը: Թրասոնը զգուշութեամբ դատարկում է տուփը, համրում է քուէները և հանդիսաւոր կերպով յայտարարում է):

Նա միաձայն

Մահուան պատժի է ենթարկւում:

(Դառնալով Հերոսարատին, որ ֆացեւ էր կանգնած բոլորովին անշարժ):

Գուցէ ունիս մի ցանկութիւն

Կամ ասելիք:

ՀԵՐՈՍՏՐԱՏ

Մօրս միայն

Վրէժխնդիր չլինէք երբէք

Իմ արածիս, գործիս համար:

ԹՐԱՍՈՆ

Այդ խնդիրդ կը կատարուի:

Ամենքս մէկ տեղ երաշխաւոր

Կլինենք դորան:—Այժմ՝ մահուան

Պատրաստուիր դու:

ՀԵՐՈՍՏՐԱՏ

Ես պատրաստ եմ:

(Թրասոնը, Մետրոդորը և միւս դատաւորները ելնում են ձախ կողմից. զինուորները հետևում են նոցա. լուսւմ է, ինչպէս դրսից ամրացնում են դռան սողնակը):

ՏԵՄԵՐՆՆ Վ

ՀԵՐՈՍՏՐԱՏ. (Յետոյ) ԿԼԻՏԻԱ:

ՀԵՐՈՍՏՐԱՏ

(Մենակ):

Օ՛ր, աստուածներ, ինչպէս յոգնել,

Դադրել եմ ես: Քուէն յեղյեղուկ,

Փոփոխամիտ բարեկամ է:

Մխիթարում, սփոփում է,

Բայց և նորից մեզ պատրանքի,

Հիասթափման մէջ է ձգում.

Անուշ օրօր է մրմնջում,

Որ մեզ նորից երկիւղ ազդէ:

Բաղդի ժպտուն ժամ-օրերին,

Պատրաստակամ, հաճկատար է,

Վշտի ժամին ազահ, ժլատ:

Այդ պատճառով քեզ իմ ողջոյնս,

Քեզ՝ յուսալից իւր երկուորեակ:

Բաւական է, եթէ մէկին

Մի օր գոնէ քո գրկի մէջ

Օրօր կարդաս, նա այլ ևս

Էլ յաւիտեան աչք չի բանալ:

(Այլ դռան յետևից թեթև փսփսոց է լսւում: Նա ուշադրութեամբ ականջ է դնում):

Ոտքդ արդէն շէմքիս վերայ

Դըրեցիր, հա՛:

(Ելնում է տեղից):

Ողջունում եմ:

(Դուռը բացւում և Կլիտիան շտապով ներս է մտնում):

Դո՛ւ ես, Կլիտիա: Մահապարտի

Մօտ ինչ ունիս: Ինչո՞ւ եկար:

ԿԼԻՏԻԱ

Որ ազատեմ քեզ այստեղից:

ՀԵՐՈՍՏՐԱՏ

Ա՛յժմ միայն կամեցա՛ր այդ...

ԿԼԻՏԻԱ

Դու չպէտք է կեանքից զրկուես:

ՀԵՐՈՍՏՐԱՏ

Հիմա արդէն էլ շատ ուշ է:

ԿԼԻՏԻԱ

Ակամայից քեզ վիշտ ու ցաւ

Պատճառեցի: չէի կարող,

Ոյժ չունէի զարհուրելի

Դէպքերի դէմ կռիւ մղել:

Բայց և այնպէս հոգուս վրայ

Ծանր քարի պէս ճնշում են

Այդ բոլորը: Եւ ես այժմ

Կամենում եմ մահուան ճանկից

Քեզ ազատել, - և կարող եմ:

ՀԵՐՈՍՏՐԱՏ

Զուր աշխատանք:

ԿԼԻՏԻԱ

Գեգեսի

Ստրուկ ծառան, որ մի շան շափ

Հաւատարիմ է դէպի ինձ,

Դռան մօտ քեզ սպասում է:

Նորան զլիսից ես հանել եմ՝

Խոստանալով ազատութիւն

Շնորհել իրեն: Մեր փախուստի

Յաջողութեան պիտի օգնէ

Եւ կուղեկցէ մինչև վերջը:

ՀԵՐՈՍՏՐԱՏ

Բայց ո՛ր:

ԿԼԻՏԻԱ

Ներքև՝ սանդուղտներով

Մենք վար կիջնենք. թեթև, սահուն

Մակոյկը մեզ, որ այժմ պատին

Շղթայած է, իւր մէջ կառնէ,
Եւ նորանով նաւ կը հասնենք
Ակնթարթում ու անվտանգ:

ՀԵՐՈՍՏՐՈՍ Եւ այդ նաւը...

ԿԼԻՏԻԱ Հէնց այժմ իսկ
Խարխալ կառնէ, ծով կը դիմէ:
Մի՛ դանդաղիր:

ՀԵՐՈՍՏՐՈՍ Ուրեմն Աթէնք պիտի երթայ:

ԿԼԻՏԻԱ Դէ՛, շուտ, գնանք:

ՀԵՐՈՍՏՐՈՍ (Չարախնդու(թեամբ):
Վա՛տ խորհուրդ չէ:

Լաւ ես խորհել: Աստուածային
Պրասկսիտելն իւր սիրուհուն
Փախցնում է. և որպէս զի
Այդ ժամանակ հարսանիքի
Ուրախ հանդէսն արիւնաներկ
Ձոհի ստուերն՝ ուրուականը
Չը մոայլէ, նա առնում է
Ի՛նձ էլ իւր հետ:

ԿԼԻՏԻԱ Քեզ կազատենք...

ՀԵՐՈՍՏՐՈՍ Ի՛նչ ողորմած, գթասիրտ է,—

Քեզ թոյլ տուէ՛ց այդ անելու:

ԿԼԻՏԻԱ Իմ գիտումս ու ծրագիրս
Նորան դեռ ևս յայտնած էլ չեմ:
Բայց ծովափը, նորա հանդէպ
Համբաւատար եմ ուղարկել
Եւ քաջ գիտեմ, որ իմ միտքս
Կը հաւանէ, խրախուսէ:

ՀԵՐՈՍՏՐՈՍ Բայց բանն այն է, ես չեմ կարող

Համաձայնել առաջարկիդ:

ԿԼԻՏԻԱ Ազատուելու միակ ելքն է...

Մէկ էլ տեսար յանկարծակի
Ժողովուրդը աղմկեցաւ...
Ուրիշ հնարք, միջոց չկայ:
Նաւահանգստից մեկնող նաւը
Մենակ նա է...

ՀԵՐՈՍՏՐՈՍ Եւ դու կարո՞ղ

Պիտի լինես ազատութիւն

Կոչել այդ, հա՛: Ես՝ անիծուած,
Անարգուածս, հայրենիքից
Վաճառուածս,—պիտի ընկնեմ
Երջանկութեամբ արբած, ուրախ
Մի՛ զոյգի մէջ:

ԿԼԻՏԻԱ Կեանքի, մահու

Խնդիր է սա:

ՀԵՐՈՍՏՐՈՍ Այդպիսի կեանքն

Ամօթալի մահից անգամ
Ծանր կլինէր:—Իսկ ես այստեղ
Ազատութեան եմ սպասում:

ԿԼԻՏԻԱ Բայց ժամանակ չունինք այլ ևս...

Օ՛, լսիր ինձ: Իմացիր, որ
Ես էլ նորան հետևում եմ
Ո՛չ հաւասար՝ իրեն ընկեր,—
Այլ թէ միայն իբրև ծառայ,
Իբրև խոնարհ մի աղախին.
Համեստ սիրով պիտի պատեմ
Նորա չորս դին, առանց ոչինչ
Պահանջ, խնդիր ունենալու.

ՀԵՐՈՍՏՐՈՍ Եւ ասողը մի կլին է, հա՛:

Գնա՛, գնա կիսաստուծուդ
Յետևիցը. ծառայ եղիր
Իբրև ազնիւ, հաւատարիմ
Ստրկուհի կամ աղախին:
Յաջողութի՛ւն եմ ցանկանում:
Գնաս բարև:—Իսկ ինձ համար
Ես ընտրել եմ...

ԿԼԻՏԻԱ Կորուստ և մահ:

ՀԵՐՈՍՏՐՈՍ Ինչպէս և դու:

ԿԼԻՏԻԱ Էլ ոյժ չունեմ.

Ժամանակը անցնում է... շուտ...

ՀԵՐՈՍՏՐՈՍ Գնա՛, շտապիր:

ԿԼԻՏԻԱ Վերջին անգամ...

ՖԷՕՆԻԳԱ (Դրսից)

Թողէ՛ք ներս դամ:

ԿԼԻՏԻԱ (Շտապով):

Ֆէօնիգան:

Նորա կողմից է ուղարկուած:
 Որպէս բանբեր է նա գալիս
 Եւ մեր գործի, մտազրուածեան
 Գաղտնիքներին քաջ ծանօթ է:
 (Բաց է անում աջակողմեան դուռը և կանչում):
 — Եկ, ներս արի:
 (Մտնում է ֆէօնիդան մի կողով վարդ ձեռքին):

ՏԵՍԵՐՆՆ VI

ԱՌԱՋԻՆՆԵՐԸ և ՖԷՕՆԻԴԱ:

ԿԼԻՏԻԱ (Գիմաւորելով նորան):
ՖԷՕՆԻԴԱ Տեսա՞ր նորան:
 Եւ ասացիր ինչ որ պէտք էր:
ԿԼԻՏԻԱ Հա, տիրուհիս:
ՖԷՕՆԻԴԱ Անշուշտ, նա ինձ
 Շտապցնում է: Այնպէս է, չէ:
 (Շփոթուած ու վարանելով):
ԿԼԻՏԻԱ Ո՛չ, տիրուհի. ինձ ուղարկողն
 Ուրիշ համբաւ է ուղարկելի:
ՖԷՕՆԻԴԱ Դէ, շուտ արա, ասա շուտով:
ԿԼԻՏԻԱ (Կվմալով):
 Ես...
 (Նաւահանգստի կողմից ձայներ, աղմուկ է լսում):
ԿԼԻՏԻԱ Ինչ ձայներ են, ինչ աղմուկ է:
ՖԷՕՆԻԴԱ Ժողովուրդը նորան «կեցցէ,
 Գնաս բարե» է ձայն տալիս:
 Հրաժեշտի աղաղակն է...
ԿԼԻՏԻԱ Հրաժեշտ են տալիս նորան...
 Աղաղակ է... հապա նաւը...
ՖԷՕՆԻԴԱ Նաւը մեկնեց:
ԿԼԻՏԻԱ Իսկ նա... ինքը...
 Պրակսիտելն... ա՛խ, ուզում եմ...
 Սիրտս նորան է ցանկանում:
ՖԷՕՆԻԴԱ Անկարելի բան ես ուզում:
 Ազատ, արձակ ծովի միջով
 Արդէն նորա նաւն է սուբում:
ԿԼԻՏԻԱ (Վազում է դէպի բեմի խորքը և նայում է հեռուն):
 Այնտեղ... հեռուում... առազաստներ...

(Բարձրաձայն աղաղակով):
 Ա՛խ, Պրակսիտել...
 (Վայր է ընկնում, իբրև շանթահար):
 (Ինքն երես):
 Ծանր է, գիտեմ:

ՀԵՐՈՍՏՐԱՍ
ՖԷՕՆԻԴԱ (Կողմին շտապով դնում է նստարանի վրայ և վազում
 դէպի Կլիտիան):
 Ինչո՞ւ այսպէս դառն ցաւեր
 Պիտ բերէի ես քեզ համար:
 Ա՛խ, չգիտես թէ ինչպէս ես
 Կը ցանկայի ուրախ, բարի
 Համբաւներով առաջդ ելնել:
ԿԼԻՏԻԱ (Գրանդաղուծեամբ տեղեց ելնելով):
 Մենա՛կ զնաց, — և ինձ թողեց:
 Այդպէս, կարծեմ, ասացիր, չէ:
 Նաւահանգստում անդամալոյծ
 Խեղճ աղքատը արժանացաւ
 Նորա ժպտին, իսկ ես՝ թշուառս,
 Որին երէկ դեռ իւր կրծքին
 Ամուր սղմած, փայփայում էր,
 Ինձ՝ հրաժեշտի և ո՛չ մի խօսք,
 Ո՛չ մի համբոյր գէթ վերջին գամ...
 Ոյժ ունեցաւ ինձնից զատուել
 Եւ բաժանուել այդպէս, ահա...
ՖԷՕՆԻԴԱ Բայց և ինքն էլ ուրախ դէմքով
 Չհեռացաւ. դողդոջ ձայնով,
 Տամուկ դէմքով, թաց աչքերով
 Շչնչում էր, — Վատաղ բանբեր,
 Երբ որ նաւս իւր կայանից
 Ծով կը դիմէ և ինձ աչքից
 Բոլորովին կը կորցնես,
 Վազիր շուտով նորա մօտ դու,
 Ասա նորան, թէ երբ միայն
 Երջանկութիւնն ու զգլխիչ
 Քաղցր մոռանքն տղամարդուն
 Կարենային կապել, գերել,
 Երբէք սիրտս ես նորանից
 Չէի գատիլ: Բայց առաւել
 Մեծ պարտիք է ինձ կանչողը,

Նոյն իսկ կամքիս էլ հակառակ:
 Կասես նորան այս բոլորը
 Եւ կողովով վառ վարդերը
 Լռիկ, անխօս ողջունիս հետ
 Իւր ոտքերի տակ կը դնես:
 Թո՛ղ այդ անխօս վկաները
 Նորա ներումն հայցեն, առնեն,
 Ինձ ուղարկեն ազատ հովով,—
 Թո՛ղ զիտենայ՝ չթուներներս
 Զերմ օրհնութիւն են մրմնջումս:
 Կորի՛ր, աչքիցս, քո վարդերովդ:
 Հեռո՛ւ, հեռու տար ինձանից:
 Նոցա շունչը—թոյն է, վարամ:
 Տըրի՛ր բոլորն, ոտքի տակ տուր
 Մէկիկ-մէկիկ: Իսկ երբ նոքա
 Հոգոց հանեն և կամ հծծեն,
 Նոցա ողջոյն, հրաժեշտ կտաս
 Նորա կողմից, որ ինձ անխիղճ,
 Տմարգօրէն իւր ոտքերի
 Տակ տրորեց: Տեսաւ աչքով
 Ինչպէս ուրախ ծաղկում էի,
 Անխիղճ ձեռքով նա ինձ պոկեց—
 Եւ չպրտեց:

ԿԼԻՏԻԱ

ՀԵՐՈՍՏՐԱՏ

Նա աստուած է:

Ահա նորա ողջ պարգևը
 Սիրուդ համար:

ԿԼԻՏԻԱ

Կորի՛ր աչքիցս

Քո վարդերովդ, դէ՛ն կորցրու...

ՖԷՕՆԻԴԱ

Ուրեմն ես պէտք է սոցա...

ԿԼԻՏԻԱ

Ո՛չ անուշիկս, էլ ձեռք չտաս
 Դու նոցանից և ոչ մէկին:
 Առանց այն էլ շուտով նոքա
 Կը թառամեն ու կը թոչնեն:
 Ծովափ տար դու այդ բոլորը,
 Ալիքների վերայ շաղ տուր,
 Մէկ-մէկ հեռո՛ւ, հեռու ձգիր
 Դէպի այնտեղ, որտեղ, դեռ ևս
 Նորա նաւի փայլուն հետքը
 Յոյց է տալիս առ յաւիտեան

Կորցրած բաղտիս արահետը:
 (Առնում է վարդերով լի կողովը):
 Կկատարեմ, ինչ տիրուհիս
 Պատուիրեց ինձ: Թէ որ կարող
 Լինէի ես դեռ աւելին
 էլ կատարել...

(Դուրս է գնում աջ կողմից):

ՏԵՍԱԲԱՆ VII

ՀԵՐՈՍՏՐԱՏ, ԿԼԻՏԻԱ:

ՖԷՕՆԻԴԱ

Թառամեցան, կորան վարդերն.
 Եւ սրբազան անտառի մէջ
 Ծաղիկները թոթափեցին:
 Դու էլ մնաս բարև, գարուն:
 Բայց և այնպէս արդարացի,
 Իրաւ էր նա:—Ես ինչ էի
 Նորա համար: Միայն պատկեր
 Արտայայտիչ: հազարաւոր
 Իէմքերից մինն: Ինչպէս եկաւ,
 ձիչդ այնպէս էլ անցաւ-գնաց,
 Լոկ մի բոպէ աշխարհ բոլոր
 Գեղեցկութեամբ ճոխացնելու,
 Ինձ էլ հետը աւերելով:

ԿԼԻՏԻԱ

ՀԵՐՈՍՏՐԱՏ

(Չարանդակութեամբ):

Ել ինչ կուգես դու նորանից:
 Միթէ նա չէր, որ քեզ տուեց
 Այն բոլորը, ինչ որ հոգով,
 Ողջ հուժեամբ, այնպէս կըքոտ
 Ուզում էիր,—մշտափթիթ
 Մատաղ մնալ: Մեր երկուսիս
 Յանկութիւնն էլ կատարուած է:
 Դու անթառամ գեղեցկութեամբ
 Միշտ կը փթթես. աստուածային
 Յարգանքներով դեռ նոր կերտած
 Յար և նման երկուորեակդ
 Շուք և փայլով տաճար կմտնէ:
 Իսկ իմ անունս ժամանակի
 Հզօր յորձանքն դարեր անվերջ

Պիտ գլորէ ու դէմ տանէ
 Գալոց բոլոր սերունդներնի:
 Կեանքն ինձ համար մի տանջանք էր.
 Սակայն այժմ՝ անմահութեան
 Փայլ կստանայ:

ԿԼԻՏԻԱ

(Հոգեգմայլութեամբ ականջ է դնում):

Սա՛ս... Ձայն մի հանիր:

Լաիբ մի քիչ: Դու չես լսում:
 Իմ սիրելուսնայնն է հնչում,
 Ինձ է կանչում: Լա՛ս գիտէի,
 Նա չէր կարող զատուել ինձնից:
 Եւ ջրերի, ծովի անհուն
 Տարածքն անգամ չեն արգելում
 Նորան բարձր, բարձր ձայնով
 Ինձ կանչելու, — Ե՛կ յետեիցս:—
 Ա՛խ, գալիս եմ, Պրակսիտել:
 Ահա եկայ...

(Նաւամասոցցի պատից իրեն ծոփն է ձգում):

ՀԵՐՈՍՏՐՈՍ

(Շտապով գիմելով դէպի ցանկապատը):

Կլիտիա, Կլիտիա.

(Ձախ կողմի գռնից ելնում են գինուորները և դանդաղ մտնենում նորան. գիմում է նոցա):

Ինձ դէպի մա՛հ տարէք չուտով,
 Մահուան վերայ ծիծաղում եմ
 Անմահ եմ ես: Անմա՛հ, անմա՛հ:

(ՎԱՐԱԳՈՅՐՆ ԻՋՆՈՒՄ Է)



ՎԵՐՋ

«ԼՈՒՄԱՅ» Ի ԽՈՐԱԳՐԱՏԱՆՆՆԵՐ ՎԱՃԱՌՈՒՄ ԵՆ

ԳԻՒՏ Ե. ՔԱՀ. ԱՂԱՆԵԱՆՅԻ

Ա. աշխատութիւնները.

1 Աղօթատետր Ե. տպ. 1903	— 10
2 Կրօնի դասագիրք ա. տ. 1889 (սպառուած)	— 15
3 " " Բ տ. գ. տպ. 1891	— 25
4 " " Գ տ. գ. տպ.	— 25
5 Տօմար և տօնացոյց Հայաստ. եկ. բ. տպ. 1894	— 50
6 Կարնոյ դաղժը. պատմութեան տեսութիւն. 1891	— 10
7 Դիւան Հայոց պատմութեան. գիրք Ա.—Բ. 1780—1834 Սահակ Մետրոպեան մրցանակին արժանացած 1893	2 —
8 Դիւան Հայոց պատմ. գիրք Գ. Սիմէօն կաթողիկոսի յիշատա- կարանը, կենսագրութեամբ, յաւելուածներով ու ծանօթութիւն- ներով, Սահակ-Մետրոպեան մրցանակին արժանացած. 1894	7 —
9 Դիւան Հայոց պատմ. գիրք Դ. Ղուկաս կաթող. 1780—1800 I (լուսանկար պատկերով և վիմատիպ կոնդակով) 1899	4 —
10 Դիւան Հայոց պատմ. գիրք Ե. Գանիէլ կաթ. 1800—1808. (ԴԻ վիմատիպ կոնդակով) 1902	4 —
11 Կարգ աստուածապաշտութեան Հայաստանեայց ս. եկեղեցւոյ 35 նկարով, Դ. տպ. 1902	— 50
12 Հընից-նորից, հնախօս. ուղեւոր. պրակ Ա. 1900	— 30
13 Պատի օրացոյց 1902 ամի. ժամանակագր. յի տարի	— 50
14 Նամակագիրք. 1902.	— 50
15 Ծոցի օրացոյց 1902 ամի և յաւելուած. — Աւողջապահական խոհարարութիւն (սպառուած)	— 15

Բ. թարգմանութիւնները

16 Հաւատարմութիւնը ամեն արգելքների յաղթում է Ք. Հոֆման նի 1877	— 40
17 Խաւարից դէպի լըյս Ք. Հոֆմ. 1878. (սպառ.)	— 40
18 Դօն Քիշօտ լամանչեցի, Մ. Սէրվ. 1878 (սպառ.)	— 70
19 Գեորգ Ռօլլէստօն, 1879 (սպառուած)	— 60
20 Երբորդ ոսկի, առակ. Լակիդէի բ. տպ. 1893	— 10
21 Ռօբինզօն (հրատ. Թիֆլ. տպագր. ընկերութ.) (սպառ.)	— 60
22 Չէստերտօնի ժառանգը, պատկերազարդ, 1882. (սպառ.)	— 1
23 Ակտէա, տ. Սիսօեվայի. 1885 (սպառուած)	— 5
24 Եան Էրնստ Սմօլեար. Ն. Եանչուկի, 1885 (սպ.)	— 20
25 Արծուի մոռածմունքը, պրօֆ. Մ. Բոգգան. 1892.	— 5

26	Գիւղի սուրբը, Սվետոսլով Զէնի, 1892	— 10
27	Կեանքի դպրոցը, Գիւղէնսի, 1892	1 —
28	Դէպի Աթէնք, Հ. Սենկեվիչի բ. սպ. 1901.	— 15
29	Մի կտոր Հաց, Պօտոպէնկօի բ. սպ. 1901	— 10
30	Որսորդ, Օ. Շրայների	— 10
31	Մատուռի աւերակներում, Օ. Շրայների	— 10
32	Կարա	— 5
33	Անտառապետ Ֆրեդէրիկ, Էրկման Շատրխանի, 1903	— 40
34	Տնային բժշկարան, պրակ Ա. (Թարգմ. ընկերութեամբ Իս. Յար.-ի և Հրատ. բժշկ. Գ. Բարեանի	1 —
35	„ „ պրակ Բ. Թարգմ. և Հրատ. նոյն	1 60

Գ. հրատարակութիւնները

36	Ի. Յարութիւնեան, Հայոց գիրը 1893	1 50
37	Իշխ. Կ. Բեհրուդեան, Ծուխ, 1893	— 15
38	Ռանգարէ, Իմաէ, վէպ Թարգմ. Յ. Լալայեանի	— 25
39	Ալէք Այնո, Քուրդի լեռան, 1893	— 25
40	Ճղարբեղեան Յ, Հայոց լեզու ա. տ. 1894	— 30
41	Խրիմեան Հայրիկ, Ժամանակ 1895	— 15
42	Սպիրի, Այծարած Մօնի Թ. Ի. Յարութիւն. 1885	— 15
43	Բակ. (Բարգէն վ.) Կիլիկիա 1896.	— 15
44	Պետաւըցցի, Լինճարդ և Գերարուդ. 1896	1 50
45	Մեղիսեղեկ արքեպ. Մուրատեան, Պետրոս Շանչեան պատկերով, 1897	— 50
46	Թ. Ա. Խոհարարու Հի, բ. սպ. Ճոխարած 1904	— 50
47	Լուամյ, գրական Հանդէս 1896 Ա. գիրք	2 —
48	Լուամյ „ „ 1896 բ. գիրք	2 —
49	Լուամյ „ „ 1897 ա. գիրք	2 —
50	Լուամյ „ „ 1897 բ. գիրք	2 —
51	Լուամյ „ „ 1898 ա. գիրք	2 —
52	Լուամյ „ „ 1898 բ. գիրք	2 —
53	Լուամյ „ „ 1899 ա. գիրք	2 —
54	Լուամյ „ „ 1899 բ. գիրք	2 —
55	Լուամյ „ „ 1900 ա. գիրք	2 —
56	Լուամյ „ „ 1900 բ. գիրք	2 —
57	Լուամյ „ „ 1901 ա. գիրք	2 —
58	Լուամյ „ „ 1901 բ. գիրք	2 —
59	Լուամյ երկամսեայ գրական Հանդէս 1902— տարեկան	6 —
60	Լուամյ „ „ „ 1903 տարեկան	6 —
61	Յ. Պարոնեան, Ծիծաղ պատկերով, 1899	1 25
62	„ Արևել. ատամնաբոյժ կատակ. 1901	— 50
63	„ Բաղարամար. փնաները, 1901	— 75
64	Ի. Յարութիւնեան, Ստեփանոս Պալասանեան,	— 25
65	Ն. Տէր-Կարապետեան, Խաչատուր Արովեան, սպառ.	— 60

66	Ի. Յարութիւնեան, Աշակերտի յուշատետրը	— 30
67	„ „ Չգացմունքների աշխարհ.	— 30
68	Յարութիւն Թումանեան, Մելիք Իսաուի	— 20
69	Մ. Եօկայի, Ուրացողը, Թարգ. Իս. Յարութ.	— 20
70	1901 Ս. Էջմիածնի Ժ.Չ. դարագարձը	— 25
71	Եր. Շահագիլ, Մկրտիչ Էմին	— 60
72	Կարալէնկօ, Կոյր երաժիշտը Թարգմ. Մուշէ վրդ.	— 60
73	Չորրորդ դարու Հայ եկեղեցին.	— 20
74	Եր. Շահագիլ, Նոր-Նախիջևանի ս. Խաչ վանքը	— 40
75	Ի. Յարութիւնեան, Իմ օրագիրը.	— 20
76	Մեծ Ներսէս	— 25
77	Գ. Խաչկոնց, Հայոց կրօն. բանաստեղծութիւնը	— 60
78	Ի. Յարութիւնեան, Կին վեպագիր, Ե. Սպիրի	— 10
79	Օր. Ն. Աղանեանց, (Թարգմ.) Սև Հացեր. բ. տ.	— 5
80	Կարալէնկօ, Դատաստանի օրը՝ Թարգմ. Մուշէ վարդապետ	— 40
81	Կ. Կոստանեանց, Շարժի տարեգրութիւնը Հայոց միջ. 1902	— 20
82	Գարեգին վ. Յովսէփեան Մանրանկարչութեան արուեստը Հայոց միջ 1902	— 25
83	Ներսէս Մեծի յաջորդներ 1902	— 25
84	Մ. Գոյրիկ, Չելիաշ, Թարգմ. Մուշէ վրդ.	— 25
85	Քուչակ Նահապետի երգերը, Յով. Թադէոսեան	— 15
86	Սահակ Պարթև.	— 25
87	Ապուշը, Ժօրթ Իսպարբի, Թարգմ. օր. Նուարդ Աղանեանց, բ. սպ.	— 5
88	Վարժապետը, Թարգմ. Լ. Մ.-Ա.	— 5
89	Հազարան Բլբուլ. Յ. Թումանեանց	— 30
90	Պատմական պատկերներ. Եր. Շահագիլ	— 60
91	Ժ. Ժ. Ռուսո, Էմիլ. Թարգմ. Իս. Յարութիւնեանի	—
92	Խորեն արք. Գալֆայեան և Նալբ. Աղցմիքը. Եր. Շահագիլի.	— 50
93	Հերոստրատ, Լուգվիդ Ֆուլցայի. Թարգմ. Տ. Վ.	— 50
94	Կանոնք ժողովոց, Մ. Ա.	— 50
95	Ուղեղի նորոգումը, Գ. Գիլմէլի Թարգմ. Օր. Նուարդ Աղանեան,	— 5
96	Գթութիւն	— 5

Մամուլի տակ են

97	Դիւան Հայոց պատմութեան, Գիրք Զ.	
98	„ „ „ „ գիրք Է.	
99	Համով-Հոտով Գ. Ե. Սրուանձոտեանի	
100	Եղիշէի պատմութեան բնագիրը.	
101	Հայ Գրչագիրներ.	
102	Հայերի և զաւակների Ի. Տուրպենի	
103	Յեղորդութիւններ. Քաջերբունու	
104	Կանոնք ժողովոց Մ. Բ.	
105	Ալէմգիր, վէպ Վ. Փափագեանի	
106	Ստի Հօգերանութիւնը. Գ. Ենդ.	



Հայաստանի Ազգային գրադարան



NL0432461

